

Kurze Verzeichnuß

2

Ind Historische
Beschreibung deren dingen/
so von der Societet IESV in Orient/
von dem Jar nach CHRISTI Geburt/
1542. biß auff das 1568. ges
handlet worden.

Erstlich

Durch Ioannem Petrum Maf-
eium, auß Portugalesischer sprach
in Latein/vnd jetzt neben etlichen Jao
onischen Sendtschreiben / vom Jar 1548. biß
auff 1555. allen frommen Catholischen zu
Lieb vnd Trost ins Teutsch gebracht/
vnnnd zum ersten mal an
Tag geben.

Durch weylandt den Hochgelehrten
Herin Ioannem Georgium Göken/ beyz
der Rechten Doctorn/ auch Fürstlichen
Bischofflichen Constanzischen Rath
vnnnd Secretarien / ic.

Mit Röm. Kay. May. Gnad vnd Freyheit.
Gedruckt zu Ingolstadt / durch
David Sartorium.

Anno M. D. LXXXVI.

Bibliothek

Leipzig



Denen Hoch vñ

Ehrwürdigen in Gott / Wolgebornen / Edlen vñnd Hochgelehrten / Herrn Ioanni Matthæo Hundpiß von Waltrams Thümprobsten / Herrn Philipsen von Freyberg Thümdedchant / vñnd gemeinem Capitel des Hochstifts inn Constanz / 2c. meinen gnädigen Herren.

S OCH vñnd Ehrwürdige in Gott / Wolgeborne / Edle vñnd Hochgelehrte / genädige Herren / Ob gleichwol zu disen letzten müheseligen vñnd gefährlichen zeiten / der arglistig böse Feind / des ganzen Menschlichen Geschlechts / der Sathan / als ein Tausentkünstler / inn der

(ü brei=

Worred.

weiten Welt / vnnnd be-
n der Christenheit aller-
List / Kend vnnnd Practi-
zustiffen / sich bemühet /
lbereit angestiff / die alt /
/ Catholische Religion /
gemeine Römische Kir-
derzudrucken vnd zuuer-
Darumben er dann al-
Ketzereyen hin vnnnd wi-
allen Orten ausgespren-
arme ellende Menschen /
Abgrundt der Höllen zu-
t. So hat doch der all-
g/ewig / gütig / barmher-
ott / hingegen inn Orient
idien / das heilig Christ-
angelium / vnd die recht
eligmachende Catholi-
ligion / herzlich vnd für-
ich leuchten lassen / vnnnd
il hundert tausent See-
len /

len/die Zahl seiner Außerwöhl-
ten zu erfüllen/erwöhlet vnd er-
obert / darzu er seine außerkörne
Werckzeug / vnnnd insonderheit
die hochberühmt Societet vnd
Gesellschaft IESV gebrauchet/
In massen dann auß diser kür-
zen Verzeichnuß vnnnd Histori-
scher Beschreibung / auch den
Japonischen Sendtschreibẽ au-
genscheinlich zu sehen.

Zu mehrerm Verstand aber/
wil ich allhie etwas kürzlich
von Indien andeuten. Wie-
wol India/ ein grosse / weite/
mächtige vñ gewaltige Landt-
schafft/so man propriè vnnnd ei-
gentlich dauon reden wolt / nur
dise Gegend begreiffst / durch
welliche der edele Fluß Indus
laufft : So hat doch der lang-
wirige Brauch erhalten / das

Vorred.

über den ebenmässig
weitberühmbten Fluß
/ Die grossen Gegenden
der / so biß an die Sini=
d am letzten End des
gelegene Serische Völ=
ssen / noch heutzutag
ndien gezählet wer=

/ so wirt über die Si=
em Serischen Meer/
von dem Landt / neben
einen Inseln / ein gros=
se Insel gesehen / wel=
gemeinlich die Ja=
nennt / Etliche meinen
twan bey den Alten
geheissen. Gewis ist
wirdt in glaubwürdige
rien gefunden / daß /
ien diser Japonischen
alle andere nechstge=
legene

legene Landtschafften / so aller
 Reichthumb / Gewürtz / vnnnd
 wolriechender Gewächß voll
 seynd / vor alten zeiten / als das
 Römisch Reich noch inn seiner
 Blüh vnnnd Auffnemen / mit den
 Europäischen Völkern Kund-
 schafft gehabt / auch Kauffman-
 schafft vnnnd Gewerb getriben.
 Neben dem daß auch etliche vn-
 der denselben den Christlichen
 Glauben von den heiligen Apo-
 steln / vnnnd sonderlich von S.
 Thoma vnnnd Sanct Bartho-
 lomeo empfangen haben. Nach
 dem aber die Macht des Römi-
 schen Reichs etlicher massen ab-
 genommen / auch andere Natio-
 nen vnd Völker sich wider das-
 selbig auffgeleinet / So hat g'ei-
 chesfalls die freunt vnd Ge-
 meinschaft mit denselbigen ein
)(iiii Endt=

Boered.

genommen: Vnd
die Christlich Re=
ach vnd dermassen
vorden / daß schier
ncklein darvon v=

en haben die Por=
vmb die Christen=
dientet / daß / nach
Ort ohne grosse
Lebens / zu Landt
nnen besucht wer=
er niemandt solche
ürnemen wöllen /
it ihren wolberei=
Schiffen / auch die
eß Landts Africa
as Promontorium
Vorgebürg des
der derselbigen zeit
it / auch für die
Thersonesum / wel,
liche

liche man jetzt Malacam nennet/
vnnnd für Taprobanam/ so jetzi=
ger zeit Sumatra oder Samotra
genannt wirdt / vnnnd endtlich
für die Sinischen Inseln vber=
geschifft/ biß sie zuuorermeldten
Japonischen Inseln / mit gros=
ser Dapfferkeit vnnnd Mannli=
lichem Gemüt ankommen.

Vnnnd eben dieselbigen/dem=
nach sie das grössere Theil der
Indischen Grenzen glückselig=
lich vnder ihr Joch gebracht /
Auch die Persischen Golfen o=
der Meerschof eingenommen /
die Arabischen Schiffahrten
verhindert / vnnnd die India=
nische Waar / durch das Afri=
canisch vnnnd Atlantisch Meer
in Hispanien geführt: So ha=
ben sie nit allein die Memphi=
tische Zöll der Türcken höch=
lich

Vorred.

sochten vnd abbracht:
t auch die Christlich
vnd den Catholi-
auben / durch heilsa-
gen vnd Euangelische
ruchtbarlich gepflan-
rzü dann auf Befelch
der Heiligkeit / so wol-
lichen Vätter Franci-
dens vñ anderer / für-
aber die Herren Theo-
Priester von der So-
v / derer Indianische
hreiben / den frommen
vilerley Nutz vnd Be-
s jedezeit gebracht ha-
gesandt vnd geschickt

in auß jetzt angedenten
hreiben vil grosse Bü-
ten gemacht werden /
Herz Emanuel à Costa
weiß=

Vorred.

weißlich vnd Gottseligklich ge-
 than/ daß er solche in ein gelieb-
 te Kürz gebracht / vnnnd durch
 die Portugalesisch Sprach auß-
 gehen lassen / Welliches neben
 etlichen Japonischen Sendt-
 schreiben / auch nachmals / den
 frommen/trewen/Catholischen
 Teutschen zu Lieb vnd Ergötz-
 ligkeit/ von dem Hochgelehrten
 Herrn Ioanne Georgio Gözio/
 beyder Rechten Doctore / auch
 FürstlichenBischofflichen Con-
 stantzischen Rath vnnnd Secretar-
 rio/ neben seinen vilfältigen/ob-
 ligenden/ Ampts halber / Ge-
 schächften / auß sonderem Eyfer
 Catholischer Religion / weilen
 weiß vertiert/vñ in vnser Hoch-
 teutsch gebracht / Aber von we-
 gen seines vnzeitlichẽ Ableibens
 die Version nit reuidiert / oder
 wo

Vorred.

o es vonnöten/verbessern mög-
n/ wie dann solliches im Ori-
nal der Defect augenschein-
h dargibt.

Jedoch darmit sollich hoch-
zbar Werck / nach zu fruem
sterben vorernanntens Her-
Gözen/ nicht ganz vnd gar
vorgenlige/hab ich auß wol-
ten seiner hinterlassnen Er-
/ vnd sonderbaren Anhal-
etlicher fürnemen / from-
Catholischen Leuth / das-
in Druck verfertigen wöl-
und sollen: Dedicier auch
ich solliches / wiewol ge-
gig / jedoch Christenlich
lein Ewz Hochwürden
Gnaden / demütiglich
/ dieselben wöllen sollich
olmeinend Gemüt von
mir

Worred.

mir gnädiglich an vnnnd auff=
nehmen / Darzû ich dann er=
hebliche vnnnd sonderliche Vr=
sachen gehabt / Dieweiln Ewz
Hochwürden vnd Gnaden mir
zu aller zeit mit Gnaden gewe=
gen / auch etliche Bücher zudru=
cken befolhen / vnd ich billich de=
ren maleinest mein danckbarlich
Gemüt erzaigen soll.

Wo nun Ewz Hochwürden
vnnnd Gnaden solliches wolge=
fällig / wie mir durchaus nicht
zweifelt / So wil ich kein fleiß/
Mühe noch Arbeit an mir er=
winden lassen / Ewz Hochwür=
den vñ Gnaden mittler zeit / vñ
vermittelst Göttlicher Hülff /
etwas stattlichers zûzuschrei=
ben / vnnnd in allweg zudienen /
vnns sambt vnd sonderlich dem
Schirm

Vorred.

ichirm Gottes befehlhend. Da
n Ingolstadt/am Hohenfest
6 heiligen Bischoffs Marti=
im Jar 1585.

L. S. vnd G.

Gehorsamer vnd
Dienstgeslifner

David Sartorius
Büchdrucker da=
selbsten.

Die



**Die namhafftesten Verter
auß der Indischen Histori / in wel-
chen die Patres der Societet das E-
uangelium fürnehmlich gepredigt
vnd verkündigt haben.**

A Ethiopia, Mozenlandt.	104.
Amboinum, ein Insel.	152.
Bazainum, ein Stadt.	85.
Cochinum, ein Stadt.	66.
Commorinū, ein Landschafft.	75.
Coulanum, ein Stadt.	73.
Damanum, ein Schloß.	69.
Goa, ein Insel vnd Stadt.	50.
Inhambanum, ein Landschafft.	110.
Macazar, ein Landschafft.	155.
Malaca, ein Stadt.	139.
Malucum, ein Landschafft.	141.
Manomotapa, ein Ländtschafft.	110.
Mauri, ein Landschafft.	151.
Ormutziū, ein Insel vñ Stadt.	96.
Socotora, ein Insel.	83.
Solor, ein Landschafft.	155.
Tanaa, ein Stadt.	86.

Ver,



ist deren welche
 che Sendtschrei-
 schickt haben.

rrrianus. folio 89.264.

Nobrega. 328.

ndozius. 503.

rius. I. 81. 98. III. 342.

149. 273. 409. 453.

quez. 248.

a. 437.

ndez. 256.

i. 38. 47. 147.

as. 462.



Be



1.

Bericht vnd kurze Verzeichnuß deren din- gen/die von der Societet I E S V in Orient / das ist / in den Ländern / die gegen Aufgang der Sonnen gelegen/besche- hen vnd gehandelt worden.

Den zu der zeit/als
Ignatius Loiola, ein Vate-
ter vñ Anfänger der Soc-
cietet I E S V, sampt seinen
Gefellen gen Rom kommen / dem öf-
bersten Bischoff (der damals war
Paulus des Namens der dritte) ihr
Gehorsame anzubieten / war Petrus
Mascarenius, Johannis des Königs
von Portugal Botschafft / bey seiner
Heiligkeit. Derselbig / als er ihr Le-
ben vñnd fürgenommene Ordnung
erkundiget / auch deßhalb vom Kön-
ig (der zuuor irer Tugend vñ From-
keit durch güter Freunden schreiben
berichtet was) ein Befelch empfanz-
gen

ht von Befehlung
nit Bapst. Heyl. gehan
che auß denselbigen / das
n zuuerkünden / in Indis
t wurden. Dann der Kö
fürtrefflicher Befürderer
ischen Glaubens / ein son
Begierd hett / dasselbige
der Abgötterey zum Chris
Glauben abzuziehen. Der
id von den Gesellen / deren
ehen waren / zwen (dann
dem es der Bapst zu seinem
stelt / nicht mehr bewilligen
te Namen Franciscus Xauier
arra, vnnnd Simon Rodericus
rtugal gesandt / vnnnd im
h der Juncffrawen Geburt
ü Lisabona ankommen. Wel
sükunfft nit allein dem Kö
erwünscht vnd angeneh
sonder hat auch ihr Gottselige
Vbung vnnnd Geschicklicheit
inicherley Handlungen vnnnd
en ihres Beruffs / die sie mider
ls man der zeit der Schiffung
et / erzeigt / den Leuthen dera
massen

massen zugefallen / vnnnd in verwun-
 derung zukommen angefangen / daß
 sie gemeiniglich anderst nit dan As-
 postel genehet worden. Daher ist der
 Societet in Portugal diser Zunam
 entstanden / wiewol sie ihr denselben
 nit allein nit zümist / sonder fleucht
 vnd verweigert. Dis glücklichen An-
 fangs hat sich der König dermassen
 erfrewet / daß er gar nahe der India-
 ner vergessen / vnnnd vilmehr dahin
 trachtet / wie er die vbrige acht die zu
 Rom bliben waren / auch in Portu-
 gal bringen möchte / weder daß er dis-
 se zwew von ihm ließe. Dargegen a-
 ber war der zweyer / als die mit dem
 Feuer der Göttlichen Liebe entzün-
 det waren / einige Begierd / vmb des
 Namens CHRISTI willen vil zulei-
 den / auch das Licht des Euangelij /
 bey denselben weitgelegnen vnd wil-
 den Nationen / einzuführen / vnnnd
 trangen endlich dahin / daß sie das /
 darum sie von Rom außgezogen wa-
 ren / erlangen vnd verrichten möch-
 ten. Diser Streit ist mit sollicher Ab-

t von Befehung
icht vnnnd erörtert / daß
afft India dem Francis-
igeeignet / vnnnd Simon
wider seinen Willen in
halten worden / damit so-
nen bey der Hohen schül-
ica ein Collegium auff-
ge / er demselbē vorstehen
in es hetten sich schon vil
em Ignatio in die Gesell-
en. Welches Collegium
Seminarium, Pflanz on-
uß deren / die fortan zu
Indiam geschickt wur-
lbigen Collegio hat der
ärlich Einkommen ge-
ügsam ist hundert Pers-
ten / so daselbst in Gött-
elichen Schrifften vnd
verrichtet werden sollen /
hernach doppelt oder
cht worden.

st Xauier im Jar nach
urt 1541. mit Martino
, des Königs Ober-
a / von Lisabona ver-
ruckt /

ruckt/ vnd hat zu einem Geferten seiner Reiß mit sich genommen einen Welschē Priester/ so auch auß der Societ/ Paulus genant/ ein Mann für trefflicher Tugend. Des folgenden Jars seind sie in Indiam kōmen / im Monat Maio. In derselbigen Schifffart/ ist des Kaiers Leben vnd Ordnung gewesen / als ein vorfechten deren dingen / die hernach von ihm beschehen. Dann von dem tag an/ als er eingesseffen / hat er nit allein im Schiff / sonder auch in der Insel Mozambico, da sie ihr Winterleger gehabt/ den Krancken/ Armen vnd Bedürffrigen / bey Tag vnd Nacht/ mit sollichem emsigen fleiß außgewartet vnd gedienet / auch in demselben ein solch gütwillig / ring / lustig vñ frōlich Gemüt erzeigt/ daß er von menigklichem für ein heiligen vñ vollkommen Mann gehalten worden/ vñ die / so es gegenwertig gesehen / mit worten nit gnügsam loben vnd außsprechen mögen. So bald er gen Goa kommen / hat er sein höchsten fleiß

a iij vnd

ht von Befehung

gen zu vnderrichtung der
Christlicher Lehr / vnd zu
der Christen / Portugales
wohner in ihrem Glauben
digen pflichten / auch sie
ürderen angewent. Ober
ie Krancken vnd Gefang
offt in die Stiechenhäuser
ch vil darin gewohnet / da
Krancken desto baß dienen
llichen er in ihrem Leben/
acht / mit gröster Arbeit
lichs verwundern / willig
wesen / vnnd ihre Cörper/
Tod / mit seinen eignen
der Begräbnuß ordens
et / auch für sie zu versöh
elen / ein heilige Wef ges
ches er allweg / an allen
a / wo er je gewesen / für
Brauch gehalten. Doch
schen Beicht zu hören /
redigen / insonderbaren
Menschen Leben vnd
fen / feindschafft vnd
uheben / vnd dergleis
chen

chen vil ander ding zuthun nicht vnz
derlassen. Derhalben er vom Volck
gar hoch vnd in grosser Ehr gehalten
worden.

Als er etliche Monat mit grossem
nutz des Christenlichen Glaubens / zu
Goa gewohnet / ist er in die Grenitz
des Lands India gezogen / die ge
meiniglich das Comoriner Haupt
der Horn genennet wirdt / vnd von der
Stadt Goa, bey sechs hundert (Wels
cher) Meilwegs ligt. Dasselbig Land
bringt vil Berlin / die man daselbst
fischet. Dises Volck ist vorzeiten von
dem H. Apostel Thoma zu CHRI
STO bekehrt / welches aber diser zeit
nichts Christenliches an ihme hat /
dann allein den blossen Namen. Dañ
als sie Xauier von ihrer Religion vnd
Glauben gefragt / haben sie das al
lein geantwortet / Wir seind Christen.
Wie nun er Xauier geschē / daß sollich
des Herren Weinberg gar vnfrucht
bar / vnnnd zu einem Wald worden /
hater dasselbig mit sonderm ernst vñ
höchsten fleiß / nach bestem vermüß

Bericht von Befehung

ubawen angenommen/ vnd sich
in selben allein Gottes hilff ge-
set / welche er sonderlich an disen
so gnädig vnnnd freigäbig erfand
daß er / wiewol er lang an disen
orten gewohnet / jedoch inn kurzer
/ gar vil Menschen zu der Catho-
licen Kirchen gebracht / welche vol-
lig in Christenlicher Tugend der-
selben zügenommen / daß die Gesels-
/ die ihnen diser zeit vorstehen / für
sich halten / daß diese Kirchen / ob-
gleichwol aller der Portugaleser
/ beraubt wurden / sich auß eigen-
er Kräfte erhalten / vnd in dem an-
gen lauff ihrer Religion vnnnd
gottförsend fortzaren möchten. Wann
t darfür / daß diese Gegend / so dem
meer nahe ligt / diser zeit vber hun-
dert vnnd dreyßig tausent Christen hab-
t / d wirdt die zahl täglich nit wenig
mehr. Vmb welches alles / wir-
cklich GOTT, fürnemlich niemand an-
derm zudancken haben / dan dem Ka-
iser, der nicht allein disen Weingart
/ gepflanzt vnnnd gewässert hat /
sonder

sonder vil andere mehr / in derselben
 Landfart. Vnder welchem ist schier
 das ganz Königreich Trauancor vnd
 vngesährlich zehen Dörffer zwischen
 Bringano vnnnd Permanele, auch sibem
 Flecken bey Beadal vnd Tramanancor.
 Wie er auch in anderer Heyl zube-
 fürderen ganz sorgsam / also ist er
 auch in bewahrung sein selbs/nit fars-
 läßig noch saumselig gewesen. Dann
 er ein sollich Leben geführt/das gnügi-
 sam zuerkennen gegeben/daß er ihme
 nichts anders / dann allein die Ehr
 GOTTES, auch sein vnd seiner Neben-
 menschen Heyl zusüchen fürgesetzt.
 Derhalbē seind seine durch ihne ver-
 richte sachen/die Heiligkeit seiner sit-
 ten vñ stätige arbeiten / auch schmach
 vnnnd verfolgungen/ die er in Befeh-
 rung der vnglaubigen / vnd beschir-
 mung der newen Christen vnnnd Por-
 tugaleser erlitten / als sie durch gewis-
 se zeitungen / zu Goa vnnnd in andern
 Ländern India erschollen/ von mens-
 niglichem mit einer sollichen ver-
 wunderung/ gelobet vnnnd gepriesen
 a v worden /

worden/daß er auch von den Nacho-
metanern vnnnd Heyden/ein heiliger
Vatter genannt ward. Als auch sol-
lich geschrey in Portugal kômen / vnd
der Kônig Johannes / solliches zum
theil dieweil Xauier noch gelebt / vnd
vilmehr nach seinen Tod / von vilen
vnnnd glaubwürdigen Leuthen ver-
nommen / ist er durch die grôsse vnnnd
fürtreffentlichkeit seiner Thaten be-
wegt / vnnnd hat dem Vicere in India
schrifftlich befolhen / daß er des Ka-
niers Geschichte vnnnd Wunderwerck
warhafftiglich erkundigte vnd zum
fleißigsten beschriben ihme zuschickte.
Desselbigen Kôniglichen schreibens
Copey volget jetzt hernach / darauff
leichtlich abzunehmen / was der Kô-
nig von diß Francisci Tugenden
vnd fürtrefflichkeit ge-
halten hab.

Abshrift



Abſchrift König Johansen
deß dritten zu Portugal ſchreibens/
an den Vicere in India.

V Jeber freundt Vicere, ich
wünſche dir vil Heyl. Deß
Franciſci Xauerij Leben vnnnd
Geſchicht / ſeind ſo eines heylſamen
beyſpils geweſen / daß / meines erache
tens / die Ehr deß H E R R E N vnſers
Gottes höchlich erfordert / daß ſie ans
Licht gegeben vnd öffentlich außge
ſchriben werden. Damit nun das an
ſehen vnnnd der glaub ſolliches öffent
lichen Außſchreibens deſto gröſſer ſey/
ſo iſt mein ernſtlicher Befelch / daß du
vber alle fürtreffentliche vñ berümb
te Handlungen diß Manns / vnd alle
ding / die vnſer H E R R durch ihne / in
ſeinem Leben / vnd darnach / vbernas
türlich gewürckt / taugentliche Zeugē/
allenthalb / wo die ſeyen / zuuerhören /
auch öffentliche Inſtrument vnnnd
glaubwürdige Brief darumb zuuers
fertigen /

fertigen / vnd mir fürderlich zuüberschicken / zum fleißigsten verschaffest. Welliches mir ganz angenemb sein wirdt. Vnd wiewol ich dir hienor allein ein schriftliche Verzeichnuß sollicher dingen zumachen gebotten / so soltu nichts desto weniger jetzt verschaffen / daß die Inquisition vñ Erforschung / in öffentliche vñd glaubwürdige Schrifften / recht vñd ordentlich gebracht werden. In wellicher Erforschung dise weiß zuhalten / daß in allen denselben Landschaften / alle die / so der dingen ein gut wissen tragen / von gemelts Francisci Lebē / Sitten vñd Geschichten / auch in welchen Landen vñd Städten der Vnglaubigen er gewesen / vñd was er darinn gethan hab / bey ihren Eyden gefragt vñd ihre Antwort darauß eingenommen werde. Volgends soll mir der Schreiber sollicher Inquisition vñd Handlung selbs ein Exemplar darvon machen / vñd mit deiner Hand vñderschriben / in beywesen deß obersten Richters / beschließen vñd versiglen /

len/vnd du darnach dasselbig zu dreys
en wegen vns züschicken. Auß Lissa-
bona, den 28. Martij/Anno 1556.

Als diß des Königs schreibē in In-
diam kommen/haben die Diener den
Befelchemsig verricht / vnd dem Kö-
nig sonil wolerkundigte vnd erfarnē
sachen / von dem Francisco Xauerio
zügesandt/das es diß orts zuerzehlen
gar zulang wäre. Doch will ich etliche
in kurzer Summ darthün. Als Xa-
uier bey dē Comozinern wohnet/hielt
er in fürtragung der Christenlichen
Lehr diese Ordnung. Nach dem er am
morgē die sibē Tagzeit gebettet/ging
er in die Stadt/ließ einen Knabē mit
ihme gehen/der ime ein Crucifix vor-
trüg/ durchwandlet die Gassen/vnnd
sucht wo etwan Francke oder gestorbe-
ne Personen wären/oder ob er etwan
Kinder oder Alte / die des Tauffs be-
gerten/finden möchte. So ime etwas
dergleichen zuhanden stieß/hüß er sei-
ne Händ vnd Augen auff gen Himel/
vnnd sprach gang andächtig mit lau-
ter Stimm/wie ein Prediger/den Glau-
ben/

14 Bericht von Befehrung

ben/ oder den Symbolum der Apostel/
 sampt den zehen Gebotten/ 2c. Vnnd
 alßdann versamlet sich von stund an
 bey ime ein grosse anzahl des Volcks.
 Wan er sollichs thät für ein Krancken
 oder neuen Christen/ so endet er sein
 gang Gebett mit einem Euangelio/
 thät ers aber für ein Abgestorbenen/
 so endet ers mit einem Leichpsalm
 oder einer Vigili. In sollichem Werck
 verharret er vngefährlich biß zur sech-
 sten stund des Tags/ vnnnd wann er
 schon an seinem Leib gar ermüdet/
 ließ er doch kein Tag hingehn/ an dem
 er den Kindern nit etwas auß dem
 Catechismo auflegte. Hernach als er
 sich mit Speiß erquicket/ ließ er alle
 Christen/ die es begerten/ für sich kom-
 men/ deren schwäre/ verwirrte vnnnd
 zweifelhafftige Fragen er auflöset
 vñ verantwortet/ alle vrsachē der Vn-
 einigkeit auffhüb/ vnd die zwitterächti-
 gen vereiniget. Welches er auch thet/
 wann er zu Abends/ auch etwan bey
 der Nacht/ wo vil Leuth zusammen
 kamen/ sich/ damit er ihnen predigen
 möchte/

möchte / vnder sie einmischer. Solli-
 che sein Arbeit vnd bemüdung seines
 Leibs / hat auch zum theil gemehret
 die vber auß grosse Hitz in denselben
 Landen/ vñ zum theil sein höchste Ar-
 müit/ die er allweg so fleißig/ steiff vnd
 vnbeweglich gehalten/ daß er in so vi-
 len vnd langen Reisen zu Meer vnd
 Land/ ohne Seckel vnd Täschen zu-
 wandlen gewont gewesen. Ja als im
 8 Königlich Schaffner in 8 Scade
 Goa, vil zu seiner Reiß nortürfftige
 ding freygäbiglich mittheilē wollen/
 vnd bey ihme solliches zunehmen an-
 gehalten/ hat ers gänglich gewaigert/
 vnd ist nit allein ohn einige Zehrung
 eingessen / sonder hat auch kein an-
 dern Blunder zu sich ins Schiff ge-
 nommen/ dann ein Breuier oder Bet-
 büch / auch sonst ein Büchlein/ vñnd
 ein Chorrock. In der Schiffart hat er
 deß Allmüßens gelebt/ vnd sich auß an-
 derer Miltigkeit erhalten. Die Chris-
 stēleuth so er in der Landschaft Co-
 morino dem Herren CHRISTO gewun-
 nen/ hat er vor der vnglaubigen Kö-
 nigen

nigen vnd anderer Gewalt dapper beschirmet / vnnnd sich selbs zum offtern mal / zu ihrer vnnnd der Christenlichen Religion beschützung / in offne Gefahr seines Lebens begeben. In dem Königreich Bisnaga, ist ein Volck / das man Badagaas nennet / als desselben ein gar grosse Anzahl / in das Reich Trauancor ein Einfal thet / die newen Christen zu plünderen vnd zu tödten / ist er Xauier, als ers erfahren / auß der Stadt / darinn er damals was / eilends gen Trauancor kommen / vnnnd hat vnerschrocken / auch ohn Forcht des Tods / mit einem eiferigen vnnnd standthafftigen Gemüt / der Feind schändliche / vnrechte / vnnnd böse Handlung gestrafft / vnnnd sich freywillig in die mitte der Christen gestellt / damit sie villeicht von seiner wegen der anderē verschonet. Wiewol im sonst schier ohn vnderlaß nach dem Leben gestellt / vnnnd er auff ein zeit / als er von etlichen Unglaubigen zum Tod gesucht ward / auff ein Baum gestigen / auch vber nacht darauff blieben /

ben/ vñ also jren Händen entgangen/
 so hat er doch so ein inbrünstige Be-
 gierd gehabt die gang Heydenschafft
 von dem ewigen verderben zuerrettē/
 daß er dessen vngeachtet / kein Arbeit
 noch gefahr geflochtē / vnd vmb dessel-
 ben willen gar wenig geschlaffen. Es
 seind etliche Insulen / genant Mauri,
 die liegen vber die Maluccischen Insel
 hinauß / in denselben hat er gewohnet
 gang bloß / ohn alle Menschliche hilff/
 allenthalben mit vil Gefährlichkeiten
 des giffes vnd mords vmbgeben. Wie
 er sich daselbst hin zuziehen bereitet/
 hat er von seinen güten Freunden / nie
 allein darvon nicht abgeschreckt vnd
 wendig gemacht werden mögen / son-
 der auch vil Arzneyē wider das giff /
 (dessen brauch in denselben Insulen
 gar gemein ist / vñ sie derhalb vil Jar
 eines Priesters vñnd Hirten in man-
 gel gestanden) die sie ime angebotten/
 gänglich außgeschlagen / vñ sich mehr
 der Götlichen dann Menschlichen
 hilff getröstet. Von welcher Kaiß
 vñnd Bitt seiner Freunden / er zu den
 b seinen

seinen in Portugal mit disen worten
geschriben. Ich hab jnen vmb jhr güt-
herzig Gemüt vnnnd Gütwilligkeit
grossen danck gesagt / vnnnd damit ich
mir nit ein sorgfeligkeit vnnnd forche
mache / auch von der Hoffnung / die
ich allein in GOTT gesetzt hab / etwas
nachliesse / hab ich die Arzneyen wider
das Gifft / die sie mir ganz freunds-
lich vnnnd weinend gegeben / alle auß-
geschlagen / vnnnd sie gebetten / daß sie
GOTT für mich zubitten nit auffhö-
ren wolten / kein bessere Arzney möch-
te wider das Gifft gefunden werden.
Von derselbigen Kaiß vnnnd deren
Gefährlichkeit / auch des Lands Na-
tur vnnnd Armüt / ist noch ein anderer
seiner Sendbrief verhanden / an die
Societet zu Rom / darinn dise wort
begriffen seind. Die ding hab ich euch
darum geschriben / auff daß jhr wisset /
wie ein grosse menig des Himlischen
Trostes / in disen Insulen sey. Dann
solliche Gefährlichkeiten vñ Arbeiten /
die auß freiem willen allein vmb GOT-
TES willen an vnd auffgenomen wer-
den /

den/ seind mit grossen geistlichẽ freude
den erfülte Schatz/ also daß diß Land
sonderlich darzu erschaffen / nutzlich
vnnnd dienstlich sein geachtet werden
möcht / das Gesicht durch vberfluß
des süßesten weinens/ in wenig Jaren
zuuerlieren. Ich hab fürwar mein le-
benlang nie so grossen vñ langwirigẽ
wollust meines Gemüts eingenomẽ/
noch auch die peinigung vnnnd mühsel-
igkeit des Leibs so ring geduldet/ als
an disen orten/ vnd seind mir dannoch
die Feind gar nahet/ vñ die Inwohner
des Lands nit vast freundlich / auch
ist das Land sonst so vnglückhafftig
vñ vnfruchtbar / dz es nit allein alles
des manglet/ das den Krancken nutz
vñ dienstlich ist/ sonder auch gar nahe
alles des/ dauon der Mensch gewöhn-
lich anderstwo lebet / also daß mich
gänglich bedunckt / daß dise Insulen/
besser die Insulen der Göttlichẽ Hoff-
nung dann Mauri genant wurden. Es
mäglet auch darin des Volcks nit die
sich gar selig vnd glückhafftig achten/
wan sie ein Menschen vmbbringen mö-

gen/vñ die nennet man Iauaros. Von welchen vil Leuth / vnnd vnder denselben nicht wenig Christen getödtet werden.

Drey Monat hat Xauier bey diser Nation verzehret / zum theil inn besüchung der Christenort od wohnung (welliche jetzt ein lange zeit von niemand visitiert vnnd besücht worden waren / von wegen daß sie mehr dann tausent Leucken von India gelegen / vñ daß die Inwohner der Insell / iren Bischoff / den sie zuuor gehabt / selbs vñgebracht haben) vnd zum theil in befehung der Unglaubigen zu dem HERRN, deren so vil gewesen / daß man sagt / er habe allein in der Stade Tolo, vmb das 1547. Jar nach der Geburt CHRISTI, vber fünff vnnd zweingig tausent Christen gemacht / sung vnd alt. Vnd ist zuglauben / das von derselben zeit her / die zahl durch die Societet / die ihme in disem werck nachkommen / vast gemehret worden sey.

Als Xauier dise ding verricht / vnnd verstant

verstanden / wie daß die Insulen Maluci vnnnd Amboini, an Christenlichen Bawleuthen grossen mangel hatten / hat er / als der nit rühen künden / sich dahin verfügt / vnnnd nach dem er sein Ampt mit nutz der Christenheit / löblich vnd rümlich daselbst vollendet / ist er in ein ander Königreich gezogen / da er innerhalb einem Monat / mehr dann zehen tausent zu Erkenntnuß CHRISTI geführt / vnd hat den seinen zugeschriben / er verhoffe / er wölle das selbig Jar mehr dan hundert tausent Christen machen. Als er nun in derselbigen Landtsart vil Kirchen auffgericht / die dem heiligē Apostolischen Stül vnd Römischen Bischoff gehorsamen / vnd täglich gemehret werden / hat er ihnen etliche auß der Societet / zu schirm vnd hüt hinderlassen / vnnnd ist widerumb in Indiam gezogen / darumb daß er verstanden hat / das gar vil Menschen daselbst / mangel halb der Lehrer / ewigklich verloren wurden.

In denselbigen wenig Jaren / beer
b iij ten

ten die Portugaleser das Reich Iaponiā gefunden vnd eröffnet/ dessen Inwohner ihres gelirigen vnnnd sinnreichen Verstands halb hochberühmet seind. Wie Xauier solliches vernommen/hat ihne die weite deß orts keines wegs erschreckt/ (dann es ligt von der Stadt Goa mehr dann tausent Leuten) vnnnd sich wider menigklichs widerzathen / zu einer vnkommenlichen zeit vber das Meer zufaren / inn ein Schiff der vnglaubigen Sinarum begeben/vnnnd ist also in einer schwären vnnnd gefährlichen Schiffart / in der Meerstadt Cangoxima in Iaponia angekommen. Er hat ein Beferten bey ihm gehabt/ der ein Japonier vnd der Portugalesischen sprach erfahren gewesen/ denselbē hat er zu dolmetschen gebraucht/ Auch erstlich die Hauptpunctē Christenlicher Religion in die Japonisch sprach verwendt/ vnd volgends das Euangelium CHRISTI, so zuuor in denselben Landen vnerhört gewesen/ zuuerkünden angefangen/ vnd dasselbig nit vergebenlich. Als er
ein

ein zeitlang zu Cangoxima bey den
newen Christen gewohnet / ist er in die
grosse Stadt Meacum gezogen / die ein
Haupt des ganzen Königreichs / vnd
dreyhundert Leuten von Cangoxima
gelegen ist / vnd CHRISTI kein erkant-
nuß hat. Die Kaiß ist ihm sonderlich
schwär vnd arbeitsam gewesen / dann
er hat sich im Weinmonat / auff den
weg gelassen / darinn die gröste Kälte
in Iaponia anfacht / vnnnd es so kalt
wirdt / daß der Schnee (der dann in
grosser vile felle) so hart gefrewrt / dz
er starret wie ein Balck / vnnnd in den
Wälden hin vnnnd wider gange last-
hauffen von Eys gibt. Er ist mehr
dannein mal ober Meer gefahren / an
denen orten / die von den Meerzau-
bern vn sicher waren / auch oft von
den Schiffleuten / als ein frembder /
vn bekannter vnd verachter Mann /
zu vnderst in das Schiff geworffen
worden / vnnnd hat etwan zu Land /
damit er / als der Wegen vnwissend /
nit verirrete / den reitenden Land-
leuten / so vil sie geritten / zulauffen

sen müssen / vnnnd darzu barfuß / von wegen daß sich offtermals Wasserflüß / die zu derselben zeit im Jar angehen / vnnnd die er durchwatten müssen / zügetragen / derwegen dann ihme von schne vnd Kälte / offtermals die Fuß geschwollen / auch ist er vom tragen deß zeugs vñ der bereit schafft / deren er zum Gottesdienst vonnöten / oft so müd worden / daß er / wann ime etwan / reuhe halb deß wegs / am tritt gefählt / zü boden gefallen. Wann er dann zu abends naß / auch von Kälte vnd Hunger gar erlegen / an die Herberg kommen / so fand er kein menschlichen Trost / doch hat ihme an dem Göttlichen vnnnd Himlischen / wie zu glauben / nicht gemangelt. Ober die Häder vnd Schmachwort / die er in den Dörffern vñ Städten am durchzug erlitten / haben die Kinder auff den Gassen offtermals mit steinen zu ihme geworffen / vnnnd dannoch hat er daruñ vom predigen deß heiligen Catholischen Glaubens nit abgelaßen.

Wie er aber in die Neacenser Landschaft

schafft Komēn / hat ers alles in Krieg
vnd Empörung gefunden / derhalb er
mit vnuerrichteter sach wider vmbzus-
kehren vnnnd gen Cangoxima zuziehen
gezwungē worden / doch hat er an ders-
selben Widerkunfft etliche Christen
gemacht. Vberal ist er bey einem Jar
in Iaponia gewesen / daran er vier
Monat in der Meacenser Kaiß ver-
zert. Nach dem er nun daselbst auch
etliche Gesellen auffgenommen vnnnd
angericht / die seinen anfang befürder-
ten vnnnd weitereten / ist er vondannen
in andere Länder gezogen.

Ein grossen namen / ansehen vnd
ehrerbietung / hat er ihme selbs bey
den Japoniern gemacht / also daß sie
ihne allen Europeern fürgezogen.
Dargegē aber hat er seine Sünd rin-
ger nit / dann für die aller grōsten /
vnd sich selbs nit anders / dan für den
nidersten vnd aller bösesten zuhalten
vnd zunennen im brauch gehabt / vnd
dasselbig / wie er sich selbs schätzt / war-
hafftiglich / vnnnd von hertzen / aber
nach anderer achtung vnnnd vrtheil /

b v

war

war es ihm gänglich falsch. Dann er ist sollicher sitten vnd eines so vnschuldigen Lebens gewesen / daß einer in denselben kaum ein mackel einer läßlichen Sünd gespürt hette. Dannocho aber vermocht er mit seiner selbs eigener sachen verkleinerung souil nit / dz darumb die Japonier / von ihrer seints halb einmal gefaster Achtung vnnnd Meinung / etwas nachgelassen hettē. Sie sagten / es wäre zwischen ime vnd seinen Gesellen / ein grosser Vnderschied / darumb daß die / vil vnd mancherley fragen / einenach der andern / vnd der Ordnung nach / verantworteten / Xauier aber / wann ime zehen oder zwölff / weit von einand vnder schidliche fragen fürgehalten wurden / mit einer Antwort / sametlich vnnnd zumal / meniglichen dermassen zufriden machte / als wann er auff ein jede frag besonder vnnnd eigentlich geantwortet hette. Aber vnder andern des Xauiers Geschichten / werden diese wunderbarliche vnd vbermenschliche kräfte vollbrachtewerck gelobt / daß er
in

in Iaponia zu vnderschiedlichen zeiten
einen Stummen vnd Lamen/daß er
reden vnnnd gehen mögen/ vnd einem
Tauben das Gehör/ item einem an-
dern/ der ein Stum vnd Taub gewes-
sen/ sein gesundtheit von Gott erlan-
get habe. Vnd solliches hat er in Iapo-
nia gehandelt.

Aber in der Landschaft Comorini,
hat er/ als er darin gewesen/nit allein
vil Krancke vnnnd von den Arzten
verlassne/ mit dem wort gesunde ge-
macht/ vnnnd die vnreinen Geist ver-
saget/sonder auch gestorbne zum Lebē-
wider aufferweckt. Es was ein Jüng-
ling/ der eingrosse Freundschaft het/
mit tod abgangen/ denselben brach-
ten die Burger mit grossem Geschrey/
tod zum Xauier, welchen er bey der
Hand erwischet/ vnd lebendig auff-
richtet. Vnd ist solliche sag/ durch ein
beständig Geschrey zu Goa gar ge-
mein gewesen/ dahin auch Xavi-
er nicht lang darnach kommen/
vnnnd bey einem fürnemmen Mann/

Dida.

Didacus genant / einkehret. Dersel-
 big / als er die Warheit von dem Xa-
 uier selbs znerfahren / gang begierig
 was/berüffter Cosmum Ioannem den
 Königlich Schaffner zü sich / da-
 mit sie beyd zumal solches von ihm er-
 fragten. Cosmus dorfft ihne vor scham
 nit fragen / vñd scheubt die sach auff
 den Didacū. Welches Didacus zuthün
 bewilliget / vñ nach wenig tågen / den
 Xauier mit seinem Namen anspricht /
 vñ sagt: Lieber Meister Franciscce, ich
 bitt euch / saget vmb GOTTES Lob vñd
 Ehr willen / wie ist es gangen mit dem
 Jüngling / den ihr tod / im Comorti-
 nerhorn / widerumb erweckt habet?
 Auff solliche wort ist Xauier gang rot
 worden / hat den Didacum vmbfan-
 gen / ein wenig geschmollet / vñ gesagt:
 O gütiger IESV, solt ich den Todē auff-
 erwecken? O weh mir bösen Menschē/
 sie haben ein Jüngling / in gestalt ei-
 nes Toden zu mir gebracht / der ist
 auß meinem geheiß / in dem Namen
 GOTTES auffgestanden / solches hat
 das Volck bedunckt / ein new selzam
 ding

ding sein. Da hernach Didacus solches dem Cosmo erzelt / hat er gesagt: Du solt daran nit zweiffen / dann das Xauier disen Jüngling / der in der Warheit tod gewesen / mit Göttlicher bilff / aufferweckt habe. Daselbs zu Goa ist ein Christenweib zu ihm komen / vnd ihne gebetten / daß er vnbeschwärt sein vnd zu ihrem verstorbenen Sohn kommen wölle. Er verfügt sich dahin / kniet nider / bittet GOTT, vnd machet auff den toden Cörper das zeichen des Creuzes / von stundan steht 8 Knab auff / ist lebendig vnd ihm sein vorige Gesundheit widerumb gegeben. Die Christen / so zu gegen waren / schreyen das Wunderwerck auß / Xauier aber bittet sie / dz sie die sach mit stillschweigen verdecken.

In der Widerfahrt auß Iaponia, ist er in eines Portugalesers / der ein Hauptman der Besatzung zu Coulan was / Schiff eingessen. In derselben Schifftart / als sie schon die Landschaft Sinarum, gegen Chinchco vber / erreicht hetten / ist ein solcher grausamer

mer vñ gefährlicher Sturmwind ent-
 standen/dz er ein Schifflin mit zwey-
 en Nachometanern / als er ihme die
 Hebsailer zerrißten/mit grosser Unge-
 stümigkeit / von den andern Schif-
 fen / in ihr aller Angesicht / so weit vera-
 worffen / daß es vber ein kleine weil/
 auch von denē / die zu oberst auff dem
 Sâgelbaum die wacht hieltē/nit mehr
 gesehen werdē mōcht. Als es nun von
 den Schiffleuten verschâzt gewes-
 sen / haben sie in ihrem weg fürfahren
 wôllen. Da aber Xauier solliches ver-
 merckt / hat er den Patron vñnd Res-
 gierer des Schiffs gebettē / daß sie die
 Schiffkrüstungen / die von stârcke we-
 gen des Winds nit gar auffgezogen
 waren / niderlissen / vñnd des Schifs-
 leins warteten. Der Schiffman ver-
 weigert es erstlich / sagend / Es stünde
 ein grosse gefahr am Verzug / dann
 wann der klein Sâgel (durch welchen
 sie der Unge stümme des Meers zu-
 entriñen verhofften) abgelassen wur-
 de / mōchte das Schiff von den Well-
 len

len vndergedruckt werden. Jedoch
 hat er sich letztlich den Xauier erbitten
 lassen/ vnnnd die Sägel abzulassen be-
 folgen. Wie aber die Schiffleuth ge-
 sehen/ daß jr wartten vmb sonst gewes-
 sen/sonderlich bey auffgeblasnem vnd
 wütendem Meer/ziehen sie die Sägel
 widerumb auff. Welchem Xauier wi-
 derstrebet / vnnnd fürgeuiß angezeis-
 get/ Es wurde das Schifflin in Eurs-
 gem / ohn allen schaden ankommen.
 Als sie aber nicht destoweniger / ohn
 Hoffnng / daß es kommen solte/ die
 Schiffkrüstungen auffrichtete/ laufft
 Xauier eilends hinfür zum Grans/er-
 wischt die Sägelstang mit der Hand/
 vnd bittet die Schiffleuth / durch den
 Herren CHRISTVM vñ seine Wunden/
 daß sie nit von statt rucken / dann er
 verhoffe gänglich / es werde diß baar
 Seelen noch Christen werden / vnnnd
 durch GOTTES Erbärm nicht ver-
 derben. Wie die Schiffleuth solliches
 gehört / haben sie die Sägel wider ni-
 dergelassen. Darzwischen ist Antoni
 Dias,

Dias, auff Xauiers Bitt/andē Schiff
 sailen hinauff gestigen / vnnnd wie er
 nichts gesehen / widerumb herab stei-
 gen wollen / hat ihne Xauier noch ein
 weil oben wartten geheissen / vnd er
 sich mitten zu / am eussersten ort deß
 Schiffs / mit auffgeheben Händen /
 in das Gebett begeben / auch den Pa-
 tron vnnnd die andern gūts müts zu
 sein ermanet. Als solliches beschach/
 nimb war / so wirdt das zukommend
 Schifflein von stundan gesehen. Da-
 mit sie nundasselbig erwartten / vnd
 ihrem Schiff seinen Lauff desto leicht-
 er benennen möchten / haben sie es
 schälb oð beseits wider die vngestüm-
 me deß Meers gehalten. Also inner-
 halb zweyen oder dreyen stunden / hat
 sich das Schifflein gestrackt / ohne al-
 le Verhinderung / vnd das es sich auff
 kein seiten gewendt / zu der Mau-
 genähert. Als die im Schiff denselben
 von weitē ein Sail zuhilff außwerf-
 fen wolten / sagt Xauier, es wär nit von
 nöten / dann das Schifflein wurde
 für sich selbs fein gemacht vnd beseits
 an

an der Naue anfahren/ Vnd das ist also beschehen. Die zwen so darinn geführt/ seind in das Schiff genommen worden/ vnd wiewol die vngestümme deß Meers noch gar nit gestilt gewesen / vnnd niemands das Schifflein gehebt/ so ist es doch so lang still gestanden/ biß es die Schiffleuth an die Naue angebunden. Dieselbē zwen Mauzen seind darnach zu CHRISTO bekehrt vnd getaufft worden. Dise ganze Handlung / ist mit menigliches höchster verwunderung wahrgenommen vnd verzeichnet worden.

Xauier ist auch / daß er die Gab der weissagung gehabt/ berühmt gewesen/ Dann er vil hernach fünffteige vnnd an weit gelegenen orten beschehene ding vorgesagt hat. Alser auß Iaponia gen Malaca geraist / die ob fünffhundert Leuten von einander ligen/ vnd inn der Sinarum Schiffende kömen/ ist er auß deß Duartis Gammæ Naue/ in deß Didaci Pereriæ Schiff gesessen. Derselbig war gar begierig / von den Sinis zuerforschen / ob sie nichts von

der Malacēsischen Belägerung gehört
 betten. Dann er die Stadt Malaca, in
 seinem verraißen / von den Feinden
 umbgeben vnd beleget gelassen / vnd
 hernach nichts mehr / wie es darumb
 stunde / vernommen hat. Er bewarb
 sich auch / sampt den Schiffleuthen /
 fleißig vmb Wassen / zuhilff derselben
 Stadt. Wie Xauier sie auß forcht so
 sorgfältig gesehen / hat er sie heißen ohn
 sorg sein / vnnnd dasselbig zum mehrern
 malen / auch für gewiß angezeigt / daß
 Malaca in rühe wäre. Als auch Dida-
 cus besorget / daß alle Schiff von Ma-
 laca in Indiam außgefahren sein möch-
 ten / von wegen das ein güter theil der
 kommenlichen vnd gewöhnlichen zeit
 zuschiffen allbereit für über war / sagt
 ihm Xauier: Es ist vnuonnöten / daß
 ihr euch dessen besorget / wir werden
 den Antoni Pereria noch zu Malaca
 finden / vnser daselbst / mit zuschiffen
 zugerüsteten vnd auffgezognen Säs-
 gelhölzern / drey tag wartēd / welchem
 darnach Xauier, auß dem Sincapu-
 rischen engen Meer / neunzig Weil
 von

von Malaca, ein Botten vorgeschickt
 vnd ihne ihrer zukunfft schriftlich be-
 richtet. So bald sie nun dahin kommen/
 haben sie gänglich alle ding/ wie Xau-
 er vorhin gesagt / gefunden/ Nemlich
 dz der Malacensisch Krieg befridiget
 gewesen/vnnd Antoni Pereria, jetzt den
 dritten tag/ mit aller zubereitung zur
 Kaiß/ ihr gewartet.

Als Simon Mellus Gubernator zu
 Malaca, vnd Xauier daselbst was/ seind
 die Machometischen Dachsen (wel-
 ches ein kriegerisch vn̄ grausam Volck
 ist) bey stiller nacht/ schier mit sechzig
 Jagschiffen / in den Malacensischen
 Port oder Schiffende gefahren / deß
 vorhabens/ die Mauern/ so mit außge-
 worffnen Anckern darinn gestanden/
 zu plündern vnd zu verbrennen. Sie
 hetten allbereit die Bandensisch Ma-
 ue schier erobert/ in dem machen sich
 die Portugaleser / die in der Stadt
 wohnen/ auff/ vngefährlich mit fünff
 Schiffen zu zweyfachen Rüderbän-
 cken/ die in der Eil zugerüstet vnd al-
 lein auff zehen tag (innerhalb deren

c ij

ihnen

ihnen wider zukommen befohlen worden) gespeiset gewesen/ vnd treiben die Meerzrauber in die flucht/ vnd volgen ihnen nach/ biß zum fluß Parlem, bey zweyhundert Leuckē von Malaca. Sie warē schon ein gang Monat vber die ihnen bestimpte zeit außgewesen/ das mitler meil kein Botschafft von ihnen gen Malaca kōmen. Es brachten auch die/ so in vil weidlingen/ vom Gubernator sie außzuspēhen außgesandt warē/ gar nichts von ihnen. Derhalb man grōßlich besorget/ sie hetten vbel gestritten/ vnnnd mehret solchen Argwohn das gemürmel/ daß von den inwohnendē Nachometanern außgangen/ daß die vnsern von den Feinden vberwunden vnnnd aller dings außgetilget wāren. Wie nun die Stadt auß sollicher forcht gang trawzig vnd bekümmert was/ vnnnd die Weiber ihre Männer/ als ob sie tod wāre/ vber die massen beweinetē. Da berüfft Xauier das Volck zur Predig/ vnd zuletzt erfordert er jr etlicher Glaubē in CHRISTVM, straffet ihr vnbeständigkeit/ vñ spricht:

spricht: Es seind in diser Versammlung
 etliche/ vnd sonderlich Weiber/ so den
 Wahrsägern nachlauffen/ vnnnd die
 Zauberer fragen/ auch sich selbst dar-
 durch beredt haben/ dz vnser Schiff
 von den Dachsen gefangen seyen/
 vnd derwegen vmb ire Männer trawo-
 ren. Aber ir meine Brüder vñ Freund/
 leget alle Trawzigkeit von euch/ seyt
 guts müts/ vnnnd erfreuet euch vast/
 Dann auff heutigem tag/ haben vnser
 re Brüder gestritten/ vnnnd ein grossen
 Sig von den Feinden erhalten/ vnd
 kommen mit einer reichen Beut wi-
 der heim. Auff den tag (den er mit na-
 men geneñet) werden sie mit der hilff
 GOTTES, frisch vnd gesundt hie sein/
 vnd seind ir in der Schlacht vber drey
 oder vier nit bliben. Derhalb wollen
 wir GOTT zu danck/ vmb ein sollichen
 Sig/ des HERREN Gebett vnnnd ein
 Englischen Grüss einmal sprechen/ vñ
 dann noch einmal für die/ so in disem
 Streit ihr Leben verloren haben. Als
 er solches mit gewöhnlicher fröligkeit
 seines Munds vnd Angesichts geredt

het/ ist menigklichs grosse verwun-
 derung vnnnd bewegung des Gemüts
 darauff erfolgt/ vnd haben die Zühör-
 rer die Heiligkeit diß Manns so hoch
 geachtet/ daß gänzlich niemand dar-
 an gezweiflet/ dann daß er die ding
 auß eingebung des H. Geists/ wahr-
 hafftiglich geredt hab/ weil derselben
 zeit keine Botten weder zu Wasser
 noch Land von vnsern Schiffen gen
 Malaca kommen/ noch auch in so kurz
 ger zeit vnnnd auß einem so weiten/
 Land/ komen hetten mögen. Desselbē
 tags hat er zu Vesperzeit in der Kir-
 chen der Junckfrawen MARIA am an-
 tritt des Bergs/ sonderbar mit den
 Haufmüthern geredt/ vnnnd ihnen ein
 gewissen tag mit Namen bestimpt/ an
 dem sie von der irigen sig vnd gesund-
 heit/ ein gewissen Botten empfahen
 wurden. Vnnnd dasselbig ist auch wahr
 worden/ Dem vorgeschickten Botten/
 seind die Siger bald nachgeuolgt/ mit
 einer grossen Beut/ vnd haben erobert
 te Raub vnd Jagschiff/ Geschütz/ vñ
 andere Kriegsrüstung/ auch vil auß
 den

den Feindē gefangne mit sich gebracht. Wie die Armada bey der Stadt zu Land gefahren / ist Xauier mit dem Stadtvogt vnnnd dem vbrigen Volck derselbigen / an das Gestadt entgegen gangen / vnnnd das Zeichen vnser̄s gecreuzigten Herren CHRISTI in seiner Hand gehalten / auch den Hauptman / wie er außgestigen / vnd die andern fürnem̄sten frolockend vmbfangen. In derselben versamlung vñ menig des Volcks / hat Mellus der Stadtvogt den Kriegsleuthen öffentlich zu erkennen geben / was Xauier vor wenig tagen auff der Cangel gesagt / Da hat sich befunden / daß seine wort der verloffnen Geschicht / bey einem haar gleich gewesen. Darauf ist ein solliche verwunderung vnnnd frolockungen entstanden / daß inn etlichen tagen schier nichts anders / in menigklichen Mund vmbgangen vnd geredt worden.

Doch hat Xauier denen von Malaca nit allein fröliche vnd glückliche / sonder auch trawrige vnd widerwertige ding weiß gesagt. Es habē etliche offte

an ihm gespürt / wann er der Malacenser böse sitten vnd leben / auch von ihres hinläßigē Gerichts vñ Rechthalteus wegen / an der Predig gestrafft / auch sie gebetten solliches abzustellen vnd dardurch das vbel vnnnd die straffen / die vber die Stadt gehn wurden / zufürkommen / daß dieselben bald hernach genolget seyen. Dañ im nechsten Jar hernach / ist Malaca von den Mooren Iais genant belägert / vnnnd seind ihre felder verheeret worden. Auff solchē Krieg ist ein vergiffte Kranckheit vnd grausamer Sterbē gefolgt / der durch das gang Volck gewütet / vñ mit vil vnzalbaren Leichen schier die Stadt gar erschöpfft hat.

Derselbig Xauier, als er zu einer andern zeit zu Chincheco in Sina was / sagt er zu den Portugalesern / die daselbst waren / vnuersehenlicher weiß: Wir wollen GOTT bitten für vnser Bröder zu Malaca, die von den Feinden mit schwärer Belägerung umgebē seind / vnd ihr sollet ihnen / als die no leyden / ohn einigen verzug zuhilff kommen.

Als

Als sie ihme gewillfaret / vnd gen Malaca geraiset / haben sie der Malacenser sach / eben in dem stand gefunden / wie ihnen Xauier zuvor gesagt.

Als er in einer der Maluccischē Inseln / das Opffer der Meß gehalten / hat ihme der HERR geoffenbaret / daß Ioan. Darauius ein Portugaleser / in der Insel Amboino, im Dorff Tibi, mit tod abgange. Derhalbē hat er sich nach dem Offertorio, zum Volck vmbkehrt vnd gesprochen: Ioann Darauius, der in Amboino gewesen / ist auß diesem leben verscheiden / ich bitt euch / jr wöllet ine GOTT befehlen. Die das gehört / haben sich darab verwundert / vnd darfür gehalten / daß ihme solliches von GOTT geoffenbaret sey / dieweil die Insel Amboinum, zweyhundert vnd vierzig Meil von den Maluccischen Inseln gelegen / vnnd dieselben tag / niemandes wed zu Wasser noch zu Land / daselbst her / zu ihnen kommen was. In zwölff tagē hernach vngesählich / hat man auß Johansen Deiroi Schreiben vernommen / daß Darauius eben

in der stund/da Xauier für ihne bitten lassen / verschiden.

Widerumb als er dargegen einmal in Amboino prediget / hieß er seine Zuhörer Einiend ein Pater noster sprechen/ für Didacum Egidium, der ebē damals in Maluco den geist auffgab. Welches/ als hernach Schiff vnnnd Brief von Maluco kommen / also beschehen sein/ erfahren worden.

Sonderlich aber ist Xauier in dem lob / die Gemüter der Menschen von den Lastern vnd bösen Begierden/ zu der Tugend vñ Gottesforcht zuführen/ fůrtrefflich gewesen. Er zog mit einem Glöcklin durch die gassen der Stadt/ versamlet die Knaben vñ Nachometaner beyderley Geschlechts/ vñ fůhrt sie in die Kirchen. Daselbst fraget er sie / nach verrichtem Catechismo, mit auß Portugalesischer vnd Mauritanischer Sprach vermischten worten/ wie er möcht / welcher vnder ihnen Beyschläff hett/ vñ wo er erfůhrt/ daß einer drey oder mehr hett / bracht er
mit

mit bitte vnnnd gebott souil zuwegen/
daß er einen verließ/sprechend er/herr
an den andern gnüg. Vnd also entzog
er ihme nach vnnnd nach / allweg in zeh
hen oder zweintzig tågen wider einen/
vnnnd ließ nit nach/biß sie solliche Bey
schlaff alle verliessen. Mit diser
Kunst/hat er einem algemach beynenn
Mågen entzogen. Welliche er bes
fand mit sollichen Lastern behafft
sein/mit denen handelt er auff solliche
weiß vnnnd weg. Erstlich sprach er sie
lieblich vnd freundlich an / er zeigt im
Angezicht kein ernsthaftigkeit vnnnd
in Worten kein reue gegen ihnen/ vnd
dorfft sich wol etwan selbs bey ihnen
zu gast laden / vnd nach dem er weit
in die Kundschaft kommen / vnd vil
grosser freundschaft zu ihnen gemacht/
also zohe er sie lestlich wohin er wolt/
vnnnd also gieng er auch zu anderen.
Fürnemlich hat er mit diser weiß gar
vil verderbte / Keinnüge Leuth / von
der gewonheit ihres lästerlichen Le
bens abgeführt / also daß von denen
die ihne kennt haben/geachtet wirdt/

er

er habe in täglichem Reden vñ freunds-
lichem Gespräch / mehr nutz geschaf-
fet / dann in öffentlichen Predigē zum
Volk.

Zu seinem Leib hat er sich gar rin-
ger Kleyder vnd Nahrung gebraucht.
Er hat schier nimmer Fleisch gessen/
dann allein etwan andern damit zu-
willfaren / Auch offte in zweyen oder
dreyen tågen kaum ein Bissen Brot/
sonderlich aber hat er sich vom Wein
hefftig enthalten. Als jme Martin Al-
phōsus Sofia, neben etlichē andern ver-
ehrungē / ein faß mit Wein schickt / hat
er ihne nie versücht / sonder gar vnder
die Armen außgetheilt / Welchen er / sie
waren wo sie wolten / was jme von an-
dern geschenckt ward / zugeben pflegt.
Wañ er etwan in ein Fieber fül / so het
er kein ander Confect noch Argney/
dann seine Bücher. Die zeit allein gab
er der Khū / die ihme nach verrichtung
seiner täglichen Amptgeschafften vñ
berblib / Aber es bliben ihme kaum
zwo oder drey stunden vber / vñnd ge-
ucht sich dañoch derselben nit gar /
sonder

sonder thet anders. Doch ergab er sich
 letztlich dem Schlaf/ wann ihne die
 notturfft der Natur darzu zwäg. D^z
 habē erliche frembde/ zum offtermals
 mit fleiß an im vermerckt/ wann er in
 sein Schlafkammer gieng/ daß er all
 weg mit steiffem Gemüt dem Gebett
 so lang oblag / biß ihn der Schlaf so
 gar vberwand / daß er schier niderfiel/
 Alßdā legte er sich zurhū/ vnd brauchte
 ein Stein für ein Küss.

Als er gar nahe allen Indianischen
 Insulen/den Christenlichen Glauben
 mitgetheilt/hat er ihme fürgenomē/
 all sein vermögē dahin zuuerwenden/
 daß er denselben auch in daß groß/weit
 vnnnd herlich Land Sina, einführete.
 Umb derselbē vsach willen / ist er auß
 Iaponia widerum in Indiam kommen/
 damit er sich da/auff dieselb Kaiß rü-
 ste möchte / vnd hat auch von solchem
 seinem gefastem Vorhaben / nit be-
 wegt werden mögen/wiewol ihme sol-
 liches vil widerzathen / auch vil / son-
 derlich zū Malaca, sich ihne daran zu-
 uerhindern vnderstanden. Am ort deß
 Lands

Lands Sina ist ein Insel/die man nen-
 net Santianum, die vom Festenland
 neunzig Weil ligt/dahin die Portu-
 galesischen Kauffleuth ziehen/ ihre
 Gewerb mit den Sinensern zutreibē.
 Dann weiter als an das Gestad/ vnnnd
 in den inern theil des Lands Sina zu-
 kommen/ ist den frembden bey verlust
 des Lebens verbotten/ Daselbst hin
 ist Xauier, von seines Gewerbs we-
 gen/ auch kommen/Dann er keinem
 Schrecken zuweichen gewohnt gewe-
 sen/ wo er den Christenlichen Glaus-
 ben vñ der Seelen Heyl zubefürdern
 verhoffet. Er hat sich mit einem Sio-
 nier verglichen/vnnnd ihme drey hun-
 dert Cronen/die er darzu erbetlet/ge-
 ben/das er ihne in Sina am gestad des
 Cantonischen Ports oder Schiffslan-
 de außsätzte/ Vnder dem aber hat die
 endschafft aller gehalten Mühe vnd
 Arbeit des Xauerij herzü genahet/ vnd
 weil er sich noch in mitten des Lauffs
 sein vemeinet/ ist er gleich vnwissend
 an dem zihl/ vnnnd zu der ehren vnnnd
 sigreichen Cron/ so allen streitbaren/

von

von dem gerechten Richter vorbereitet/
gereicht. Dann dieweil er mit diser
Handlung umbgehet / wurde er mit
einem hefftigē Fieber beschwärt / dar-
an er in wenig tågen hernach / an ei-
ner **Einöde** / auff einem Berg dersel-
ben Insel / gestorben / in gröster Ar-
müt vnnd Mangel aller dingen / mit
volkommenem verstand seines Gemüts/
biß zum letzten Athen / dise wort: **Er-
barm dich mein / du Sohn Davids /**
D I E S V, ein Sohn Davids / erbarm
dich mein / Dergleichen auch die: **Du**
Mütter GOTTES, biß mein in-
gedenck / hat er mit halb todem mund
offt gesprochen vnnd wider eräfert.
Vnnd also ist er auß den wellen / vn-
gestümme vnnd sturmwinden diser
Welt hingenommen worden / vnd hat
durch die **Gnad GOTTES**, den Port er-
langet / der vil sicherer ist / dann der
zū Canton, auff den andern tag **De-
cembris** / nach der Geburt **CHRISTI**,
im tausent fünffhundert zwey vnnd
funffzigsten / vnnd seiner Indiani-
schen Bilgerfahrt / im eilfften Jar.
Seine

Seine gute Freund / begraben set-
 nen Leib in Priesterlichem Gewand/
 vnnnd beschüttten denselbigen / wie er
 selbst beuolhen hat / mit lebendigem
 Kalch / der meinung / daß sie mit der
 zeit die bloße Bain in Indiam führen
 möchte. Bey drey Monaten hernach/
 graben sie ihne daselbst widerum auß/
 vnd finden in nit allein nit verwesen/
 sonder auch noch mit gangen Kley-
 dern / vnnnd vber das auch mit diser
 Gab gemehret / daß er manicherley
 geruch einer wunderbarlichen Lieb-
 lichkeit von sich gab. Nichts destowe-
 niger aber legen sie ihne eben in dersel-
 bẽ Kalchtruhen/darinn er vergraben
 gewesen / in das Schiff/vnnnd führen
 ihn vondannengen Malaca, mit höch-
 ster Ehrerbietung des Volcks/da hat
 die Pestilenz vñ der Hunger/ der zur
 selben zeit in der Stadt gewüet / von
 stundan nachgelassen. Volgendes ist er
 von Malaca, da er etliche Monat ver-
 graben gelegen/gen Goa geführt wor-
 den/zugroßem Glück der Schiffleuth/
 Dann sie auß vilen vnnnd gewissen Ge-
 fährlich

fähigkeiten des Schiffbruchs / als
 ihnen ein Sägerbaum gebrochen/ vnd
 die Naue zum andernmal / durch vn-
 fürsichtigkeit / inn die wirbel geführt/
 auß anruffung dessen hilff/ des Leib sie
 führten/ erlöst worden.

Wie sich das Schiff / sampt seinem
 Cörper/ der Stadt Goa genachnet/ ist
 ihme die gang Stadt entgegen gezo-
 gen / vnd hat ihne mit grossem Pomp
 vnd Verehrung/ in S. Pauls Kirchē
 belaitet / alda er meniglichem zuse-
 hen fürgestellt/ vnd etliche tag von al-
 lerley Ständen/ Manns vnd Weibs-
 personē / auß sonder Andacht besücht
 worden/ vnnnd dasselbig mit so grossem
 Zulauff/ daß vonnöten gewesen / ihne
 in ein Truhē zuuerschliessen vnd zur
 Erden bestettigen / damit die menig
 des Volcks auß der Kirchen widerum
 abgetriebē wurde. Daselbst ligt er noch
 heutigs tags vnuerlegt vnnnd vnuer-
 wesen. Welches nit ein schlechte An-
 zeigung gibt diß Manns gehaltenen
 Reinigkeit vñ Jundfrawschafft/ wel-
 lichem auch jene Kundtschafft geben/
 d die

50 Bericht von Befehlung
die ihne gewöhnlich zu Beicht gehört
haben.

Bis hieher ist vom Xauier nach gestalt
fürgenommener Kürze diß Wercks vnd
mangels der zeit gnüg/ aber nach sei-
nem verdienst vnnnd würdigkeit/ gar
wenig gesagt worden/ Jetzt aber vol-
get/ dieweil fürnemblich auß seinem
rath vnd anführen/ etliche Collegia der
Societet IESV, in denselben Landen
auffgericht worden / auß welchen / als
gemeinen Plätzen/ hernach die Socie-
tet/ vmb deß Euangelij verkündigūg
willen/ manicherley vñ gang weit von
einand gelegne ort inn Orient / durch-
drungē hat/ daß von jedē derselben ort
ten/ Kürzlich etwas gesagt werde.



Von der Insel vnnnd Stadt/ auch dem Collegio zu Goa.

Dad damit an dem Collegio zu
Goa angefangen werde/ wellis-
ches vnder allen das erst ist / so
in Asia gestiftet worden (es ligt aber
Goa

Goa gestrackswegs vnd der lini nach/
von dem Meerestad in Portugal/bey
zweytausent / aber der gewöhnlichen
Schiffart nach/bey vier tausent Leu-
cken) So hat Johann der dritt/König
in Portugal/in der Stadt Goa ein gar
groß vñ weit Hauß/das S. Paul ge-
nannt worden/zü bereiten lassen/vnd
dasselbig mit gewissen jährlichen Ein-
kommen versehen/das darinn ein gro-
ße anzahl gelehrter vnd frommer Män-
ner ernicht vñ erhalten wurde/die
mit gangem Herzen/allein der vñ-
glaubigen bekehrung oblagen. Dem
selben Hauß hat er ein fürnemen vnd
großgeachteten/auch zumal gelehrten
vnd Gottsförchtigen Mann/Didacus
genannt/für gesetzt/vnd ihm dessel-
ben ganze Verwaltung befolhet/Der/
als Xauier daselbsten ankommen/hat
er ihm sein Leben vñ lobliches für-
nehmen hochgefallen lassen/dessen
sich auch höchlich erfreuet/ihm dar-
auff selbst die vermütung gemacht/
wie diser Mann geschaffen/also seyen
auch seine Mitgesellen/vnd derwegen

bey ihme selbst geachtet / die Societet
 IESV fürnemlich würdig sein / deren
 das vorgemeldt Ampt der befehung
 der vnglaubigē befolhen wurde. Sol-
 lich sein gütachten schreibt er dem Kö-
 nig zū. Der König / der schon vorhin
 wol vnnd vil von disen Leuthen hielt /
 läßt ihme sein meinung nit vngern ge-
 fallen / vñ vbergibt der Societet gleich
 alßbald das Hauß zū Goa, mit allem
 Hausrath vnd einkommen. Darnach
 hat er dasselbig Collegium mit newen
 gütthaten gangß freygäbig gebessert
 vnd gemehrt / auch ein groß Geld / nit
 nit allein zuerhaltung der Personen /
 sonder auch der newen Christen / dahin
 zugeben verschaffet. Alßbald seind
 auch Prediger / Beichtuätter / Docto-
 res vnd andere / die zur Haußhaltung
 vonnörrē / dahin geschickt wordē. Diser
 zeit wohnen an disem ort (darauß in
 andere Indianische Länd / zu ersatzüg
 Kirchendienst / für vnd für etliche ge-
 schickt werden) über die hundert Pers-
 onen. Welliche keinem andern ding
 obliegen / dann allein dem Christlichen
 Glau

Glauben zuerweitern/ vnd haben mit
 demselben souil zuthun / daß offte auß
 der gangen zahl allein drey oder vier/
 vnd darnach dieselben durch Kranck-
 heit gezwungen / im hauß bleiben / vnd
 wann gleichwol ihrer vil mehr dahin
 geschickt / wurde ihnen dannoch an Ge-
 schäften nit zerinnen. Sie halten ein
 Schül / darinn man die H. Schrifft
 vnd freye Künst lehret / vnd wirdt die
 Jugend nit allein in gemeinen Kün-
 sten / sonder auch im brauch der Indias-
 nischen Sprach geübt / damit ihnen die
 verkündigüß des Euangelij / ohn hilff
 eines Dolmetschen / desto leichter sey.
 In vnnd mit derselben arbeit werden
 vnderrichtet mehr dann sechs hundert
 Knaben / die ihren vrsprung auß mana-
 cherley Land haben. Nemlich Brach-
 maner / Persier / Arabier / Mozen auß
 Ethiopia, Cafres / Canarij / Guzara-
 tes / Dacanij auß Malauar, Bengala/
 Canara / Pegui / Putanes / Chingola/
 Jaia / Malaia / Manancaba / Maca-
 zar / Maluco / Sion / Mauri / Sina/
 vnnd andern Ländern. Vnd dieweil

dieselbigen gemeiniglich einer güten
 außserlesenen art/ vnd ihrer Herberg/
 etliche auß 8 Societet fürgesetzt seind/
 so ist ein grosse Hoffnung/ es solle dar
 zu kommen/ daß sie/ wann ein jeder in
 sein Land außgesand wirdt/ das E
 uangelium weit vnd breit außbreiten
 werden.

Es soll warlich die Societet ihr ar
 beit nit rewen/ Dann von der zeit an/
 als sie an die ort gezogen seind/ haben
 sie gar nahe die gangz Insel Goa, vnn
 zwe andere nahe darbey Diuar vnn
 Coran, zu der Catholischen Kirchen
 gebracht. Sie haben auch offtermals
 in disem Leben/ ein grosse Frucht ihrer
 mühe vnd arbeit eingenommen/ son
 derlich aber im Jar nach CHRISTI Ge
 burt 1557. Da ihnen der Vicere Con
 stantinus, als er sich zur selben zeit zum
 Krieg wider die vnglaubigen rüßet/
 drey tausent gewaffneter Männer/ die
 all von ihnen/ in der Stadt Goa, ge
 tauft worden waren/ gangz freunde
 lich vnder seinen fändlin zeigt. Dañ
 dise Kriegsleuth haben ein sollichen
 brauch

brauch vnnnd Gottsförchtig Gemüt/
 dz sie deß tags / daran sie in ein Krieg
 außziehē wöllen / nach dem sie jr Sünd
 gebeichtet / am morgen frū / an einem
 hauffen in die Kirchen kommen / ihre
 Spieß vñ Büchsen vor der einen Kir-
 chenthür demütig von sich legen / vnd
 einer nach dem andern / der ordnung
 nach / das Sacrament deß Altars em-
 pfahen / volgendes zur andern Thür
 wider hinauß gehen / ihre Waffen ne-
 men / vnd also desto stärker vnd fröh-
 licher zū den Fändlin ziehen.

Im Jar aber so nach CHRISTI Ge-
 burt war das 1560. seind der bekehrten
 Menschē daselbst gewesen / vber zweih-
 zig tausent / darunder zwölff tausent
 vnd sibenhundert / gleich in jren Häu-
 sern / von der Societet / die sie in Chri-
 stenlicher Religion vnderweisen / ge-
 tauft worden. Drey Mocadaner / das
 seind Junffmeister der Goldschmid /
 Maler vñ Schiffleuthen / haben nach
 dem sie / sampt ihrem Haußgesind /
 den Christenlichen Glauben angenom-

d iij

men?

men / ein jeder ein grosse menig seiner
 zunfft genossen / zu der selbigen Religio
 on vñ für sag eines tugentreichen Le
 bens geführt. Ober dise seind auch vñ
 der denen die befehrt werden / nit als
 lein vil Machometaner / Heyden vñd
 Brachmaner (welliche der Indischen
 aberglauben Vorsteher seind) sonder
 auch fürsten vñnd andere grosse Herz
 ren. In welcher zahl auch gewesen ist/
 des Königs Mealis Tochter / der seines
 Lands vñd in seinen sitten ein Macho
 metaner / vñd gen Goa, zu den Portu
 galesern geflohen was / sie vmb hilff
 anzuruffen / daß er in das Reich Idal
 can / darauß er vertriben was / wider
 umb eingesetzt wurde. Dieselbig sein
 Tochter / hat / als die Kinder den Ca
 techismum durch die Stadt gesungen/
 (wie sie dan durch anrichtung 8 So
 cietet / zuehñ pflegen) ihnen offters
 mals mit fleiß vñd grossem wollust ih
 res Gemüts zugehört / daran ein gefals
 len gehabt / vñd derwegen / durch Göte
 lich eingeben (wiewol es ihren Eltern
 zum höchsten zuwider was) den Chri
 sten

stenlichen Glauben angenommen/im
Jar nach der Geburt CHRISTI, 1557.

Dergleichē haben sich auch zu CHRI-
STO bekehrt/ein gar edler vñ dapfferer
Ritter / dem der Nam Alphonfus im
Tauf gegeben worden/ vnd erst in die-
sem Jar/in dem Krieg/den der Vicere
Antoni wider die Machometaner vnd
Heyden in Malauar geführt / gestor-
ben/vnd der König zu Tricanamal, der
noch lebt vnd von dem König zu Por-
tugal / ehrtlich gehalten wird. Item
der König zu Zeylan Ioannes, der her-
nach zu Lisabona gewohnet/ vnd sich d
Societet Herberg daselbst gebraucht.
Vnd sonil von Fürsten vnd mächtigen
Männern / die fürwar im Catholischen
Glauben / wunderbarlich beständig
vnd vest beharren / vnd mit ihrem E-
xempel / vil von den Irthumben/ zu
dem weg der Wahrheit führen.

Auß den Brachmanern aber / wil
ich fürnemblich zwen anziehen/ deren
einer / ein gar hohen Stand / in groß-
ser Würde geführt/ auch in dem rhüm/
daß er vast gelehrt / vnd sonderlich in

der Astrologia vnnnd erckennuß deß
 Gestirns hoch erfahren sey gewe-
 sen / vnnnd ihme allenthalben ein sol-
 lichen Namen damit gemacht/dz man
 auch von den weitesten Ländern/rath
 bey ihme gesucht / vnnnd vil ihne umb
 erledigung ihrer Sünden/bittlich an-
 gelangt habē. Derselbig hat mit seiner
 befehung souil nutz geschafft/ dz gar
 nahe kein vnglaubiger mit ime gehan-
 delt/der nit von ime vberwunden/ sei-
 nen vernünfftigen vrsachen gewichen
 vnnnd sich zu CHRISTO gewendet hab.
 Der ander wiewol er gar fürnem vnd
 reich gewesen / dann er den zehenden
 vnd erste frucht der ganzen groben
 Landschaft/ deren er in seinem Prie-
 sterthum vorgestanden/ eingenomē/
 so hat er doch das Geld vnd allen zeit-
 lichē nutz/ vmb CHRISTI willen/hindan
 gesetzt/vñ andere/soutler vermögt/mit
 größtem fleiß/mühe vnd arbeit/zur E-
 uangelischen Warheit geführt. Wel-
 chen fleiß vñ willen man auch gar nah
 bey allen andern newē Christen/ sowol
 den höchstē als den schlechtestē befind.

Weiter

Weiter ist auch zu Goa, auff des Königs von Portugal Kosten/ ein grosse Herberg für die Catechumenos (das seind die / so noch nit getaufft/ aber ein willen darzu haben / vnnd doch im Glauben noch nit wol gegründet seind/ sonder baß darinn vnderricht werden müssen) vndein Spittal/ darinn man die Krancken beyderley Geschlechtes auffnimmet/ auffgericht worden. In disen beyden Behausungen werden gemeiniglich bey vierhundert Personen gezelt. Dise ding befürdern den Christenlichen Glauben nit wenig/ daß der tauff mit ganz herzlichen Cerimonien vnd Gebrängen / auch in beywesen 8 Portugalesische Vicere, Ampt vnd Hauptleuten (die darinn grosse frewd vnd wollust ihres Gemüts erzeigen) verricht wirdt. Vnnd daß die Vicere den neuen Christen Erzbeweisen/ ihren nutz/ warinn vnnd souil ihnen möglich / mit gnaden befürdern/ auch ihnen Privilegien vnnd Freyherten geben/ vnnd die Beschwärden ab ihnen

ihnen auff die vnglaubigen schieben. Vnnd dasselbig nit allein auß ihrem gütebeduncken vnd freyem willen / sondern des wahren Christenlichen Königs befelch / vnnd dann auch auß der Societet rath vnd ermanen. Welches vrsach gibt / dieweiles bey dem gemeinen Man kundbar ist / daß die newe Christen die Societet hefftig lieben / aber hingegen die vnglaubige sie vbel fürchten / vnd doch ihnen Ehr beweisen.

In derselbigen Insel ist ein berühmte Stadt / darinn ein Tempel / der S. Johanssen dem Tauffer geeignet ist / deren fürnemste Leuth (die man Gansares nennet) als sie ab dem glücklichen außgang der Christenlichen Religion betrübt vnd vast erschrocken gewesen / seind sie von ires gemeinen nutz wegen in rath zusammen kommen. Da seind der meinungen drey gewesen. Die erst / dieweil der Christenlich Glaub / die gang Insel mit sollicher vngestümme / durchfahren / solten sie der Seelē Heyl (wie sie meinte) dem zeitlichē güte fürsetzen / die Insel verlassen vñ auff das Festland

land ziehen. Die ander / man solte das
Wetter fürüber gehen lassen/ vñ desselb
bē erwarten/welches beschehen wurde/
so bald der Vicere Constantinus, nach
außgang seiner Faren / auß der Insel
ziehen wurde. Wider dise beyde meis-
nungen/stund auß den ältern einer/der
für die andern wol geachtet was / auff
vnd sagt: Es ist von deß Constantini
Abzug / nit souil nachgedenckens / als
von der Societet hie bleibens zuha-
ben / welches / dieweil es ewig sein
wirdt / vnnd sie beyden andern Vice-
re, die hernach kommen / nit in weni-
germ ansehen sein werde / so wirdt vns
vil nützer sein / daß wir die Abgötter
verlassen/ vns dem einigen Gotterge-
ben/ vnd die Christenlich Religion an-
nehmen. Diser Rath sie alle für heylsam
angesehen/ vnnd ist darauff dieselben
täg / ein sollich zůlauffen zum Tauff
gewesen/ daß mander selbē Menschen
vil/ nit ohn jr grosse bekümmernuß / biß
zů einer andern zeit/ hinder sich stellen
müssen. Dañ die/ so der Christenlichen
Religion begeren / haben in annem-
mung

mung der selben/ ein wunderbarliche/
grosse vnd fröliche begierd.

Im Dorff Bati, ist einer der fürnem-
sten / mit Namen Camotis, an einem
Abend / ermanet worden / daß er des
volgenden tags (der da war das Fest
S. Ludwigs etwan Königs in Frack-
reich) mit den seinen / in güter frů / zum
Taufß käme / dann der Vicere wurde
da sein / vnnnd wäre derhalb zu der zeit
nit zuschlaffen. Nim wahr / da kam er
vmb Mitternacht / für des Priesters
Herberg / vnd klopffet an der Thür.
Im volgeten nach seiner Freund vnnnd
Verwandten / jung vnd alt / bey zwey-
hundert Personen. Die Mann hetten
nach ihres Lands brauch Hauben auff
mit Federn gezieret / deren waren bey
dreyßig Büchsen schüßen / die Weiber
waren mit Gold vnnnd köstlichem Ge-
stein gezieret / aber er Camotis trüg ein
guldine Ketten / vnnnd ein Büchß / het
ein braunrot seyden Gefäß an / ein sil-
berin Schwerdt an der Achßlen han-
gen / vn̄ zog also auff kriegerisch gezie-
ret /

ret / vor ihnen da her / vnnnd zeigt an/
er wär allbereit / wie ihme befol-
hen worden / vorhanden / mit allem
Haußgesindt vnnnd ganzer Freunds-
schafft / dann ihnen gebürte dieselbig
Nacht nit zuschlaffen / Des Manns
fleiß vnd sorgfältigkeit ist gelobt / auch
er widerumb heimzuziehen vnnnd biß
zu angehendem tag zurühen geheissen
worden. Aber am volgendē Morgen/
sobald 8 Vicere mit dem Bischoff von
Malaca, in die Kirchen kommen / ist er/
samt den seinē / mit meniglichen groß-
ser Freud vnd Frolocken getaufft wor-
den.

Einer auß der Societet ist zu Goa,
Petrus Almeida genannt / der hat ein
wunderbarlichen grossen lust vnnnd be-
gierd 8 Abgötter Bilder niderzuwerf-
fen vnnnd zubrechen. Vnnnd dieweil die
newen Christen das mercken / befließen
sie sich einer vber den andn / irem Mei-
ster darin zugefallen. Als etliche von
Barden / dem Creuz ein schmach bewis-
sen vñ die Christen zu Koran solches er-
farē / nemen sie jne für / solches zurechē.

Der

Derwegen sie bey der Nacht gen Bar-
den kommen / etliche steininne Götzen
stalen / vnd von stund andem Almeida
bringen. Almeida lobt mit frölichem
Angesicht iren fleiß / vnd gestattet nit /
daß einer vor ihme / an den Götze hand
anlege. Nach dem er sie aber zer-
schlecht / heist er die Christen sie anspeye-
en vnnnd mit Füßen treten. Sollichen
befelch verrichten sie mit freuden / vnd
vber das flüchen vñ reden sie / auch vñ
geheissen / inen gar vbel / gehen sie auß /
schmähen vnd schälten sie / die newlich
mit so grossem gebräng vnd aberglaub-
en verehret worden / auff das höchst.

Dieselben neue Christen / als sie von
einem auß der Societet vast begert /
daß er ein Creutz zñ Koran auffrichte-
te / vnd aber er die sach länger verzog /
dann ihr Begierd vnd Andacht erleis-
den möcht / da fielen sie in ein Tempel /
den sie daruor für vast heilig gehalten /
namen darinn Materí vnd Zeug / dar-
auß sie selbs ein Creutz machte / welches
sie als es von dem Meister geweihet /
mit grosser freud vñ lust ihres Gemüts /
im

im Dorff öffentlich auffrichteten/ vnd
 ist sich in der Warheit zuuermundern/
 mit was grossem Meid/sie jezo ire Ab-
 götter vnnnd heydnische Gebräuch ver-
 uolgen. Im Jar nach CHRISTI Ge-
 burt 1567. ist durch Brief verkündet
 worden/ daß inn Salsettaner Land-
 schafft (da sonderlich die Brachma-
 nisch Schalkheit in starckem schwang
 was) mehr dann dreyhundert heydni-
 sche Tempel zerstört/dem boden gleich
 gemacht/vnd an statt derselben/heil-
 ige Kirchen GOTTES gebawet worden
 seyen/welliche von der Societet ver-
 sehen werden. Zum theil auß des Vicere
 Gebott/vñ zum theil auß der Francis-
 caner Brüder vñ der Societet anrich-
 ten. Auß welcher Handlung/acht vnd
 funffzig Dörffer/ihzer Abgötter ent-
 blößt vnd daruon gereinigt seind. Die
 Gansares, deren wir hieuor gedacht/sa-
 gen für ein Warheit/ der Teufel hab
 inen öffentlich gesagt. Diser heilig Jo-
 hannes/der in meinem Tempel vereh-
 ret wurde/ ist mehr vnnnd fürtreffentli-
 cher dann ich/ derhalb ich ihme weis-
 e chen/

chen/auch euch verlassen vnd auß der Insel/in das vest Land ziehen muß.



Von der Stadt vnnnd dem Collegio zu Cochin.

In ander Collegiū der Societ^{et} IESV, ist in der Stadt Cochⁱⁿ/dreyhūdert Meil von Goa, welches ob es wol demselben an 8 zahl der Societet Personen vngleich/so hat es doch eben die geschäfte vnd arbeiten/die das zu Goa hat. Vnnnd wiewol dise Stadt vnder den befridigten gezehlt wirdt/so schlegt es doch daselbst/an heimlichem Aufsatz/nit gar läh. Dañ als kurguerschiner zeit Melchior Carnerius, auß der Societet/Nicenischer Bischoff/dahin kommen was (dann wiewol die Societet nach vermögen ierer Regel vnd Besagen/grosse Tittel/Amp^{ter} vnnnd Würdigkeiten der Kirchen/auch reiche vnd feiste Pfründen/mit allē ernst fleucht/so nimbt sie doch/auß zwang vnd gebott der Bāpst. Heil.
die

die Bisthumb vnd Ampter an / die ihr
gewise arbeit vnd gefahr / aber keine
zins vnd einkommen haben) vñ eben
damals / weiß nit was für ein Armeni-
scher Bischoff / sich auch dahin verfügt
hat / vñnd Melchior sich befließt für zu-
kommen / dz der Armenier die gesunda-
heit vñnd reinigkeite des Catholischen
Glaubens / mit der Mackel böser vñnd
schädlicher zwyspaltung / nit beflecke /
da ist er von GOTT wünderbarlich behü-
tet wordē / daß er durch böse vñ lasterli-
che Leuth nit vñtkömen. Dañ als einer
mit einē schutz / seines Haupts gefahret /
hat er ihme mit dem Pfeil / das Barret
durch / vñ vom Haupt doch ohn einige
verlegung desselbē / vberab geschossen.

Gegē Cochīn vber / sihet man ein gro-
ße anzahl Insulen / die man die Maldia-
uaner Insulen neñet. Derselbē König
hat im Jar nach der Geburt CHRISTI
1551. mit einer grossen anzahl seines
Volcks / den Christlicheñ Glauben an-
genömen. Also haben sich auch andere
bey Cochīn nahegelegne Insulen ange-
fangen zu dem HERREN zu bekehren.

In jüngstem Schreiben hat man vernommen / das vier auß der Societ / die von Cochín gen Goa zufahren begert / vnder wege vnder Machometische Meerzauber kommen. In dem aber wie sich die Schiffleuth in die gegenweh: rüsten / Kompt ohne gefahr: das Feuer ins Büchsenpuluer / dardurch das Schiff / das sonst den Feinden ein widerstand gethan hette / auß inwendigem Unglück verbrünnt. Derhalb die so im Schiff waren / ins Meer springē / vnd vil vnder ihnen / damit sie nit erträncken / auß not / zu d Feinden Schiff schwimmen / in deren zahl Franciscus Lopes, auß der Societet auch gewesen. Wiennund die Mozen / an seiner geschnornen Coronen gesehen / daß er ein Priester gewesen / auch ihme oft vnnnd hefftig zügesetzt / daß er den Christenlichen Glauben verlaugnen solte / er aber beständiglich darinn verharret / seind jme die Seiten mit einem Spieß durchstoichen / vnnnd das Haupt mit einem Schwert verwundet worden / vnd hac also diß kurg Leben / mit dem ewigen

gē verwechselt. Ein anderer auß den
selben Gefellen / ist von ihnen gefangen
vnnnd volgendts widerumb erlöst wor-
den. Wie es aber den vbrigen gangen /
ist vngewiß / doch vermeint man / sie
haben mit dem Francisco Lopes, ein
gleich end ihres Lebens genommen.



Von dem Schloß vnnnd

Collegio zu Damano.

DAmanum ist ein Schloß / daß der
Vicere Constantinus den weissen
Noren abgewonnen / welches / die
weiles an den Gränigen der Portuga-
lesischen Länder in India ligt / von den
Vicere, mit einer starcken Besatzung /
von tausent Portugalesern / verwahret
wirdt. Daselbst wohnen auch etliche
auß der Societet mit grosser Befür-
derung des Christenlichen Glaubens.
Die Portugalesische Kriegsleuth seind
sollicher Gattasforcht vnd Geistligkeit /
vñ halten von diser Societet soult / das
e iij f

sie schier nimmer an den Feind ziehē (wiewol sie deren Tügen vil thun) daß sie nit einē auß ihnen mit sich führen / & sie zu Beicht höre / auch jnen in dem Streit / den Fanen des Creuzs vortrage / vñ sie mit nottürfftigē ermanügē beherzige. Welches Ampt die von d Societet für war vil gefährlichkeiten / auch mühe / arbeit vnd pein ihres Leibs kostet. Vñd wiewol sie solchs nit allein an disem ort sonder auch in andern Ländern / wann sich die gelegēheit begibt / mit so grosser gefahr ihres Lebens thun / so beschicht es doch von jnen nit ohn sonderer Himlische frewd vnd lust ihres Gemüts.

Es werden auch in Damaner Landschaft / etliche Nachometaner / zu dē dienst CHRISTI des HERREN geführt. Vnder denselben ist ein Weib von hohem Geschlecht gebořē / die einen Nachometaner / der etwan ein Landvogt zū Damano gewesen / zu einem Mann gehabt / mit grosser verwunderung der jhren / von den Nachometanischē Irthumben / zū der Christlichen Warheit getreten / vñd hat von fürgenommen

ner

ner weiß ihres Lebens / durch liebko-
 sung / Kunst vñ geschicklichkeit der iren /
 in keinen weg abgeführt werdē mögen.
 Des Fürsten von Baroch Gesandter /
 ist auß bitt ihres Manns zu jr Komē /
 vñ hat der Portugaleser Landuogt /
 als der sich des Weibs beständigkeit
 getröstet / ihme den zügang nit gewai-
 gert. Der Machometaner hat ange-
 fangen iren Glauben zu widersechten /
 vñnd in beysein des Portugalesischen
 Landuogts / ihres Manns Kämmer-
 lings vñ eines auß der Societät / sie erst-
 lich angefangen etliche Puncten zu fra-
 gen / vñnd darnach das groß Her-
 Komē ihres Geschlechts / ihres Manns
 Adel / herzigkeit vñ reichthumb in ge-
 dechnuß zuführen. Sie aber beut dem
 Gesandten nit allein kein Hand / son-
 der achtet ihne auch einiger Antwort
 nit würdig / Dañ sie was zuuor von ih-
 rem Lehrmeister gewarnet / thät eben
 als ob sie seiner redē nit achtete / sprach
 entzwichē ihre Gebett / die sie gelernet
 het / vñnd sieng an mit dem H. Creutz
 sich zu bezeichnen.

So bald die Nachometaner dasselbig gesehen / wenden sie sich ab / flohen von stundan von ihr / vnnnd zohen mit grimmigem zorn von dannen. Wie gleicher stärke vnnnd standhafftigkeit ihres Gemüts / hat sie auch ihrer Mütter betruglich bitten außgeschlagen / vnd zu ihr / als sie zu ihr kommen / vnd sie mit vil schmaichelworten / wider zu dem Nachometanischen Gesatz zuführen vnderstanden / gesagt: Es wäre wäger / liebe Mütter / daß du mein andere Schwester mit dir daher brächtest / vnnnd ihr beyde den Christenlichen Glauben annämet. Wo das nit beschicht / will ich dich hinfür kein Mütter / vnd du solt mich kein Tochter nennen. Wie dz alt Weib dise wort gehört / ist es trawrig hinweggangen / vnd hernach nit mehr widerkommen. Vnd ist fürwar der Nachometaner bekehrung desto höher zuachten / vmb souil sie schwerlicher von iren Glaubens bräuchen vnd irrigen meinungen abgeführt werden.

Von



Von der Stadt vnnnd dem Collegio zu Coulan.

Der Litter ist auch zu Coula, welche Stadt bey dreyszig tagraisen zu Schiff / von der Stadt Goa ligt / ein behausung der Societet / Auß welcher die Inwohner auch in andere nahe umbligende ort / fürnemblich aber in die Ladschafft Trauancor außziehen / inn deren vor vier Jaren / der Christen Dörffer fünf vnd zweinzig gezehlt worden / vñ etliche vnder denselben gar berühmte. Vnd dieweil die Societet / von wegen daß ihre so wenig / bey denselben allen / als die weit von einander zersträet seind / nit sein mögen / verordnen sie etliche Christen auß den Inwohnern / die ein vntadelich Leben führen (dann es seind vnder den Christen / vil alte vnd ehrliche Männer / die haben nach Europischen sitten / ordentlich auffgerichtete Gesellschaften / die wir gemeiniglich Brüderschafft nennen)

e v

nen) denen befehlen sie die Hüt vnn
 bewahrung d Kirchen / vñ das Volck
 täglich in d Land Sprach den Catechis-
 mum zulehren. Doch visitiern vnd be-
 süchen sie / vber etliche zeiten / solliche
 Weingärten des HERREN. Vñ dieweil
 die erfarnuß gibt / daß die zart vñ jung
 art der Menschen vñ leichter dann die
 alten vnd in ihrem wesen erstarrten /
 in Christenlichem Gesag vnd Sitten /
 zu underrichten / so ist zu Coulan jr fürs-
 nembeste arbeit / die Kinder zulehren /
 vnd zu underweisen / wie auch zu Goa
 vnd Malaca.

Newlich hat man die zeitung ge-
 bracht / daß durch vnderhandlung der
 ren von der Societet / zwischẽ dem Kö-
 nig von Trauancor vnd den Portuga-
 lern / ein ewiger Frid gemacht wor-
 den sey. Mit welcher güthet / sie dens-
 selben König dermassen gefangẽ / daß
 er nit allein die newen Christen zu plas-
 sen auffgehört / sonder auch ihnen ein
 Kirchen / darinn sie ihren Gottesdienst
 zu erichten / zusammen kommen möchte /
 auff seinẽ Kosten zubawẽ verschaffet.

Es haben auch vber das/ gemelte von der Societet/ ihnen durch verträg vnd ableinung viler zwytracht vnd spännen der Fürstē im selben ganzen Reich ein solche gnad vnnnd willen gemacht/ daß ein grosse Hoffnung ist/ dieselbig ganze Landschafft/ solle ihren Gottlosen Teufelsdienst von sich legen vnd in kurtzen dem Glauben CHRISTI zutretten.



Von der Comoriner Landschafft.

Von dem Comoriner Vorgebirg vnd derselben ganzē Gegend/ haben wir hienor gesagt. Als Franciscus Xauier, im Jar nach CHRISTI Geburt 1542. sich daselbsthin versüget/ hat er bey ihnen ein sollichen Samen des Catholischen Glaubens außgebreitet/ daß sie darnach ein vberflüßige Frucht 8 Seelen dargegē eingesamlet.

Dann

Dañ die Societet ist volgendes von dem
 Baw diß Ackers nie abgestanden / vnd
 dasselbig mit sollichem zünemmen deß
 Christenlichen Glaubens / dz diser zeit
 kein gewisse zahl der Christen / dieweil
 sich dieselb alle Jar mehret / angezeigt
 werden kan. Im Jar nach der Geburt
 CHRISTI 1554. sagt man / es seyen der
 Christenlichen Häupter gezehlt wor-
 den / hundert vnd vier vnd zweingig
 tausent / aber im volgenden 1555. Jar/
 hundert vnd dreyßig tausent. Weiter
 ist man durch Schrifften deß 1565.
 Jars bericht worden / daß die zahl der
 Christen in Comoriner Landschafft /
 in der Insel Goa, vnd im Gebirg vmb
 Cochín / vberal mache vber drey mal
 hundert tausent. Von welcher zeit an/
 dieselbig zahl nach vnd nach vmb vil
 tausent zügenommen hat / deren weit
 der mehrer vnd besser theil Comoriner
 seind. Wellicher bewärte Tugend der
 massen geschaffen / daß sie mit allē Eu-
 ropischen Christen / ob sie gleich wol/
 nach ihrem Veruff / vil jünger seind /
 stehen möchten / welcher theil dem an-
 dern

bern in Beständigkeit/ Andacht vnnnd Einfaltigkeit deß Glaubens vorgehen solte.

Als die newe Christen in Punical/ von wegen deß angenommenen Christlichen Glaubens / von den vmblichen Tyrannen/ stätigs geplaget worden / haben sie lieber ihre vätterliche Sitz verlassen / vnd an andere ort ziehen / dann CHRISTVM verlassen wöllen. Als auch im Jar CHRISTI 1560. die auß der Societet / auß Befelch deß Portugalesischen Vicere, demselbigen Volck / wie es auß seinem Land gezogen / vorgestanden / hat inen der grausam Tyrann Badagaa, mit zweingig tausent Mannen zu Roß vnd Fuß/ vñ einer grossen anzahl Helffantē/ nachgeeilt/ vnd sie in solchereil vberfallen/ daß ihnen kaum sonil weil worden/ daß sie mit Weib vnnnd Kindern / inn die Schiff kommen mögen.

Damals haben die Portugaleser/ wiewol sie darzu vnbereitet gewesen/ etliche Scharmügel mit den Feinden gethan/ vnnnd ist Ioann. Mesquita einer auß

auß der Societet / mit sibem oder acht
 grossen vnd schädlichen Wunden ver-
 legt / auch aller seiner Kleyder / biß auff
 das Hembd vnd ein Gefäß / beraubt /
 mit höchster peinigung seines Leibs /
 gefänglich hinweg geführt / vnnnd erst
 hernach im Schiff / darinn sie ihne ge-
 führt / im Haupt verwundet / vnd mit
 einem Kolben dermassen geschlagen / dz
 er halb tod ins Meer gefallē / doch mit
 grosser arbeit lebendig wider herauß
 gezogen wordē. Nach dem er zum Kö-
 nig gebracht / wirdt er in ein Kärcker
 gelegt / vnd mit vil Wächtern wol ver-
 wahret. Dann der König verhoffet vñ
 bey ihm selbs für gewiß hielt / er wolte
 auß seiner auflösung (dann er seiner
 Wunden wider genäsen was) ein groß
 Geld bringē. In der Gefängtnuß ist er
 gar vbel gehalten / vnd ime erstlich ein
 eisene Ketten / die nit mehr dann einer
 spann weit gewesen / vmb den Hals ge-
 legt worden / darauff erfolgt / daß ime
 vil Bluts zur Nasen außgeloffē / Auch
 seind ime die Schinbein vñ Schenckel
 ob dem Knie / mit einer andern Ket-
 ten

ten gebunden/vnd volgends auch dicke
Fußband angelegt/ vnnnd vber das als
les / ihme erst die Folterung vnnnd der
Tod getrôwet worden. Doch ist er we-
nig tåg hernach/ ohn Geld vnd alle lö-
sung auß allem sollichem vnfall/ mit
GOTTES hilff erlediget worden. Aber
sein Mitgefârt / als er im anfang des
selbigen Lärmens/der FeindHänden
durch schwimmen entrunnen/ist er ein
andermal hernach von den vnglaubi-
gen gefangen / vnd hat wenig gefehlt/
er wäre getödtet worden. Auch hat ein
vnglaubiger Landherr auff einen der
Societet/mit gezucktem Schwerdt ge-
haben. Einen andern/ von wegen dz
er eines Heydnischen Tempels auff-
bauung verhindert/hat ein vnglaubi-
ger/der den Tempel bauen ließ/vmb-
bringen wollen / doch nit ohne straff/
Dann vber wenig tåg hernach/ ist er
des gâhen Todes gestorben. Ein ander-
rer / als er in denselbigen Landen ge-
fangen/vnd mit Kolben geschlagen/ist
hernach von jnen/vnderm schein einer

Gnad,

Gnadbeweisung/ vmb zwölffhundert Cronen verkaufft worden. Item seind Franciscus Henriquez, vñ Balthasar Nunes beyde von den vnglaubigen gefangen vnd gar nahe vmbbracht / auch deren einer in eiserne Band gelegt/ vnd ihm die Händ vnd Füß zusammen gebunden worden. Darauf ime seine Glieder dermassen geschwollen / daß er etliche tag hernach gar schwerlich kranck gelegen.

In derselbigen Landschaft ligt eine Insel/ mit Namen Zeylan, da sich / zu der Ehr GOTTES, ein merckliche vñd hochuerwunderliche sache begeben. Eines Fürsten ältester Sohn / ist auß befehlh seines Vatters/ von wegen daß er den Christenliche Glauben anzunehmen vorhabens gewesen/ getödtet worden/ welchen ein Portugaleser nach Christlichem Brauch vergraben / der meinung/ daß er vmb solchs erlittenen Todes willē/ eingewisser Martyrer wäre. Dis Portugalesers Urtheil hat Gott mit einer scheinbarlichen Zeugnuß bewäret. Dann auß seiner schickung hat sich begeben

begeben / daß an dem ort / da der jung
 Fürst vergraben gewesen / daß Erdrich
 in gestalt eines Creuzs auffge-
 spalten / welches von den vnglaubig-
 en / zum andern mal / mit Erdrich
 vnd Laim verkleibet worden / es a-
 ber nichts desto weniger allweg den
 Spalt widerumb bekommen. Man
 sagt auch / daß in denselben tågen / ein
 feuerfarb Creuz am Himmel gese-
 hen worden sey. Auß welchen wund-
 wercken ein grosse menig des Volcks
 bewegt / sich zu CHRISTO bekehrt hat.
 Deren vil auß gleicher grausamkeit
 des Königs / die Marterkron erlan-
 get haben. Vnd wurden auch in ders-
 selbigen zahl gewesen sein des Kö-
 nigs vnnnd seiner Schwester Sohn /
 dem die Erbschafft des Königreichs
 zugehört (dann es ist in den Reichen
 der Insel Zeylan der brauch / daß nie
 des Königs / sonder seiner Schwester
 Sohn / das Reich erben) welche bey-
 de zum Christenlichen Glauben ein-
 züneigung hetten / vnnnd wären auß-
 gebott des Königs gemetzget wor-
 den /

den/wann sie nit sein Schwester auß
 sollicher gegenwertigen Gefahr zeit-
 lich erlediget hette. Dann als das
 vorgemelt wunderzeichen noch new
 was/hat sie die beyd zu sich berufft/
 vnnnd gefragt/ob sie Christen werden
 wöllen. Wie sie ja geantwortet/hat sie
 mit dem Portugaleser / 8 deß getödt-
 ten Fürsten Leich vergraben hat/ges-
 handelt / daß er die Knaben / zum
 heimlichsten gen Goa führe. Als sie
 nun dahin kōmen/ vnd in den Gesa-
 gen vnserß Glaubens vnderricht vñ
 getaufft worden/haben sie ein grosse
 anzeigung vñ Exempel irer Gottes-
 forcht vnd Glaubens gegeben. Disen
 seind ein Königlichcher Amptmann
 vnd zehen andere Männer vom A-
 del nachgeuolget / welliche Weib/
 Kinder vnnnd all ihr Gūt freywillig
 verlassen/vnd seind mit grosser Un-
 kōmlichkeit vnnnd Bemühung ihres
 Leibs/ von deß heiligen Tauffs we-
 gen/mehr dan sechs hundert Meil zu
 Land gen Goa gezogen. Nachdem sie
 nun dahin kōmen / seind sie im Cate-
 chis-

chismo vnd richt vñ darnach mit dem
h. Tauff gereinigt worden. Das ist
geschehen im Jar CHRISTI 1545.



Von der Insel Socotora.

Socotora ist ein Insel im engē Ein-
gang des Rothe meers / im zwölff-
ten Grad gegen Mitternacht / von
der Stadt Goa, gegen Niedergang /
dreyhundert vñnd sechzig Leucken.
Sie begreiff in irem vñmkreis fünf-
zig Leucken / ist ein elend gar bürgig
vñnd vnfruchtbar Land / vñnd nit
Volckreich. Die Leuth / so darin woh-
nen / seind mehrer theils Machome-
taner / vñ zum theil auch deren Chris-
ten / die jr benennung von S. Tho-
ma haben / von wegen daß er das E-
uangelium zum ersten daselbst hin-
gebracht. Die halten noch in ihrem
Glauben vil Jüdischer Bräuch vñd
Cerimonien / Ein Heñen oder einig
ander Geflügel / nit allein essen / son-
der auch anrüren / halten sie für ein
grosse Sünd. Sie haben ihre gewisse
f ü tag

tag zu fasten/daran dz gemein Volck
 kein Fleisch ist/vnd die Priester auch
 vber das / sich von Milch vnnd
 Schmalz / welches doch fürnemlich
 des Pöuels gemeine Speiß ist / ent-
 halten / vnnd leben in derselben zeit
 allein von Aepffeln/vnd vom Saft
 der Palmen oder Dattelkernen. Ir
 Sprach ist ganz schwär zulerne-
 vnd hat mit der Arabischen vnd E-
 thiopischen Sprach / mit denen sie
 doch Gränigen / kein gemeinschafft.
 Bey ihnen ist gar kein gebrauch der
 Büchstabē oder Schrift. Sie haben
 ein Machometaner zu einem fürge-
 setzten / den die Inwohner Xeguem
 nennen/vnd ihne vast vbel fürchten/
 wiewol er niemāds mit gewalt zum
 Machometischen Glauben zwingt.
 Sie halten so hoch/vnnd vil von sich
 selbst / daß sie vermeinen / es sey kein
 seliger Land vnnd kein bessere weiß
 zuleben / dan die ihr. Zu disem Volck
 seind vmb des Christenlichen Glau-
 bens pflanzung willē / zwen auß der
 Societet gezogen/aber beyd verlas-
 sen

sen vnnnd trostloß/in gröster Armüt/
mit einem grausamen Fieber angriffen
wordē/daran der ein gestorbē ist.



Von der Stadt vnnnd dem Collegio zu Bazain.

D hat auch in der Stadt Bazaino, vnser Societet auß
des Königs von Portugal
freygebigkeit ein auffgerichtetes Col-
legium. Da wirdt grosser fleiß/mü-
he vnnnd arbeit angelegt / die Ju-
gend inn der Schrifft vnnnd freyen
Künsten zuunderrichten/ vnnnd alle
andere zu CHRISTO zuberüffen.
Dann mit was gutem verstand vnd
gelirniger Art die Jüngling diß
Lands begabt seyen/ gibt nur eines
fürnemmen Brachmaners Sohn
(ob gleichwol sonst kein anzeigung
wäre) zuuerstehen/ wellicher sibenzeh-
nen Jar alt/ vnnnd vber das er schon
zweyer oder dreyerley Indianischer
Schriften vnd 8 Rechenkunst auff
f iij sein

sein weiß gang wolerfahren gewesen/
 hat er auch innerhalb einem Monat/
 vnser Buchstaben vnnd Schrifte le-
 sen vnd schreiben gelernet / vnnd sich
 hernach auff vnser Arithmetick vnd
 Rechenkunst begebē. Derselb ist auch
 der Gottesforcht vnnd vnser Reli-
 gion so fürtreffentlich gewesen / daß
 er andere zur Tugend vnnd ihrer
 Pflicht ermanet hat.



Von der Stadt vnd dem Collegio zu Tanaa.

Tanaa ist ein Stadt / sechzehnen
 Weil von Bazain ligend / da die
 von der Societet ein grosse von inen
 bekehrte anzahl Christen versehē / be-
 schirmen vnnd mehren. Zu denen ist
 auß einē weiten Land zu fuß komen/
 ein alter Mann / der seinem ansehen
 nach / bey achtzig Jaren alt / mit Car-
 melfelen bekleydet / auch gar vn sauber
 vnd vngestalt / so außgemergelt /
 vñ einer so dünnen Haut gewesen / dz
 er

er einē Einsidler gleich gesehen. Der
 selbig ist zu 8 Societet Haus kōmen.
 vñ gesagt/ er wölle ein Christ werden.
 Da hat einer auß ihnen/ ime die Ar-
 ticul des Glaubens in einer kurzen
 Sum/ souil er fassen mögen/ außge-
 legt/ vnd darnach gefragt/ ob er von
 Herzen wünsche ein Christ zu werdē.
 Darauff 8 Alt geantwortet: Ich bin
 doch vñ keiner andern vrsach willen/
 von so weitē Landen her kōmen. Da
 sagt der von der Societet IESV: So
 glaub die ding/ so ich dir jetzt gesagt/
 vñ stelt sne zu 8 H. Juncfrawen/ die
 dz Kind IESVM auff irem Arm trüg/
 Bildnuß/ an einer Tafel gemalt/ Wel-
 ches 8 Alt/ so bald ers sihet/ mit höch-
 ster Frewd seines Gemüts vñ sieng/
 dz Kind IESVM mit Ehrerbietug küßt
 vñ ernstlich begert/ dz er ohne verzug
 getaufft wurde/ dan sein alter möch-
 te kein einzigē tag mehr wartē. Der-
 halb ist er volgēds tags getaufft wor-
 den / vnd gleich am andern hernach
 angehendem tag/ auß diser zeit/ zum
 HERRN gescheiden

Es werden vil Knäblin vnnnd Maidlin ihren vnglaubigen Eltern abkaufft (welliche die Eltern sonst den Machometanern zuuerkauffen pflegen) vnnnd zum Christenlichen Glaubē gebracht/deren etliche/wā sie auß diser Welt scheiden/IESVM biß zum letzten Achem anruffen. Deren einer ist nitthewier dann vmb vierthalben vnd ein anderer allein vmb anðhalben Pfenningerkaufft worden. Darauß dann gnügsam erscheinet/wie vnbegreifflich GOTTES Rath vnd Vrtheil seyen.

Am selben ort zū Tanaa wirdt ein grosser hauff Knaben/zum theil inn der Schrifft vnnnd in den Gebotten Christlicher Lehr vnderweisen/zum theil aber zu manicherley Künsten vñ zu Menschlichem gebrauch nottürfftigen Handwercken gezogen. Dann etliche treiben das Schüster/etliche das Schneider/etliche dz Weber/etliche das Schmid/ vnd etliche andere Handwerck/ vnnnd zu nachts kommen sie zum essen inn das Col-
le-

legium vnnnd schlaffen darinn/ da sie
alßdann nach ihrem brauch/ den Ca-
techismum vnnnd die Litaney / ein
Chor oder Verß vmb den andern/
gar andächtiglich singen.

Vnder denen seind auch/ die dem
Ackerbaw obligen. Dieselben ziehen
(im Winter mit gefogten Kleydern
angehan) hinauß an die arbeit in ein
Dorff/ zü der heiligen Dreyfaltigkeit
genannt / drey Weil wegs von der
Stadt gelegen. Im selben feld säen
sie ein Frucht / die sie Batis nennen
(dauon sie gemeinglich leben) stupf-
fen ein Sämlin nach dem andern/
wie die Zwybel / mit grosser mühe.
Mit sollicher arbeit/lernen sie zumal
den Ackerbaw/ vnnnd seind auch zu-
gleich den andern Christlichen In-
wohnern vnd Werckleuthen behülf-
lich/dardurch sie / wann sie ihr zeitig
alter erreichen / derselben Bauren
Töchtern zü der Ehe erlangen vnd
nehmen.

Diß Dorff wirdt darumb von
der heiligen Dreyfaltigkeit benant/
f v daß

daß in demselben Feld ein berühmter Tempel steht / der an herzigkeit vñ schöne des Wercks / alle andere Tempel desselben Lands (deren doch vil / groß vñ herlich darinn seind) vbertrifft. Welcher Platz von der Societet erkaufft vnd gereiniget / auch der heiligsten Dreyfaltigkeit geweiht vnd zügeeignet ist.

Das Feld vñ dise Kirch wirdt von Christenliche Tagelöhnern bewohnet welche mehrtheils arme Leuth von d Societet zum HERREN bekehrt / vnd in dise Güter eingesetzt wordē seind. Die werden auß Gnaden des Königs von Portugal / mit allem dem / daß ihnen zu ihres Leibs Nahrung vñnd Kleydung von nöthen / versehen. Dann man gibt ihnen / auch ihren Weib vñnd Kindern / wann es dienotthurfft erfordert / Kleyder vñnd Reiß zur Speiß / auch Samen vñnd Ochsen / sampt den Pflügen vberflüssig / auß einem besondern grossen vñnd weitē Bauhoff / so zu erhaltung des Vichs

Vichs vñ der Hirten/ die deß Vichs
 warten/ verordnet/ auß welchem ein
 jeder Christ/ am morgen etliche joch
 Ochsen nimpt/ souil er bedarff (daß
 man erhaltet da fünffzig Ochsen vñ
 darüber) wann dann sein Werck
 verrichtet ist/ bringters wider.

Da ist auch ein Grund oder Erdr-
 rich erkaufft worden / darauff man
 jährlich biß in die dreyhundert Cro-
 nen auffhebt/ welliche zum theil vn-
 der Witwen vñnd Waisen / deren
 tägliche Arbeit/ ihnen zur Narung
 nit gnügsam ist / auch vnder Arme/
 Krancke/ vñnd die Catechumener/
 inn der zeit / als man sie im Glau-
 ben vnderweist/ außgetheilt / vñd
 zum theil denen / die ihre Schulden
 zubezahlen nit vermögē / für gestre-
 cket werdē. Vber das erhaltet man
 auch da etliche Gaisßherden / sampt
 ihren Hirten / für welliche auch ein
 besondere Hütten gebawet ist / dar-
 auß die Hausväter / ein jeder täg-
 lich sein theil Milch / für ihre Kin-
 der

der empfangen / vnnnd derselben gibt man ihnen gnüg das gang Jar. Dann es bringet vast ein jede Gaß / jährlich zwey oder drey Kiglin. So gibt das weit feld sein Frucht reichlich / das ihnen zu auffenthalt ihres Lebens / gang vnd gar nichts mangelt. Die Inwohner seind alle güte Bawleuth vnnnd fromme Männer / derhalben die vnglaubigen / auff ihre sitten ein groß auffsehen haben. Die heimlichkeiten vñ gesag des Christenlichen Glaubens / darinn sie sich / durch fleiß vñ antreiben der Lehrer / stätigs vñ wissen sie treffenlich wol. Sie kommen täglich alle zusammen / wann man ein zeichen gibt zum Englischen Gruß / daselbst Mann vñ Weiber / die Hauptstück Christlicher Lehr / gang andächtlich sprechen. Ja man hört auch vnder ihnen die zehen Gebott / die Knaben in den Wälden / vnnnd die Mann zuoberst auff den hohen Dattelbäumen singen. Derwegen dann die von der Societet / deren nit mehr dann vier oder fünf /

fünff/ vnd in ander weg mit vil vnd
 grossen Geschäften beladen seind/
 dise ganze Haushaltung vnd Sorg
 (die doch sonst ihnen frembd vnd
 ihrem Ampt vnd Beruff vngemäß
 ist) desto ringer tragen/ dieweil sie ses
 hen/ daß durch solliche Gelegenheit/
 die Kirch des HERREN, von Jar zu
 Jar nit wenig zunimpt. Es gebrau
 chet sich auch jetzt einer vnder ihnen
 des Ampts eines Wundarts/ der
 heilet mit GOTTES hilff allerley bö
 se/ häßliche vñ gefähliche Geschwår
 vnd offne Schåden.

Damitten im Dorff der Dreyfal
 tigkeit/ seind zu gemeinem brauch/
 gar weite Gårten/ die mit ståtslauf
 fenden Brunnrören gewässert/ auch
 darinn vil Weinreben/ Feigen/ heils
 same Aepffel/ vnd andere Gewächß
 gepflanget werden.


Die Inwohner zu Tanaa werden
 auch täglich gemehret/ von wegē daß
 ihnen die vile aller Notdurfft auff
 dem Meer zugeführt wirdt/ vnd sie
 darneben ihren Handwercken oder
 dem

dem Ackerbau gar embsig obliegen. Derhalben ist bey ihnen kein so großer brauch der Milch vnd deß gemeinen Vichs. Dahin stehet die größte Sorg/ daß sie in Tugend vnnnd Gottesforcht zunehmen. Der Catechismus wirdt ihnen am Werchtag einest/ vnd am Feirtag zweymal außgelegt. Sie haben auch gar andächtige Creutzgänger oder Bettäg/ daran die Knaben / die im Glauben abgerichtet / vnnnd doch noch nit getaufft seind/ Geistliche Lieder singen. In wellichem Gesang sie so fürtreffentlich seind/ daß sie zu den fürnemern Creutzgängen / gen Bazain berufft werden. Dieselben volgen den Leichen der Glaubigen / wann man sie zu Grab außträgt/ tragen inen das Creutz vor/ vnd sprechen die Leichpsalmen / aber die Todtenbaar tragen vier Christen auß der Brüderschaft/ die man nennet 8 Barmhertzigkeit/ in der Befleydung/ die sie in öffentlicher Proceffionen gewöhnlich tragen.

tragen. Welliche Cerimonj vñ weiß
der Begräbnuß nit allein den Chri-
sten / sonder auch den vnglaubigen
vast wol gefellt.

Letstlich besüchen auch die von der
Societet die Königtlichen Schlö-
ser vñnd Städtlein / die bey dreysig
Meilen vmb die Stadt Bazain li-
gen / mit grossem nutz / nit allein der
Portugaleser / die sie in ihrem Ampt
vñnd inn der Gorttsforcht stárcken /
sonder auch der vnglaubigen / die sie
von ihren Irthumben vñd A-
berglauben zum Dienst

C H R I S T I
führen.



Von



Von der Insel vnd Stadt Ormutz.

ORmutiū ist ein Insel am Persischen Meer/darinn ein Stadt ligt/desselbigē Namens. In welcher beschwärlich zuwohnen ist / von wegen daß ein menge allerley bösen/vermischten Volcks / auß manicherley Landen darinn wohnet/ von Heyden/ Machometanern/ Juden vnd Christen/das dem rechten vnd vngesfälschten Glauben/ vast auffßätzig vnnnd schädlich ist / vnnnd dann von wegen der grossen / vnnnd gang beschwärlichen Hitze & Sönen/die dem menschlichen Leib gar widerwärtig vñ nachtheilig ist. Derhalben die/so auß der Societet/vast alweg daselbst zuwohnen pflegen/mit ein ander zu gewissen zeiten abwechseln/damit sie der befürderung Christlichen Glaubens/ sonil möglich / ohn vnderlaß aufwarten / vnd darneben ihren vil
 auß

auff der Societet durch solliche weiß/
der vntomlichkeit des beschwärl-
ichen ortes / vnd des verdiensts theils
hafftig werden.

Dieselben ziehen auch mit der Ar-
mada / wann die wider den Feind
aufgeführt wurde / vnnnd es die not-
turfft erfordert / damit sie 8 Kriegs-
Knechten vnnnd des Volcks auff der
Armada Arzet seyen / an Seel vnnnd
Leib. In welchem geschäfte sie auch
zu zeiten jr Leben verlieren / wie dan
dem Alexio Diazio in dem Krieg / der
verfloßner Jaren wider die Türcken
derselbē Enden geführt worden / be-
gegnet. Ein anderer hat zu der zeit /
als Ormutz von den vnglaubigē be-
legert was / vnder die newē Chrusten /
auff derselbigen gefahr / von dannen
inn das Städtlin Mogastan, das nit
weit von der Stadt Ormutz ligt / mit
grosser mühe gebracht hat / mancher-
ley Personen vnd Aempter vertre-
ten müssen / Als nemblich das Ampt
ihres Hauptmanns / Vatters vnnnd
Schülmeisters / der alle stund für sei-

ne Schüler zusterben / in sorgen ge-
standen / vnnd auch darzu bereit ge-
wesen / von wegen der gefährlichkei-
ten / die ihnen von den Feinden / auch
von Brunst vnnd Ungewitter vnnd
vergiftete Luft / zuhanden gangen.

Damit ich aber widerumb zu
den Ormutischen sachen komme: Der
erst / der auß der Societet inn die
Stadt kommen / ist gewesen Gaspar
ein Teutscher auß Nederland büro-
tig. Der hat die bösen / gang verderb-
ten vñ ungezämbte sitten des Volcks
in kurzer zeit / mit höchstem ange-
wendtem fleiß / gezüchtiget / geän-
dert vnd gebessert / den Diebstal vnd
Wücher abgethan / auch der unge-
bürlichen vnnd vngöttlichen Con-
tracten vnnd Handtirungen souil
auffgehebt / das des betrüglich ge-
wunnen Gelds / vber die zweingig
tausent Cronen / inn den gemeinen
Seckel zusammen gebracht / darmit
gar vil Weiber / die von ihrem vnehr-
lichen vnd vppigen Leben / zu Zucht
vnd Erbarkeit befehrt (vmb not-
wens

wendige hilff vnd erhaltung willen) in den ehelichen Stand außgestewret worden.

Derselbig ist sollicher geschick vñ geschwindigkeit mit den Leuthen/ nach eines jeden art zuhandlen / gewesen / daß er sich gar nahe keines mit schweren Lasten behafften Menschen ihme zuhelffen je vnderwunden/den er nit mit GOTTES hilff zu gesundheit vñ besserung gebracht hab. Er hat einen mit Geld vnd Belohnung/ als ers sonst durch einigen andern weg nit vermócht / von der gewonheit seines schandlebens abgewendet / vnnd zweingig Cronen darzu erbettlet/darum er dann deshalb mit jme vber einkommen ist. Einen andern/als er jne offtermals vergebenlich zur H. Beicht ermanet / hat er mit sonderer Klügheit heimgeführt vñ bey sich so lang auffgehalten/ biß er sein Beicht ordentlich vnd mit ernst verricht. Darauff sich außsondern gnade GOTTES begeben/

daß gleich nach empfangener Absolution / ein bereits Schiff vorhanden gewesen / darein er eilends gesessen / vñnd nach wenig tågen / mit dem Feind / in einer Schiffschlacht streitend vmbkommen.

Er Gaspar hat im brauch / auch mitten im Sommer/bey der grösten Hitze (inn welcher zeit des Jars / sich die Leuth zu Ormutz, gemeiniglich ins Wasser legen biß an Hals) alle Wochen zwey oder drey mal zupredigen / vñnd darneben mit den Juden / Machometanern vñnd Heyden vom Glauben zureden vñnd zudisputieren / Die Fragen von gebührenden Aemptern / die man Casus conscientiae nennet / öffentlich außzulegen / den Knaben vñnd Machometanern / die er mit einẽ Glöcklin durch die Gassen versamlet / täglich den Catechismũ fürzuhalten / die zwytracht vñ feindschafftẽ durch vertrag hinzulegen / die verleümbdten Weiber auß dem Kot der Laster zuziehen / die Siechenhäuser zubesuchen / den Kran-

Kranken fleißig zudienen / vnd nit
 mehr dann drey stund der Khü züge-
 ben / er wäre dann durch die not der
 Kranckheit darzu getrungen. V-
 ber solliche seine so mancherley vnd
 stättige Geschäfte / fiel ihm auch zü
 ein grosse menig der Beichtenden /
 also daß er vnderweilen bey eines
 Kranken vnnnd sterbenden Mens-
 schē Böth gefessen / zumal den Kran-
 cken / in seinem letzten Streit / ge-
 tröstet / vnnnd deß andern gesunden
 Beicht mitten zugehört. Er ist auch
 etwan bey zweyen Monatē / indem /
 als man die Armada wider die Feind
 zübereitet / mit dem Beicht hören der
 Kriegßfleuthen dermassen vberladē
 gewesen / daß ihm vber ein stund zu
 schlaffen nit vberbliben / auch zu
 zeiten zwen ganze tåg / ohn einige
 Speiß verzert. Er hat auß sonderm
 grossen eiffer vnnnd liebe zu beschi-
 mung Christenliches Glaubens / gar
 wichtige vnnnd schwäre sachen vber-
 wunden. Der Nachometaner Ges-
 sang vnd Gottloß Geschrey / hat er

nit allein geschweigt/sond auch gang
 vnd gar auffgehebt / vnd wider me-
 niglicher hoffnung / auch ohn alle
 Auffrühr/auß dem Corano (dann al-
 so neñen die Inwohner den Tempel
 Machometis/welcher/wie man sagt/
 vnder allen zu Ormutz der herzlichest
 gewesen) geworffen/allein mit dem/
 daß er mit einẽ hauffen Knaben/die
 Psalmen gesungen/sechs Creutz im
 Corano auffgericht. Welches die
 Machometaner so gar erschrecket
 vñ Kleinmütig gemacht/daß sie von
 stundan den Tempel verlassen/vnd
 dauon geflohẽ. Da seind auch vil vn-
 glanbige/auß deß Teufels dienstbar-
 keit erlöset/ zur Christlichen freyheit
 gebracht worden. Vnder welchen ein
 Iogues oder Einsidler/dessen Rhüm
 seiner heiligkeit so groß gewesen/daß
 d̃ König zu Ormutz selbst das Was-
 ser/darinn er seine Füß gewaschen/
 auß vermeinter andacht gerrunckẽ.
 Er war auch inn der Warheit ein
 Mann eines fůrtrefflichen Ver-
 stands/vnd ist wol zuuermüen/daß
 er

er zum güten theil / durch etliche vns
gewöhnliche Gesicht / die ihm von
GOTT geoffenbaret / zum Christenli-
chen Glauben gezwungen worden
sey.

Es seind auch von ime Gasparn /
zwey Machometische Weiber / ein
Mutter vnd ihr Tochter / getaufft
worden / die eines vast edlen vnd für-
nehmen Herkommens / auß dem Zei-
dener Geschlecht / vnd Machomet's
Stammen geboren gewesen. Der
selbig Gaspar hat mit dem Opffer der
Weß einen Jüngling / der gar nahe
tod gewesen / widerum erquicket vnd
bey dem Leben erhalten. Auch hat
er ein Weib / welches ihrer vernunft
beraubet / vnd vom bösen Geist be-
sessen gewesen / als er das Euan-
gelium Ioannis auff ihren
Leib gelegt / er-
lediget

g iij

Von



Von Aethiopia, das ist / der schwarzen Moren Land.

Als Claudius der König Aethiopiae (der gleichwol seiner bekänntnuß od berümen nach ein Christ/aber doch als ein zwyspalziger von der Catholischen Herd abgesondert) zu Johanssen dem König in Portugal geschriben/ vnd sich darinn erkläret hat/er wolte gänglich widerumb zu der Schoß der heiligen allgemeinen Kirchen kommen/vnd sich in des Römischen Bischoffs gewalt ergeben: Begerend/ der König Johann wolte inn seinem Namen/ mit der Bapst. Meyl. der versönung halber handlen. Derselbig König Johann nam den Befelch an/ vnnnd erlanget erstlich vom Bapst Iulio dem dritten/wie er aber gleich in sollichem starb/ von Paulo dem viertē/ der im Bapsthum ihm nachgeuolget/daß etliche in seinem des Königs Johann

Johannsen Kosten / auß Europa in
Æthiopiam, mit Bapstlichem Be-
felch vnd Gewalt geschickt wurden.
Darzu ward Ioannes Nunecius auß
der Societet IESV, ein Mann bewä-
ter heiligkeit seines Lebens / verord-
net vnd zu einem Patriarchen Mo-
renlands gemacht / Der zog mit vil
Gesellen von Portugal auß / vmb dz
Jar CHRISTI 1556. vnd kam gleich-
wol gesund gen Goa, aber eh er sein
fürgenom̃ne Reiß vollbracht / schied
er daselbst auß diser Welt. Da ward
Andreas Ouiedus, auch auß der So-
cietet / ein Bischoff an sein statt ge-
ordnet / welchen Nunecius hienor mit
vier oder fünff Gefärten / von Goa
auß / in Morenland vorgeschickt hat.
Vnd wiewol sich der König daselbst
sonst nit vnzimlich gegen ihnen ge-
halten / so hat er doch dem König von
Portugal / seinen Glauben vñ Vers-
prechen mit nichten gehalten / Vnd
wird geachtet / d̃ HERR hab ine von
derselben seiner Trew löse wegen ge-
strafft. Dañ vber wenig tåg nach des

Andrea ankunfft/ist er von den Feinden vberwunden / vnnnd erschlagen worden. Darnach ist Adamas des Claudij Bruder/ein wilder vñ grausamer Mann / auch gar hefftiger Feind des Bapstlichen Stüls / vnnnd ein abgefallener vom Christenlichen Glaubē / zum König gemacht worden. Der hat den Patriarchen inn Gefängtnuß geworffen / vnnnd mehr dann ein halb Jar vbel gehalten / auch mit ihme gebunden im Krieg vnnnd Läger herum geschlaipffe. Des Andrea Gefärten / hat er auch schwächlich tractiert / vnd inen geströwet / sie lebendig zuuerbrennen. Aber seinen Vnderthanen / die er der Catholischen Warheit günstig sein geachtet / hat er manicherley Peinen angethan. Letztlich ist er von den Türcken (welliche diuiderespensstige Mozen vnnnd Rebellen selbst inn das Reich berüfft) mit grossem empfangnem Schaden geschlagen / vnd in die Flucht getrieben /

Auch

Auch die Gesellen / sampt dem Patri-
 archa von den Feinden (wie dann ih-
 nen hienor auch viermal in disen
 Kriegen begegnet was) gefangen/
 vnd grimmigklich geblündert wor-
 den/ Auch einmal von einem inn ihr
 Herberg eingeworffen Feyer / groß
 se gefahr bestanden. Inn sollichem ist
 dem Andrea nichts vberbliben / auch
 kein Kleyd / damit er sein Bischoffli-
 che Person erhalten oder zuertens-
 nen geben / vnd nit souil Wein (dann
 schier gar keine Weinrebē da gepflan-
 zt werden) dz sie darmit Wesslesen/
 ja auch nit souil Papier / daß einer
 nur ein Kleins Brieflein hette schrei-
 ben mögen. Das gibt ein Sendbrief
 zuertennen / den er Andreas dem Kö-
 nig von Portugal geschriben / auff ei-
 nem so kleinen Zettlein / das nit v-
 ber eines Fingers breit gewesen / wel-
 liches / wie abzunehmen / auß ei-
 nem alten Buch geschnitten wor-
 den. Gebachne Gersten allein was jr
 Speiß / vñ sie seind letztlich zu solcher
 Armüt

Armüt vnnnd Mängel aller dingen
kommen / daß sie zu erhaltung ihres
Lebens / vnd damit sie nit gar vnges-
chaffter sachen / auß dem Land zus-
gen / etlich Ossen vnd ein Pflüg be-
kommen / vnnnd das Erdrich mit ih-
ren eignen Händen gebawet haben.

Vnnnd ist dannoch in souil vnd so
grossen ihren erlitnen beschwerden /
nit gar kein nutz geschaffen worden.
Dannes seind zum wenigsten im an-
fang mit den gelerten / Disputation
vnd Gespräch von der Religion vnd
dem Glauben gehalten / viler Perso-
nen Beicht gehört / vnd gar vil zu der
Himmelischen Malzeit der Eucharis-
tie zugelassen worden. Ober solli-
ches haben sie vernommen von ei-
nem Abbt / der in grossem Ansehen
gewesen / vnnnd in derselben zeit den
Catholischen Glauben angenommen
hat / daß gar vil solches auch thun
wurden / so ein Portugalesisch Heer /
von dem sie Schutz vñ Schirm habē
möchten / inn dieselbig Landschaft
geschickt wurde. Aber auß den jün-
gern

gern zeitungen/ die auß Mozenland
kommen/ vernimbt man ein Hoff-
nung bessers vñ mehrers nutz/vñ das
Andreas, damit er solliche gůte geles-
genheit nit versaume/im fůrgenomi-
men hab/alle mittel zuuersůchen.

Es hat auch sein arbeitsam Ex-
empel vnd Beharlichkeit/vilen an-
dern ein vrsach vnd anleitung geben/
CHRISTO dem Herren gleiche dienst
zubeweisen/vnd bey ime damit was
verdienstlich außzurichten. Dañ es
seind der Portugaleser/ die auß India
inn Mozenland/ deß Andreæ wesen
vnnd wie es ihme gehe zuerkundia-
gen/ außgeschickt/ sech gehen von den
Tůrcken getůdt/vnd darnach andere
verwundt vnd gefangen/vnder wel-
lichen einer auß der Societet gewes-
sen/ mit namen Fulgentius Freries.
Dan den Grānigen Arabierlands/
in der Enge deß Rotēmeers/ von dē
Tůrckē vbergwaltiget/mit vil Wun-
den verlegt vnd mit Ketten gebun-
den / in ewige dienstbarkeit hinger-
fůhrt vnd auff die Galleen geschmi-

der

der worden. Wellichen doch hernach
seine Ordens genossen / auß gnaden
des Königs von Portugal / von den
Feinden wider gelöst haben / als er
in seiner Dienstbarkeit / sechs Chris-
ten gemacht / vnder welchen die drey
gleich als bald auß der Trübseligkeit
dieser Welt / in die Himmlische frewd
gefahren waren.



Von den Ländern Inham- ban vnd Manomotapa.

Consalvus Silueria auß Portugal /
ist mit zweyen seiner Gesellen /
im eingehenden 1560. Jar / nach
der Geburt CHRISTI, von Goa
außgezogē / in die Königreich / die ge-
nānt werden Inhambā vñ Manomo-
tapa, zwischen Sofala vnd Mozābico,
an eussersten Frontieren in Africa, an
dē grossen Vorgebürg / d̄z man neñet
Bonæ spei, gelegen / damit er denselben
Nationen das Euangelium verkün-
dte /

dete / welches sie hienor mangelhalb
der Prediger/nie recht erkennet. Diß
Land hat vberflüßig vil Gold / wiewol
es thewer kauft wirdt / von wegen
deß bösen / vngesunden vnd vergifften
Luffs der selben orten / vnd daß darinn
alles das / so zu Menschlichem
auffenthalt vnd gesundtheit dienstlich
/ gar schwerlich zubekommen ist / Reiß
vnd Psolen od Welsche Bonen / halten
sie auff iren Tischen / für ein köstliche
Speiß.

Sobald sie nun das Land Inhāban
angetroffen / seind sie in so schwere
Kranckheit gefallen / daß der Confal-
uus , wiewol er von Natur d stärkeſt
vnder ihnen gewesen (als ihme die
schärpffe d Augē hefftig geschwacht
vñ all seine Kräfte entzogen warē)
gar nahe gestorben wäre. Nach dem
es aber vmb sie besser zu werden an-
gefangē / seind sie in die Königliche
Stadt Tongen gezogen / vñ haben da-
selbst den König / sampt seinē Gema-
hel / Schwester / Kindern / Verwanden
/ vnd den Häuptern deß Reichs /
vnd

vnd letztlich auch gar nahe das gang
Voldt / innerhalb wenig tagen / mit
aller menigklichen frewd vnd frolo-
cken / mit dem heiligen Tauff gerei-
niget. Der König hat im Tauff an-
genommen den Namen Constanti-
nus, die Königin Catharina, vnd des
Königs Schwester Elisabetha.

Von dānen hat sich Consalvus be-
geben auff die Kaiß gen Manomota-
pa, vnnnd seine Gesellen bey dem Kö-
nig zu Inhamban gelassen. Well-
che gleich ein Kirchen inn der Ehr
der Himmelfarth der Jundckfrawen
MARIE zubawen verschaffet. Der
ein vnder ihnen / als er seines Leibs
Blödigkeit halb den vergiffte Lufft /
länger nit geduldē mögen / ist er wi-
derumb in Indiam zuziehen gezwun-
gen worden. Der ander aber / mit
Namē Andreas Fernandes, hat mehr
dann zwey Jar / wiewol er schon ei-
nes grossen Alters gewesen / in dem
selben ort gewohnet. Vnd dieweil nit
allein das Land vnglückhafftig vñ
vberauß vnfruchbar / sonder auch die
Inwoh-

Inwohner die man in ihrer Sprach
 Cafras nennet/ in sitten ein grob vnd
 gewulich Volck ist/ das auch gemei-
 niglich einige Straff oder Erma-
 nung nit leiden mag/ ist Andreas nit
 allein vilmas mit Kranckheit an-
 griffen/ vnnnd oft mit grossem Hun-
 ger geplagt worden/ sonder hat auch
 in vnderrichtung vnderbawung der
 Völcker/ vil schmach vnd betröwun-
 gen erlitten/ auch zu etlichen zeiten/
 grosse gefahr seines Lebens bestan-
 den / sonderlich aber an etlichen tå-
 gen / darauff die Cafra zu ihren spi-
 len vnd Gortlosen Festen gewaffnet
 zusammen kommen. Dann es sich
 einsmals begeben/ daß Andreas, als
 er erfahren/ daß der König auch zu
 sollichem Schauspiel kommen solt/
 sich auch dahin versüget/ vnnnd auß
 inbrünstiger Liebe gegen GOTT, ein
 tüne That begangen / der gestalt/
 daß er alle Rüstung zu ihrem aber-
 gläubigen dienst/ mit seinen eignen
 Händen zu boden geworffen / zer-
 h
 strewt

strewet / vnd mit Füßen zertritten.

Der König hat an solcher Handlung nit groß gefallen gehabt / wiewol er getaufft gewesen. Dannoch aber hat Andreas ihne damals dahin gebracht / daß er bekennet / der Will vnnnd Gewalt stehe an ihme nit / das es zu nutz vnnnd notturfft der Früchten / regne wann er wölle / (dann es in disen heißen Landen in Africa nimmer oder gar selten zuvil regnet) wie zuuor gemeiniglich glaubt wordē / welche meinung auch die König / würcklich vnnnd mit sonderm fleiß zuerhalten / im brauch gehabt / damit sie jnen das Volck / auff solliche weiß / desto gehorsamer vnnnd dienstbarer machten.

Wiler weil / als Andreas solchs gehandelt / ist Consalvus vber die Insel Mozambico auß gezogen / vnd sampt seinen Gefärten / welliche biß in die sechs Portugaleser gewesen / in einer kleinen Galeen / am Land hin gefahren /

ren/ Vnd wie sie zu dem Aufgang
 des Fluß Masutæ, neunzig Leuten
 von Mozambico kommen / ist ein
 so schnell vnnnd grausam Ungewit-
 ter entstanden / auch souil Was-
 sers in das Schiff kommen/ daß sie
 alle vermeinet/ es wäre schon gänz-
 lich auß mit ihnen. Als aber Consal-
 uo auff seine Knie gefallen / seine
 Händ vnd Augen gen Himmel auff-
 gehebt / vnnnd andächtiglich gebet-
 tet/ hat das Ungewitter nachgela-
 sen. Demnach als sie außgestigen/
 haben sie am Gestad des Meers des
 selben tags / der des heiligen Hiero-
 nymi Fest was/ ein Altar/ der sich zu-
 sammen legen laßt / zum Opffer der
 heiligen Meß auffgericht / vnnnd ist
 damals die Sonnen hiez so groß ge-
 wesen/ daß die Portugaleser/ wiewol
 sie Schüch angehabt / die Hiez des
 Erdrichs/ darauff sie getretet/ kaum
 erleiden mögen / vnnnd dem Con-
 saluo, dieweiler Meß gehaltē/ an allē
 seinē Leib Blätterlein auffgewüschet.

h ij

Vnd

Vnnd wiewoler dieselben/ mit Arzneyen/ die vorhanden gewesen / hette vertreiben mögen / hat er doch / mit seines eignen Leibs verfassung entzündet / die alle außgeschlagen / vnd sich allein der zeit vnd Natur zuheilen vertrauet.

Wie sie nun drey tag da bliben/vñ demnach bey stillem Meer wider fürgefahren / biß zum Fluß Colimane, seind sie daselbst abermals mit widerwertigē Wind gähling geplaget worden/vnnd haben im eingang deß Fluß grosse gefahr erlitten. Von dannen kommen sie zu Mingoaxane dem König zu Giloa, dem Freunde der Portugaleser / von welchem sie freundlich empfangen vnd reichlich tractiert / auch ihnen das Euangelium in seinem Land zuuertünden bewilliget worden/von wegen daß der König/ ob er gleich wol ein Nachometaner was / die Nachomerischen Bräuch vnd Aberglauben ring schätzet/vnd die Christenlich Lehr in seinem ganzen Königreich außzubreite

breiten hefftig begeret. Jedoch seind sie länger da nit verharret / von wegen daß sie zum König in Manomotapa geeilet / der Hoffnung / wann derselbig zu CHRISTO bekehrt wäre / wurden alsdann die andern umbliegenden König / die am Vermögen / Gewalt vnnnd Ansehen vil ringger dann er / leichtlich zum Christenlichen Glauben gebracht werden.

Von demselben ort ziehen sie gegē dē grossen Fluß Kuama, dreyßig Leuten von Sofala, da werden sie abermals mit einē gefährlichen Sturmwind / in den nechste Arm des Meers / Linde genant / getriben / da haben sie sich dreyzehn tag gehalten. Vnd ist nit weit vom selben ort / ein klein Schiff / daß von Mozambico auß / sie zubeleiten angefangen / des nechsten tags / nach dem es sich von ihnen abgesondert / vndergange. Als sie nun vom Meerarm Linde zu Fluß Kuama kommen / vnd am eingang desselben ein Weß gehalten worden / hat Consalvus von den Portugalesern sei-

nen Gefärtē / zwey ding begert. Das
erst / daß sie / dieweil sie jetzt am Ein-
gang des Lands Manomotapa wärē /
vnbeschwert sein wolten / den gan-
gē handel / darū er dahin geschickte
was / mit ihrem Gebett / GOTT dem
Herzen zubefelhen. Das ander / daß
sie ihme nit fürübel haben wolten /
wann er sich in der vbrigen gangen
Schiffahrt / ihrem Angesicht vnd iha-
rer Gemeinschaft ziehen wurde /
damit er dem Gebett obliegen möch-
te. Dann in sollichen wichtigen sa-
chen / wäre vonnöthen / GOTT für-
nemlich zuerbitten vnd auß seinem
Eingeben wolbedächlich zuhand-
len. Volgends laßt er in einem Win-
ckelein des Schiffs / darinn er sich
hielt / ein Fürhang vmb sich ziehen /
vnd ligt daselbst die ganze Wochen
verborgen / also daß er sich täglich
nit mehr dann einmal / allein mit ei-
ner Hand volgerösten Richern oder
weiß Aerbßen / vnnnd einem kleinen
Trunck frisches Wassers erquicket /
vnd was ihme an der zeit seines Ge-
betts

betts vberblib / verzeret er mit lesen
eines Büchs / darinn der lieben Hei-
ligen Leben beschrieben was.

Wie sie nun am achten Tag gen
Sena (welches nun ein groß Dorff vñ
ein end irer Schiffart was) kamen/
seind sie daselbst außgestigen / vnd hat
Consalvus ein Bortē zum König / in
den innern theil des Reichs geschic-
cket / vnd ine seiner Ankunfft berich-
tet. Wiler weil als er auff des Kö-
nigs Antwort gewartet / hat er etli-
che Christē Inwohner daselbst / nach-
dem er sie auff beschene Beicht von
ihren Sünden absoluiert / von dem
schnôden Gebrauch der Kefsweiber
abgewendt / vñnd sich in den heiligen
Ehestand zubegeben beredt / den
Catechismum öffentlich gelehrt / vnd
auß der Portugaleser Diener oder
Sclauen daselbst gar nahe biß in die
fünff hundert Personen getaufft.
Als er auch etliche mal zñ dem Kö-
nig zñ Inhamior, der dem König zñ
Manomotapa vnderworffen ist / drey
Weil vom Flecken Sena kommen /
h iij hat

hat er ihne mit seinen ermanungen dahin bewegt/daß er sich bekennt vñ vernemmen lassen / er wolte / sampt seinem Gemahel vñnd Kindern/deren er achte hat/gar gern ein Christ werden. Es hat aber Consaluuus, zum theil vmb deß willē/daß er niemands het/ den er ihne zu mehrer Christenlichs Glaubens vnderrichtung hinderliesse/ vñnd zum theil / daß er den König zu Manomotapa nit erzürnete / wann er seinem stewarten Vnderthanen / das Sacrament deß H. Tauffs eh mittheilte dann ihne/ die sach mit dem König zu Inhamior biß auff einandere zeit eingestellt / auch ihne getröstet/ wie er gemögt/ vñnd ermanet/ daß er durch hilff der gütigkeit GOTTES, in seinem güten vorhaben verharren wolte.

Wie jetzt der ander Monat verflossen/da kam Antoni Caiad ein Portugaleser / der in der Königl. Stadt Manomotapa wohnt / von dē König daselbst gesandt zum Cōsaluo, mit befelch/ihne gen Manomotapa

tapa zuführen. Conſaluus bindt ſein
 geweichte Kirchenzierd / ſampt dem
 Altarſtein vnd Kelch / in ein Bindel /
 nimbt ſie auff den Rucken vñ macht
 ſich auff den weg. Wann er zu den
 Waſſern kam / deren dann in diſem
 Land vil ſeind / trüg er die Bürde
 auff dem Kopff / oder hüb ſie mit den
 Händen vber ſich / vñnd watet hina
 durch / wann ihm ſchon das Waſ
 ſer biß an den Hals gieng / Do ers a
 ber nit erwarten möcht / legten ihne
 die Caſra in ein weit hülzgin Faß vnd
 zohen es alſo ſchwimmend hinüber.

Am heiligen Abend zu Weyhe
 nachten kamen ſie gen Chetuchi (iſt
 ein Dorff nit weit von Manomotapa)
 vñnd hielten dieſelbe nacht vnd vol
 genden tag / drey mal Meß / mit groſ
 ſer Frewd vñnd Luſt der Portugaleſ
 ſer. Als ſie den achten tag in d Stadt
 Manomotapa eingezogē / hat der Kö
 nig von ſtundan den Conſaluū, durch
 ein verordneten / mit Gaben / nem
 lich einer groſſen ſchwäre Golds /
 gar vil Rūhen vñ Knechten zu ſei

nen täglichen diensten besuchen lassen. Dann er hat schon zuuor von den Portugalesischē Kauffleuthen vernommen/ daß Consalvus nit allein in Tugend vñ Heiligkeit seines Lebens berümet/ sonder auch seines Adels/ Namens vñnd Herkömens/ ein fürsnehmer Mann wäre. Consalvus hat des Königs Gaben zunehmen verweigert/ jme darumb danck gesagt/ vñd geantwortet: Der König wurde vom Gesandten (sich selbst meinent) vernemen/ was Gattung von Gold vñnd was Reichthumb zusuchen/ er in dieselbe Land kommen wäre. Der König hat sich ab diser Antwort vñd Dapfferkeit des Gemüts verwundert/ vñd den Consaluum, als er hernach zu jhme kommen/ mit sollicher frewd vñd Ehribeweisung empfangen / als vorhin kein andern nie. Dann er jhne auch inn die innersten Gemäch (darein sonst niemands einigen Zugang) hinein geführt/ vñd neben seiner Mütter/ auff ein Teppich

sich niedersitzen geheissen. Auch hat er Antoni Caiaden, der vnder der Thür des Gemachs gestanden / zu Dolmetschen gebraucht / vnd den Consaluum angeends vier ding fragen lassen / wie vil Weiber / wie vil Golds / wie vil Erdrichs / vnd wie vil Ochsen (welliche / wie man sagt / von den Inwohnern / ringer nit dann dz Gold selbst geschätzt werden) er haben wolte. Als er aber geantwortet / er wünsche ime nichts anders / dann den König selbs / hat sich der König zum Dolmetschen kehrt vnd gesagt: Es ist fürwar vonnöthen / daß der / so deren dingen / die von andern so lieb vñ wert gehalten werden / nichts nimbt / anderen Menschen inn weiterm nit gleich sey. Doch hat er ihm nichts desto weniger zuletzt vil gutes versprochen / vñnd nach dem er ihme alle notturfft reichlich anerbotten / ihne mit gang freundtlichen Worten / in sein Herberg ziehen lassen.

Als

Als er nun am Morgen darnach/
 daselbst den Gottesdienst verricht/vñ
 ein gar schön & aller heiligste Juncf-
 frauen MARIA Bild/ daß er Consal-
 uus an einer Tafel gemalet/ mit ihm
 auß India gebracht/vnd auff ein Al-
 tar gesetzt hat/ haben es etliche auß
 den Fürsten des Lands/im fürüber-
 gehen durch die Thür hinein gesehen/
 vñnd als die durch die gestalt des
 Bilds betrogen waren/ zeigē sie dem
 König an/ Consaluuus hab gar ein
 schön Maidlin bey sich/vñnd erma-
 nen ihn/ daß ers von ihm begere.
 Solliches hat der König zu Ohren
 gefast/vñnd den nechsten einen zum
 Consaluo geschickt/vñnd ihm sagen
 lassen/ er habe gehört/ er habe ein
 Weib mit sich dahin gebracht/ der-
 halb sein begeren wäre/er wolt ihm
 die fürstellen. Bald kompt Cōsaluus
 vñnd bringt dem König die Tafel
 in köstlichen Kleydern eingewickelt.
 Damit er aber des Königs begierd
 desto mehr bewegte/ thut er zuvor/
 eh er die Tafel auffdeckt/ein vorred/
 daß

Daß das Gemäl daran / ein Bildniß sey der Mütter GOTTES, in diesem gebiet vnnnd gewalt seyen alle Keyser vnnnd König deß ganzen ombkreiß der Erden. Darnach entdeckt er die Tafel / in beysein deß Königs vnd seiner Mütter. Der König verehret das Bild vnd bittet den Consaluum ganz fleißig / daß er ihme die Tafel gebe / er wolte sie in seinem Gemach haben. Welches der Consaluum nit allein gern bewilliget / sond auch die selbs inn deß Königs Kamer auffstellt / auch als ein Capell vnnnd Berhaus / mit köstlichen Teppichen vñ fürhängen zieret. Die Portugaleser / die von dannen kommen seind / sagen / die Königin der Himlen / sey bey fünff Nächten hernach / eben in dergestalt / wie sie an d Tafel gemalt gewesen / mit Göttliche Licht umgeben vñ liebliche Schein glitzend / auch ganz herzlich vnd frölichem Angesicht / dem König im Schlauff erschienen / vñ sich zu ime gestellt. Ab welche sich d König als einer ime neuen vñ selzamen

selgamen sach größlich verwundert/
auch dieselb Morgens seiner Mütter
ter vnnnd den Portugalesern erzeh-
let / welche es auch gleich dem Con-
saluo gesagt haben.

Letztlich berüfft der König den
Consaluum, vnd sagt ime / es beküm-
mere ihne vbel / daß er der Königin
Sprach / die alle Nacht mit ime red-
te / nit verstunde. Consaluuus antwor-
tet ihme / dieweil diser Königin Red
ein Göttliche Sprach wäre / verstun-
de dieniemand / daß der ires Sohns
heiligen Befehl Gehorsam laistete.
Dann er wäre GOTT, vnd ein Erlö-
ser des ganzen Menschlichen Ge-
schlechts. Da der König das hörte /
gab er gleichwol nit mit Worten / aber
mit dem Angesicht vnd allem Anzei-
gen / zu erkennen / daß er ein Christ
werden wolte.

Über zwen tag hernach verkündet
er dem Consaluo durch Antoni Caia-
den, er vnd sein Mütter haben ihnen
fürgesetzt / den Christenlichen Glauben

ben anzunehmen / derhalb solt er auff das fürderlichst kommen / vnd sie rauffen. Doch hat den Consaluum für besser bedunckt / die sach noch etliche tag einzustellen / biß der König / in dem fürnembsten Puncten vnnnd Lehren des Christlichen Glaubens vnderricht wurde. Nach dem er nun vermeint / 8 König wäre jetzt gnüg vnderwisen / hat er ine / sampt seiner Mütter / auff den fünff vnd zwēzigsten tag vngefährlich / nach dem er dahin komen was / in einem zierliche Pracht vñ mit grossem Frolocken getaufft. Dem König ist der Name Sebastianus, vnnnd seiner Mütter der Name Maria auffgesetzt worden.

Desselben tags hat der König dem Cōsaluo, weil er kein Gold nemen wölle / hundert Ochsen geschickt / welche er de Antoni Caiaden geschickt / mit dem Beuelch / sie alle zumergē vnd stucksweiß vnder die Armen außzuthellē. Welche sein Trew vñ Freygebigkeit das Volck mit verwunderung vnnnd grossen

grossen wolgefallen gelobt vnnnd erhebt hat. Dem König seind bey den dreyhundert der fürnemsten Herren des Königreichs nachgefolget / vnd sich gleicher gestalt CHRISTO dem Herren ergeben. Dieselben seind schier nie von des Consalui Seiten gewichen. Ime seind auch vil Gaben gebracht worden / Als Milch / Ayer / Schmalz / Küglen / vnd andere dergleichen ding / wiewol er weder von demselben noch einigem anderm fleisch / nichts versücht / sonder lebt allein von wenigē gekochtem Hirß / auch Kräutern vnnnd wilden Früchten.

Als er jetzt ime selbst / mit bewarter heiligkeit seines Lebens vnnnd Wandels / auch eifriger begierd des Menschlichen Heils / bey hohen vnd niedersstands Personen / ein sollichen Namen vñ Gütwilligkeit gemacht / vñ in menigliche ein solliche Enderrung vnnnd bewegung der Gemüter erweckt hat / daß alles Volck sich anfieng zur Christenlichen Religion

zunaigen/ da ward durch eingebung
 deß bösen Geists/ ime Confaluo, von
 vier mächtigen/ listigen/ vnnnd dem
 König angenehmen Männern/
 die Machometaner vnnnd Zauberer
 waren/ nach dem Leben gestellt.
 Der Vrsächer sollicher Verzererey
 ist gewesen Minguames von Mozam-
 bica, ein Bischoff deß Machometanis-
 schen Aberglaubens/ oder/ wie sie
 ihne nennen/ ein Cacicius.

Dieselbigen zeigen dem König
 an/ zum theil durch sich selbs/ vnnnd
 zum theil durch einen darzu außer-
 lesen vnderbotten. Ihnen sey vast
 leid/ daß er sich selbs freywillig/ inn
 so grosse gefahr seines Lebens vnnnd
 Königreichs begeben habe. Der Cö-
 saluus, dem er sonil glaube vnd ehren
 bewets/ sey auß Befelch deß Vicere
 in India, vnd der Fürsten deß Lands
 Sophalæ, in diß Königreich kōmen/
 auff daß er deß Königs stand vnnnd
 wesen außspehe/ vnnnd die Gemüter
 deß gemeinen Volcks zum Abfall
 reize/ damit wann ein Auflauff be-
 i wegt

wegt werde/ sie mit einem feindlichen
Heer hernach volgen / vnd den Kö-
nig vndertrucken mögen. Darzu er-
dichten sie wunderbarliche Lugen/
der Consalvus sey der bösest vnnd ge-
schwindest Zauberer / den man fin-
den möge. Er habe manicherley
Künst vnd Zaubereyen mit ihme ge-
bracht/ die Gemüter der Inwohner
darmit einzunehmen / vnd den Kö-
nig vmbzubringen. Dann alle die/ so
ihnen das Haupt mit Wasser begieße-
sen lassen/ sonderlich aber wann der
Consalvus, die sondere von den Lan-
garern (also nennen sie die Portuga-
leser) darzu verordnete wort auß-
spreche / müssen von stundan thun
was er wölle/ es sey ihnen lieb oder
leid. Solliches sey auch anderstwo
beschehen/ vnnd darumb solte er der
König sich gar wol inn hüt halten/
vnnd sehen/ wo er hin gieng/ wem er
sich vnnd das sein vertrawete. Solte
er den Consaluum also lebendig hin-
ziehen lassen / wurd es dahin kom-
men/ daß die Landleuth/ vom Was-
ser

ser taub vnd vnfinnig/ erbärmlicher
 weiß zusammen lauffen/ vnd einan-
 dern wütende zu tod schlagē wurden.
 Mit disen vnnnd andern dergleichen
 Lugen/ haben sie den König wol be-
 laden / auch ihne / als ein jungen
 Herren/ vnnnd sein Mütter leichtlich
 dahin beredt / daß sie beschlossen/ ih-
 ne zu ehster gelegenheit / vmbbrin-
 gen zulassen.

Wie dise Rathschläg still / heims-
 lich vnnnd verborgen / auch noch nit
 außgebrochen waren / vnnnd Con-
 sal-
 uus zu Antoni Caiaden kam / sagt er
 zu ihme: Mir ist vnuerborgen / die
 zeit vorhanden sein / daß der König
 mich (wiewol nit vnwilligen noch
 vnberreiten) will tödten lassen. Die-
 se Red was dem Caiaden so vngläub-
 lich / daß er sie gänglich verlacher
 vnd verneinet. Nun was jetzt der
 Tag des Consalui Tods / oder vils
 mehr Lebens vorhanden / der was
 das Fest Susannæ der heiligen Junck-
 frauen vnnnd Martyrin / da begeg-

ret er vom Antoni mit fleiß / er solt ihm zwen oder drey Portugaleser / die er ihm nennet / von stundan berüffen / vnd sagt: Ich hab mir entschlossen fürgenommen / derselben vnnnd dein Beicht zuhören / vnnnd euch heutig tags / mit dem hochwürdigen Sacrament des Altars zuuorsehen / dann ich werd es hinfür nit mehr thun mögen.

Nach dem Consalvus sollicher abwesender vnd berüffter Personen / biß zu mittag gewartet / vnd sie nit kommen / hat er zwo für sie consecrierte Hostien genossen / vnd desselben tags bey funffzig Christen gemacht / auch Kleyder zu ihres Leibs notturfft / vnd Rosentrang zum Gebett vnder sie außgetheilt. Die Portugaleser aber / die erst zu Vesperzeit zu ihm kommen / hat er / nach dem sie sich durch das Sacrament der Beicht gereinigt (dann ihnen das Sacrament des Altars zugeben kandt jetzt nit mehr beschehen) mit

so frölichem Angesicht vnnnd vnbe-
 trübten Gemüt getröster vnd gester-
 cket / daß es zuuermunderen gewest /
 welliche doch nit gewüßt haben / was
 er verborgens in seinem Gemüt het.
 Denselben gibt er allen Zeug vnnnd
 Rüstung zum Gottesdienst gehö-
 rend / inn Antoni Caiaden Hauß zu
 tragen / vnnnd bleibt er inn seinem
 Chorock / mit der Bildnuß deß ge-
 creuzigten CHRISTI, in seiner
 Herberg. Als aber Caiadus wider zu
 ihme kam / erwischt er inehöflich bey
 der Brust / vnnnd sagt: Antoni, ich bin
 fürwar williger vnnnd lustiger in den
 Tod zu gehen / dan die Feind mir den
 selbē anzuthun / Dē König aber vñ
 seiner Mütter verzeihe ich gern / dan
 sie seind durch der Machometaner
 Betrug vnd List darzu bewegt wor-
 den. Wie er solliches mit vnentfärb-
 tem vnd frölichem Angesicht gesagt /
 ist Antoni von ihme gangen. Vnnnd
 wiewol er vermeint / es möge kaum
 sein / daß sich der König mit einem
 so bösen Laster beflecke / jedoch dies

weil er auß einer seiner Red / die er vnlang daruor von ihme gehört / sein Gemüt / wider sein Antonij hoffnung / erzürnet vnd verbittert befunden / hat er dieselbe Nacht / dem Consaluo zu seiner hüt / zwen Diener geschicket / von wellichen man die nachgeschribne ding vernommē hat. Nemlich:

Als Consaluus im Hof bey seiner Herberg lang in die Nacht hinein / mit schnellen tritten (als ob er begerte auß dem Rärcker seines Leibs erlediget zuwerden / vnnnd ihme der Verzug vil zu lang beduncfte) gespacieret / seine Augen immerdar gegem Himmel gerichtet / die Händ jetzt gen Himmel auffgehebt / jetzt Creutz weiß außgespannet / vnnnd darneben tieffe Seuffzen auß innerstem Hertzengelassen / sey er letztlich in sein Hütten gangen / vnnnd nachdem er vor dem Crucifix (welches allein ihme zu einē trost vberbliben was) sein Gebett verrichtet / hab

er

er sich auff ein Täggen oder deckin/
auff Kozen gemacht/nider gelegt/vñ
sey also in den Schlaf der Gerech-
ten gefallen. Sobald die Trabant-
ten/deren bey achten/vnnd die auff
ihne bestellt gewesen/solliches vnnd
daß er entschlaffen/ gesehen/ seyen
sie auß iren heimlichen Vertern her-
für gewünscht/ vnd eilends hinein ge-
fallen/ auch ein vnglaubiger Edel-
mann vnder ihnen/ mit Namen
Mocrumes, der oft mit dem Con-
saluo gessen vnnd truncken/ auff sein
des ligenden Consalui Brust gefessen/
damit er sich nit bewegē möcht. Vier
andere vnder ihnen/ haben ihne bey
den Armen vñ Schenckeln erwünscht
vnd vom Erdrich auffgehebt/ auch
zwen der vbrigen ihme ein Sail an
den Hals geworffen/ vnnd dasselbig
gegen einander so starck zůgezogen/
daß es ihme dem Consaluo, gar vil
Bluts auß Mund vnd Nasß getris-
ben/ vnd er zumal GOTT dem Her-
ren seinen Geist auffgeben.

Nach sollichem / als die Todschläger erstlich die Bildnuß C H R I S T I, mit iren Gottslästerlichen Händen / zerschlagen / haben sie demnach des ermorden Cörper / an einem Sail an gebunden vnnnd hinauß gezogen / in den fürlauffenden Fluß Monsengel- sem geworffen / damit (wie die Was chometaner erdichtet) der Cörper ei- nes sollichen Vbelthäters / wann er vnderm Lufft vnd heitern Himmel blibe ligen / die so er berürte / mit dem Litter seines Giffes / nit verunreine- te. Ein solches end hat des Consalui Gottselige Legation / Ampt vnd Bes- felch gehabt. Als nun er hindurch ge- wesen / hat der König / eben mit vor- riger Grümigkeit die fünffzig Chris- ten / die Consalvus an seinem letzten tag / dem H E R R E N wider geboren hat / erstlich der Gaben / die ihnen ihr Lehrmeister gegeben hat / berauben / vnnnd volgends gleich wie ihne / auch tödten lassen.

Wie aber solliches lautmår wor- den / haben sich die Fürsten vnd Her-
ren

ren des Lands/die man Encofes nen-
net/ auß grausamkeit der That be-
wegt/ verglichen/den König zu red-
gestellt/vnd gesagt: Wann dise Men-
schen darmit den Tod verschuldet/
daß sie ihnen den Consaluum Wasser
auff die Häupter giessen lassen / so
stehen wir all/ vnnnd ihr Herz König
selbst / in gleicher Straff vnd Pein/
daß wir alle eines sollichen Todes ster-
ben müssen. Ab sollicher Red hat des
Königs Grimm nachgelassen. Vnd
nach dem derselbig etwas ersessen/
kamen die Portugaleser vber zwen
tag hernach auch zu ime / zeigten ih-
me an/mit was großem vnnnd schwä-
rem Laster er sich verstrickt hab / vñ
stossen ime ein schrecken ein / daß nie
allein G O T T diß vnschuldigsten
Manns vnuerdienten Tod/mit ge-
büreder straff/sonder auch die Men-
schen desselben aller edlesten Manns
Wort / mit Krieg vnnnd Waffen re-
chen wurden.

Auff sollich ihr fürbringen / ent-
schuldiget sich der König mit fleiß/
i v warff

warff alle Schuld auff die / so es ihm gerathen vnnnd ihne darzu getrieben hetten / vnnnd erzeigt ein grossen Schmergen vnd Ahen der begangnen That. Vnnnd damit wort vnnnd werck vbereinstimbten / läst er zwen auß den vier Râthen von stundan vmbbringen / daß die andern zwen / deren einer Minguames der Râdls führer des verfluchten Rathschlags gewesen / als sie den Braten geschmecket / sich bey zeiten auß dem staub gemacht. Doch hat man vermeint / dieweil sie mit grossem fleiß gesucht waren / sie möchten diß so mächtigen Königs handen nit entrinnen.

Als man dise verloffne sachen in India erfahret / hat Antonius Quadrius der Societet Prouincial im selben Land allein auff gelegne zeit zuschiffen gewartet / damit er etliche von der Societet / dieweil es der Vicere mächtig gern gesehen hette / gen Manomotapa schicket / den gemachten anfang zuuolführen. Dann sie verhofften

hofften gänglich / sollicher anfang
wurde ein glück hafftigender erlangen/
dieweil das fundament derselben
Kirchen / mit so vnschuldigem vnd
reinem Blüt gelegt wäre.



Von der Stadt vnnnd dem Collegio zu Malaca.

In der Stadt Malaca (in die
man von Goa auß/ gegē Auff-
gang der Sonnen/ gar nahe
vier Monat zuschiffen hat) welliche
zwischen den Machometanern vnd
Heydē ligt (man sagt den Altē sey sie
gewesen vnd genehet worden Aurca
Chersonesus, das ist/ die Guldin halb
Insel) wirdt in des Königs von
Portugal Kosten / ein Collegium
diser Societet erhalten / welliches in
Vnderichtung der Jugend vnnnd
Ausbreitung des Euangelij, eben mit
denen Geschäften vnnnd Aemptern
beladen ist / wie die vorgemeldte.

Da

Da ist newlich (neben vnnnd vber vil andern getaufften) ein hochgeachteter vnglaubiger Mañ/ mit Namen Bandara, ein oberster Richter vnder den Heyden / bekehrt vnnnd getaufft worden. Derselbig hat vil der seinen / vnd darunder seinen Sohn / mit sich zum Tauff geführt / wellicher die Sum Chrißlicher Lehr / in kurzer zeit / gar wol vnnnd glücklich gelernet. Es ist auch voriger Jaren / ein vast gelehrter Jud / der von Rom biß da selbst hin kommen was / nach dem er / mit denen auß der Societet Iesv, von der Religion / vil disputieret vnd gezancket / bekehrt worden.



Von



Von Maluco oder Malu- lucker Land/ vnd dem Col- legio daselbst.

Die Malucēser Landschaft/ werden gar vil Insulen gezelet/ vnder welchen die/ so Ternate heisset/ auch ein groß Collegium hat/ auß welchem in alle andere derselbigen vmbliegenden Ländern Arbeiter in den Weingarten des HERRN außgesandt werden/ durch wellicher fleiß/ mühe vnnnd arbeit/ gar vil zum Christenlichen Glauben getreten seind. Vnder denselben ist der Insel Bazan Fürst oder König/ ein Tochtermann des Königs zu Maluco, welcher im Jahr nach der Geburt CHRISTI 1558. die Machometisch Sect verlassen/ vnnnd sampt seinem Brüder/dreyen Schwestern/ einer vnehlichen Tochter vnd derselben Mütter/ auch seinē Schwägern vnd Verwandten/ vnd dem ganzen Adel/

Adel/die Christlich Religion angenommen. Derselbig Fürst ist mit einem auß der Societet/inn die nechst umbligenden Insulen/selbs herum gefahren/vnd das Volck/Mann vñ Weiber allerley stands/auch Knecht vnd Mägt/in des Herrenetz getrieben/wellicher zwar vil ein grossere zahl gewesen/wann der auß der Societet nit in ein gefährliche Krankheit gefallen/vnd derhalben auß not widerumb gen Ternate, zweingig Leuten von dannen gezogen wäre.

Diser König was zur selben zeit bey fünff vnd zweingig Jaren alt/schön von Angesicht/auch hurtigem vñ ringem Leib/gantz berümbt vñ scheinbar. Wann er ein wenig weisser wäre/hette einer gesagt/er wäre vnser einer. Als der Tauff mit grosser seiner vñnd der seinen Frolockung verricht/hat vnser Priester ein wenig darnach Mess gehalten/darbey sie all mit so fleißiger auffmerckung

merckung gewesen/vnnd das hochwü-
rdig Sacrament / mit so grosser
Andacht vnnd Verehrung angebet-
tet / daß sie nit erst für Lehrlinger
im Glauben hettē geachtet wer-
den mögen. Es ist auch von stunda
an Nachomets Tempel daselbst zerr-
rissen worden. Als man solliche
ding in der Stadt Maluco vernom-
men / hat es den Portugalesern vnd
andern Christē / ein grosse Frewd ge-
macht / die sie mit einem Creutzgang
vnnd gemeinen Gebett / auch Abs-
schießung des grossen Geschütz erzei-
get. Dargegen aber haben dieselben
ding den Nachometanern / ein sol-
lichen Kummer vnnd Schmerzen
gebracht / daß sie von stunda der
Christen Schloß zu Ternate, bele-
gert vnnd zustürmen angeloffen / a-
ber vergeblich. Dann es habē sich
nit allein die Portugaleser / die da-
selbst in der Besatzung gelegen / dapf-
fer gewehrt / sonder ist ihnen der Kö-
nig zu Bazan (der inn solchem seines
Schwehers nit verschont / noch seinē
Zorn

Zorn geförchtet) mehr dann einmal zu hilff kommen.

Umb das Jar 1561. hat derselbig König den Christen zu Amboino, wider die Machometaner / auch hilff gethan / darinn ihme GOTT grosse Gnad bewisen. Dann als er allein mit sechs Caracoris (das ist/ ein Gattung der Schiffe) außgefahren/ deß vorhabens / ein Stadt der Feinden einzunehmen / wäre er gar nahe listigklich von dē Machometanern / die mit vierzig Caracoris auß einem heimlichen Halt / auch daselbst hinkommen / vberherschet wordē. Doch ist er ohn Schaden / ausserhalb gar weniger / die er verlorē / darvon kommen. In disem Zug hat er einen auß der Societet bey ime gehabt / der im selben Streit / mit einem Büchsen schus an ein Arm verletzet vnd verwundet worden.

Über dise seind hernach zu vnderchiedlichen zeiten / auß den Fürsten diser Landen / die nachgenannte zu CHRISTO befehrt worden / Nämlich
Elisabetha

Elisabetha der Königen von Maluco
vnnnd Tidore Schwester / ein flüge
fraw / die des Machometischen Ge-
sages / vnder allen denen / die in dens
selben Machometischē Insulen woh-
nen / die erfarneste Person gewesen /
auch von weilandt Francisco Xauier,
mit disputieren vberwunden / vnnnd
im Christenlichen Glauben dermaß-
sen gesterckt worden / daß sie andern
mit ihrem Exempel / zu Tugend vnd
gebürender Pflicht / vorgangen. I-
tem ihre Söhn vnd sechs Blutsuero-
wandte des Königs von Tidore, vnn-
der wellichen einer ein Landherr /
der bey dem König in grossem Ge-
walt vnd Ansehen ist / vnd im Tido-
rischen Krieg wider die Portugales-
ser / das Heer geführt hat. Vñ wurde
darfür gehalten / daß derselbig inn
kurzem / den König von Tidore
selbst / auch zur Kirchen bringē wer-
de. Zu disen ist auch getretten / mit
grosser frewd vnd Wollust des Ge-
müts / der König der Insulen Sele-
bum, vnnnd vil auß den Fürsten seines
Reichs.

Reichs. Dergleichen die König der
 Manadier (welches Volck/ vor an-
 deren desselben ganzen Lands/
 für streitbar vnd dapffer gehalten
 wirdt) vnd der Sianer/ item des Kö-
 nigs zu Bengaia Sohn/ vnd gar nahe
 der ganz Cauripanisch Adel. So
 laufft auch die vbrig mege des Vol-
 ckes allenthalben so hauffig zu/ dz sie
 auffeinander tringē/ vnd mit solchē
 eiffer zum Tauffeile/ daß es dem Di-
 daco Magalianio, auß der Societet/
 dieselbē Insulen durchwandlet/ wann
 er zu Land absteigt/ mit wunderbara-
 licher fröligkeit/ hauffenweiß auß dē
 Städte entgegē zeucht/ vñ vmb den
 Tauff/ für sich vñ ire Kind/ bittlich
 vñ ernstlich anhaltet. Welchem irem
 Gottseligē begeren/ nit gnüg besche-
 hē mag/ zum theil von wegen kleiner
 Anzahl der Arbeiter/ vnd zum theil
 der anstossendē Nachometaner vn-
 gestümmigkeit/ gewalt vnd nachstel-
 lung/ die den anfang Christenlicher
 Religion mit allem vermögen zu-
 nerhindern sich vnderstehen.

Alphon-

Alphösus Castrius ein Portugaleser auß der Societet/ hat inn denselben Landen / als er jetzt dz eilffte Jar der Prouing/ mit grosser vñ schwerer Arbeit in seinem Ampt/ vorgestanden/ von den Machometanern/ vmb des Namens CHRISTI willen/ ein ehrlichen Tod erlitten/ im Jar nach der Geburt CHRISTI 1558. Dañ als zur selbigen zeit der Tyrann zu Maluco, der Christen grausamster feind/ Ternate beläget/ da sein Vatter von den Portugalesern gefangen/ in verwarung gehalten ward/ vnd Alphonfus auß den Insulen Mauri, in die Insel Iris, die gar nahe bey Ternate ligt/ zuschiffen begert/ haben ime erstlich die Machometischen Schiffleuth / dem Tyrannen zugefallen/ alle seine Kleider außgezogen/ darnach Händ vnd Fuß mit einem dicken Sail zusammen gebunden. Vnd als er fünff tag also gebunden im Schiff grimmig/ Elich gehalten/ auch ime hernach ein gar schwerer Klotz von einem grünen Baum/ wie ein joch / an seinen

E ij Hals

Hals gebunden worden/haben sie ih-
 ne volgends nackend auff's Land
 gesetzt / vnd ihme nichts angelassen/
 dann allein ein kleins Tüchlin vmb
 die Lenden gebunden / vnd ihne also
 bey tag vnnnd bey nacht / vnder dem
 hellen Himmel gelassen / wiewol er
 sonst von Natur schwach / vnd die
 beschwerlichkeiten des Himmels oder
 Luffts / wie gering auch dieselben
 etwa gewesen / nit wol gedulden mö-
 gen. Nach dem er nun also dreysig
 tag lang / mit grosser Warter vnnnd
 Peinigung seines Leibs / auch schier
 ohn alle Speiß / daselbst gehalten
 worden / vnnnd die Machometaner
 vermeinet / er köndte nit mehr lebens-
 dig erhalten werden / haben sie ihnen
 fürgesetzt / ihme das Leben zunem-
 men / damit er seines natürlichen
 Todes nit stirbe. Vnd nach dem sie
 ihne mit auff den Rücken zusamen
 gebundenen Händē / etwa lang durch
 rauhe schrofen geführt / auch sich setzt
 das end seines Lebens genähert / ist
 er mit dem Holz / daß er am Hals
 han-

hangend tragen müssen / selbs wil-
 liglich nider gefallen / vnnnd daselbst
 von den Wachometanern / mit ei-
 nē Schwert erstochen worden. Sein
 Leib / den sie ins Meer geworffen /
 ist am dritten tag hernach / eben an
 dem ort / da sie jne hinein geworffen /
 mit vngewöhnlichem Glantz schei-
 nend / vnd mit so frischen Wunden /
 als wann er sie erst empfangen hette /
 gefunden worden. Welliches desto
 mehr zuuerwundern gewesen / daß
 die vngestümme / auch das an vnnnd
 ablauffen des Meers am selben ort /
 so groß ist / vnnnd alles so behend mit
 ihme hinweg führet / als der schnellste
 Fluß / den man finden mag.

Diß Mañs Tod hat auch den vn-
 glaubigen Königen leid gebracht /
 Dañ sein Nam ist bey meniglichem
 in grossem ansehen vñ verwunderūg
 gewesen. Man sagt / der Wachome-
 risch König zu Geiloli, wiewol er ein
 grosser Feind der Christen sey / hab er
 doch / wie er von diß Alphonßi Tod vñ
 Dapfferkeit seines Gemüts mit ehr-
 E in lichen

lichen wortē geredt/ zu denen/die bey
 ime gewesen/vnder anderm gesagt:
 Was haben vnserē Cacicij an jnen/
 das disem Mann gleich sey? Es hat
 aber der HERR disen vnschuldigen
 Tod/auch in diser zeit vngerochē nit
 gelassen/Dann der Hauptmañ vnd
 die Amptleuth der Insel Iris, haben
 warhafftiglich erfahren/ daß sie all
 in wenig tagen/nit allein die Wö-
 der/sonder auch derselben Verwān-
 ten/durch manicherley erbärmliche
 weiß des Todes vntömen seyn. Dañ
 etlichen seind an ihrem ganzen Leib
 scheugliche Blattern auffgewischt/
 dermassen das sie allgemach gar ge-
 schundē/jāmerlich heulend von dem
 Brand verzert/etlich im Krieg durch
 dz Geschütz zerfäget wordē/vnd hat
 der/so den Kelch/den sie dem Alphōlo
 genommen/verkauft/durch grosse
 wunderbarliche Geschwulst seiner
 Glider sein Leben geender. Die all
 haben leßlich / wie man sagt / ihre
 Händ gen Himel auffgehebt/vñ die
 Götlich hilff demütig angerufft.

Von



Von der Landschaft

Mauri.

Schätzig Leuten vber Ternate hinauß / sieht man die Landschaft Mauri, die inn zween theil vnderchieden ist. Der ein theil ligt im vesten Land / heißt Morotia, vnnnd begreiffet acht Flecken der Christen. Der ander wirdt genant Morotai, vnd begreiffet zwo Insulen / In der einen vnd Kleinern / hat man im Jar nach der Geburt CHRISTI 1552. drey / vnnnd in der andern vnd größern / achtzehē Dörffer von Christen bewohnt gefunden / vnnnd war damals die zahl aller Christen im selben Land / bey fünff vnnnd dreyßig tausent Menschen / welche von derselbē zeit her gar hefftig gemehret worden. Dañ man sagt / das im Jar 1563. der Christen Dörffer sechs vñ dreyßig / vñ darunder etliche so groß / daß sie gar nahe biß in die acht hundert

E iij

Hofftete

Hofftett habē/aber hernach im 1566. Jar / bey sibē vnd vierzig gewesen seyen/die keinen andern Pfarzherren noch Lehrmeister haben / dann auß der Societet/die da ihren fleiß vnn̄d geschickligkeit / nit ohn grosse vnn̄d stätige Arbeit / auch gefahr vnn̄d in höchster Armüt / vben vnn̄d brauchen.



Von der Insel Amboino.

Die Malucker Landschafft/ gehört auch das Land Amboino, wie auch Mauri, Es ligt von Ternate achtzig / vnn̄d von Malaca (dann vnder den Maluckischen Inseln / ist Amboino die erst / in welche die so von Malaca außfarē ankōmen) vierthalb hundert Leuten. In derselben Insel / waren im Jar 1545. (in wellichem Franciscus Xauier dahin kōmen) nit mehr dann sibē Dörffer der Christen. Hernach aber

aber hat der Societet fleiß vnnd arbeit so vil außgericht/das im 1562. Jar/derselben Dörffer mehr dann dreyßig / vnd des folgenden 1563. Jars/der Christen mehr dann zehen tausent gezehlet worden. Zur selben zeit haben sich die auß der Societet gerüstet auff ein Reiß / zu zweyen Städten desselben Lands zuziehen/ derselben Inwohner / die auff vierzig tausent geachtet werden/zutausen. Die eine heist Lucebata, wellicher Obersten / sie schon hievor getaufft hetten/damit dieselben die vbrigen/ in ihrem güten fürsaz/stärckten vnd erhielten.

In derselben Insel / ist auch ein grosse Stadt der Machometaner/ Recaniue genant/Die seind von Machomets Glauben/zu der Christenlichen Religion bekehrt / vnnd neben andern/sonderlich auch von diesem Laster abgezogen worden / daß ein jeder / der es am Güt vermöcht/ vil Ehe weiber hat. Dann es war in der Insel Amboino, ein alter brauch/die

• Mäidlin mit bezahlung eines Hey-
 ratgüts/ von ihren Eltern/ zu Wei-
 bern/ auffzukauffen. Dieweil aber
 dasselbig nit vil vermöchten/ volget
 darauff ein zwifacher Schad/nemb-
 lich daß sich die Reichen durch Gail-
 heit/mit vilfältiger Ehe vermischte/
 vnnnd müßten die Armen einweders
 vnuerheyrat bleiben/ oder allein die
 zu Ehe nemmen/so die Reichen nit
 wolten. Diser Brauch ist mit dapffe-
 rer hilff der Armen/ wiewol sich die
 Mächtighen vnnnd Reichen hefftig
 widersetzt / doch lestlich durch
 die Societet/nit ohn grossen
 zand/ auffgehebt
 worden.





Von den Ländern Solo- Macazar vnd andern.

Das groß Land Macazar, lige drey hundert Leucken von Malaca, vnd begreiffet auch so vil Weil oder weite inn seinem vmb- kreiß/ ist ein gar güt vnnd fruchtbare Erdrich / das Gold vnnd Sandel erget/ auch ein wol schmeckend Holz/ Aquilanium genant / vnd die farb/ die man gemeinglich Lacre nehet/ die nit allein zum malen sonder auch zum versigle gar treffenlich güet ist. Dañ sie haßtet an d' Watern/ darauff sie kömet/ so starck/ dz sie durch keine weg mehr darauß gebracht / noch hinweggewaschẽ werden mag. In disem Land find man auch vil Sclauẽ zu kauffen/ vñ in suma ist es vberflüssig an allen dingen deren man bedarff. Von dañen fahrt man jñerhalb acht tagẽ gen Maluco, vñ vast in vier tagẽ gen Amboino. Der erst d' sich in disem Land

Land / sampt seinem Gemahel vnd
 Kindern / auch anderen gar vilen/
 öffentlich zu CHRISTO befehrt hat/ist
 gewesen der Supaner König / ein
 Tochterman eines vber auß reichen
 Herren vnnnd Fürsten / der im Mit-
 telgeländ desselben Lands / vnnnd in
 einer gar grossen vnnnd herrlichen
 Stadt wohnet / genant Sedenrem.
 Dieselb ist inn der ebne gelegen / auch
 mit fleisch / fischen vñ fruchten wol
 versehē. Zunechst darā ligt ein See/
 d mit Schiffen / auch hin vñ wißfar-
 re / vil gebraucht wirdt / vnd mit rei-
 chē Städten ringsweiß vñgeben ist/
 er hat in der länge zweinzig / vñ in d
 breite bey fünff Meilen / ist voll fis-
 chen von manicherley Gattungen/
 vnd rinnet darauff ein fluß / welcher
 nach dem er seinen Lauff durch das
 Mittelgeländ / bey dreyßig tagraisen
 volbringt / fallt er ins Meer bey ei-
 ner Stadt / genant Maluum / Die selb
 big Meergräniz wirdt / wie man
 sagt / von einem gar mächtigen Kö-
 nig beherschet / welcher der Portu-
 gales

galeſer Freundschaft hefftig begeret.

Daſelbſt iſt ein ander Land eben diſes Namens / doch heiſt man es auch dz vnd Macazar. Daſſelbig hat ein König gehabt / der mit vil andern ein Chriſt geweſen. Als der nun geſtorben / iſt ihme ſein vnglaubiger Brüder / im Regimēt nachgeuolget / doch ſagt man / er ſampt allen den ſeinen / wöllē Chriſten werden. Nahe bey demſelben wohnet ein anderer König / der ein Chriſt vnd ihme verwandte / auch Lehrer deß Euangelij bey ſich zuhaben gang begierig iſt. Darzu ſeind diſe Völcker gar nahe alle / auß allerley vrsachen / fürnemlich aber auß einem wunderzeichen / das ihnen new geweſen / bewegt worden / Nemlich als Franciſcus Nunnes, ein Portugaleſiſcher Schiffberz / in diſe Land kommen / vnd an ſeinen Gliedern dermaſſen erlahmet geweſen / daß er anderſt nit / dan an zweyen Krucken gehen küñen / iſt er durch anruffung vnd hilff GOTTES, gähling

ling gesund vnnnd gerad worden/der wegen er ein Creutz am selbigen ort/auffgericht/vnnnd zu gedächtnuß der dingen/die Krucken daran gehencke hat.

Solor aber strecke sich acht grad vñ drey viertheil gegen Mittag / ligt auch dreyhundert Leucken von Malaca, vnnnd ist ein gesund Land / hat auch vil Städte daselbst herumb/vnd gar vil Christen/welche von den Portugalesischen Kauffleuthen/die dahin kommen/gemacht werden.

Als vmb das Jar CHRISTI 1559. ein Portugaleser von Kauffmanschafft wegen dahin kommen/hat er den König/sampt seinem Gemahel vnd den Landherren getaufft/vnnnd ist bald darauff gestorben. Wie aber der König etliche auß der Societet/durch Brief zu sich berufft/vnd verstanden/daß mangels halb der Personen / keiner zu ihm kommen mögen / hat er seines Bründers Sohn/der allbereit erwöhlter König was/gen Malaca, zu dem Rector der Societet

citet Collegij daselbst geschickte / mit
befehl/dieweil er ihme keine Lehrer/
ihne vnd sein Volck im Glauben zu
vnderrichten/schicken möchte/so sol-
te er doch ihme zum wenigsten disen
seinen Erben / nach dem er im Col-
legio in den Gebotten Christenlicher
Lehr vnd Glaubens wol vnderricht
wurde / wider heim schicken / damit
er das Ampt eines Lehrers/bey den
selben Völkern / versehen möchte.
Demselben ist der Nam Laurentius
im Tauff gegeben worden / vnd die-
weil er eines fürtrefflichen Ver-
stands war / hat er die Gebett vnnnd
den Catechismum in kurzer zeit ge-
lernet.

Die Machometisch Sect/hat sich
auch newlich in derselben Insel ein-
geslickt. Dann im Jar nach der Ge-
burt CHRISTI 1559. waren auß
den Städten Calicut vnnnd Bengala,
drey oder vier Cacicij dahin komen/
die hetten daselbst ein Meschita, das
ist / ein Machometischen Tempel/
zuhaben angefangen / vnd schon vil
der

der groben vnuerständigen Leuthē/
mit dem Greuel ires Aberglaubens
vergiftet/dieweil keine Christē ver-
handen waren/die den Irrenden den
rechten weg deß Heils vñ der War-
heit zeigten/jedoch haben die auß der
Societet / so zu Malaca, mit grosser
Arbeit so vil gethan / daß der oberst
Cacicius, von dannen in Indiam ver-
triben worden.

Gegen Solor vber/bey drey Weis-
len/sihet man ein gar grosse vnd vast
wolbewohnete Insel / vnd ligen an-
dere mehr nahe darbey. Inn dersel-
ben haben sie gar keinen GOTT ver-
ehret/da waren keine Tempel vberal/
derhalbē die Christlich Religion / als
sie hinein gebracht/so begierig ange-
nommen worden / daß sich der König
mit allen seinen Landherren vnd O-
bersten / sampt noch andern zwey
hundertten / inn der Königlichen
Stadt Labonama tauffen lassen/
Auch hefftig vmb Pfarherren vnd
Prediger angehalten / damit die v-
brige wenig deß gemeinen Volcks/
von

von ihnen auch vnderricht vnnd ge-
taufft werde.

Es haben auch die Inwohner der
Insel Timor, die etwas minder dann
vierzig Leuten von Solor ligt / gar
kein Religion noch einigen Glau-
ben / Dann das Volck derselben Ge-
gend ist vber die massen grob vnnd
vngelehrt. Denen die von Malaca in
die Insulen Solor vnnd Timor fah-
ren / begegnet ein Königreich im
Land Iaa, genant Panaruca, darinn
seind die Leuth durchauß vnglau-
big vnnd wild / vnnd haben von den
Machometanern (die sie zu ihrer
verfluchten Sect zuzwingen vnder-
stehen) vil Kriegerlitten. Aber ih-
nen bißher allweg mit starckem Ge-
müt widerstanden. Dieselben erzei-
gen sich gegen den Portugalesern gar
freundtlich / vnnd bekennen offent-
lich / sie wöllen kein andere Religi-
on / dann die Christenlich / vnnd das
Euangelisch Gesatz annehmen. Es
ist fürwar nit gnügsam außzuspre-
chen

chen wie durstig dise Völcker alle
 seyen nach dem Christenliche Glaus
 ben / doch die Nachometaner vast
 alle außgenommen. Die in Cambaia
 (welliches ein weit vñ berümbt Kö
 nigreich ist) deren gar vil von ei
 nem Prediger Mönich / der ein zeit
 lang bey ihnen gewesen / getaufft
 worden / hören nit auff Euangeli
 sche Kirchendiener zubegeren. Le
 ben denselben willen / bitt vnnd bes
 geren / haben vnnd treiben die Ma
 cazarener / Amboiner / Marotia
 ner / Morotaiener / Bazaner / Pa
 puaner / Bengaiener / Selebianer /
 Sianer / Cauripanenser / Bolaner /
 Manadier / Tidoriner / vnnd vast
 alle Malucker durch auß / auch Ma
 nomotapaner / Inhamioriner / Gi
 loaner / Ethiopier oder Mosen / Zey
 laner / Trauancoriner / vnd vil an
 dere Nationen vnnd Länder / die
 noch nit wol bekant vnnd erkun
 diget seind.

Man sagt / es sey ein Insel / bey
 zwey

zwey hundert Leuten gegen Amboino vber gelegen / in wellicher die Portugaleser / als sie daselbst die Schiff mit süßem Wasser zuuersesehen / abgestanden / schier mit gewalt von den Inwohnern auffgehalten / vnd daß sie dasselbigmal / ihrer biß in vier tausent / vnnd ein andermal hernach / bey zwey tausent Menschen zutaußen gezwungen worden. Demnach seynd sie von dannen gefaren / vnd (das doch hoch zuerbar men ist) ihnen allein ein Creutz auffgericht / aber einigen Lehrer nit hinderlassen könden. Wie auch die vorgenannte Völcker sich in annemung des Christenlichen Glaubens willig vnd frölich erzeigen / also werden sie auch mehrers theils / in vbung vnd erhaltung desselbigen / nit träg oder schwach befunden.

Vil die vnder jnen Franck / vñ sonderlich die vom Fieber geplaget werden / lauffen eilends in die Kirchen vñ trincken vom geweihten Wasser (des
l ij sen

sen inen von denen auß der Societet
 souil geweihet wirdt / daß sie daran
 nimmer Mangel haben / darvon sie
 von stundan gesund werden. Eben
 derselbigen Arzney vnnd bewärter
 Krafft des geweiheten Wassers / ge-
 brauchen sich die Diuarenser / wider
 die Biß der vergifften Schlangen.
 Ein newer Christ von Bazan, als sei-
 ne zwen Söhn gleich nach empfans-
 genem Tauff / in ein gar schwär Fie-
 ber gefallen / ist sampt seinem Weib /
 zum Priester auß der Societet kom-
 men / ihme solliches zuuerweisen.
 Als der Priester des Teufels Bos-
 heit erkennet / fraget er sie / ob sie ver-
 meineten / daß ihre Kinder / von we-
 gen daß sie den Christenlichen Glau-
 ben angenommen / in die gefahr kom-
 men wären. Wie sie ja geantwortet /
 hat er sie geheissen den krancken Kin-
 dern ein wenig geweihet Wasser zu
 trincken geben / so wurden sie bald
 gesund werden. Sollich versprechen
 hat auch nit gefählet / dann so bald
 sie

sie das Wasser getruncken/hat es ihnen gleich in derselben stund das Fieber vertriben/ vnnnd seynd beyde Söhn / mit grossem Frolocken der Eltern vnd frewd des Priesters / gesund auffgestanden. Dergleichen sachen begeben sich in denselbē Landen oft vnd vil.

Disß ding hat auch das Ariuenser Volck/welliches newlich von seinem Vnglauben bekehrt worden / in vnser Religion hefftig gesterckt / daß ihre Kinder zuuor / von tödlichen Blätterlin/die ihnen auffgewüschet/ gemeinglich gestorben: Nach dem aber der Christenlich Glaub bey ihnen eingeführt/ haben sie mit grosser Verwunderung befunden / daß die gewulich sucht nachgelassen vnd gestillet worden.

Als die in der Insel Amboino, auff ein zeit ein langwirrige schädliche Trückne des Erdrüchs erlitten/ haben etliche Weiber/ vnnnd newe

I iij Christen/

Christen / ein ältere Christenliche
 Frawen angesprochen vñ gefraget/
 wie sie GOTT den Herren mit Gebett
 versöhnen / vñ ein heilsamen Regen
 begeren sollen. Nun stund ein Creutz
 am gestad des Meers / welliches von
 Francisco Xauier gesetzt worden / zu
 demselben führet die Fraw die newe
 Christen / Sie zieren das Creutz mit
 grünen Aesten / keren den Boden
 sauber mit einem Besen / knien alle
 nider / vñnd sprechen: O HERR, der
 du zum besten weißt / wellicher din-
 gen die Menschen / die du selbst mit
 deinem Tod vñnd Marter erlöst
 hast / bedörffen / gib vns Wasser/
 dann wir seind Christen. Was auff
 solliches ihr Gebett geuolget / ist ein
 wunder zusagen. Wiewol damals
 der Himmel hell gewesen / haben
 sich doch die Wolcken in einem au-
 genblick zusammen gezogen / vñnd
 gar schnell ein so starcken Regen
 außgossen / daß dieselbe Newglau-
 bige inn der Christenlichen Religio-
 on/

on / mächtig gestärckt / nit auffge-
 hört haben / die Macht GOTTES zu
 loben. Sie haben auch ein hauffen
 Weiber versamlet / vnd ihren Ab-
 gott / von dem sie vnlang hienor / als
 wann er wahrer GOTT gewesen wä-
 re / vmb Regen bittlich anzuhalten
 gewohnt waren / auß dem Tempel
 gestürzt / mit vil lästerlichen vnd
 schwächlichen Worten / hinauß ge-
 schlaipfft / vnd leestlich mit gemei-
 nem Rath / in das fürfließend Was-
 ser geworffen.

Als die von der Societet inn
 einem Dorff desselben Lands / ein
 Kirchen auffgericht / vnd die
 Nachometaner solliches erfahren/
 entbieten sie alsbald den Inwoh-
 nern / sie haben inen fürgenommen/
 die Kirchen / die sie bey ihnen gebaw-
 et / zuverbrennen / ob es gleichwol
 nit ohn ihren eignen schaden vnd
 gefahr beschehen solt / vnd lassen
 darauff ein erdicht Geschrey einer
 Kriegßrüstunge außgehen. Wie

l iij. nun

nun dasselbige den Christen für-
 kommen/ setzen sie ihnen selbst gän-
 zlich für / die Kirchen mit ihren ei-
 gen Leiben zubeschirmen/ vnd das
 selbig mit solchem eyfer/ daß auch die
 jungen Knaben vnd Maidlin/ mit
 gemeinem Rath/ ein grossen hauffen
 Stein/ zum werffen zugebrauchen/
 die Knaben an ein eigen vñ die Mai-
 dlin auch an ein besonders vnd be-
 quemliches ort / zusammen getragen.
 Doch seind sie solcher gefahr / als die
 Machometaner ihr fürnehmen ge-
 ändert/ erlediget worden.

Es ist im selben Land ein Dorff/
 genant Vlate, welches von wegen
 das es den Machometanern vn-
 der Gesicht ligt/ vnd bey dreyhun-
 dert streibarar Mannen hat/ schier
 ohn vnderlaß mit ihnen kriegen
 muß. Einer auß der Societet / der
 drey Monat bey ihnen gewohnet/
 sagt / daß sie dieselbige ganze zeit/
 täglich vñd gemeinglich / durch

GOT-

GOTTES Genad/ vnd ihr Gottes
 fürchtigs Leben/ glücklich mit dem
 Feindt gestritten haben. Dann als
 die Männer zum Streit außgezo-
 gen / seind die Kinder auch offters
 mals für sich selbst vnnnd ohn allen
 Befelch/ zu dem daselbst auffgerich-
 ten Crucifix / andächtiglich gezo-
 gen vnnnd niderkniet / haben an
 ihr Brust geschlagen/ihre Händ gen
 Himmel auffgehebt/vnd GOTT vmb
 Barmhertzigkeit angerufft / dar-
 under auch Kinder gewesen / die
 kaum reden köndten. Die Frawen
 haben auch ihre Berlin vnnnd Edel-
 gestein von ihrem Leib gezogen/die
 selben GOTT zum Creutz geopffert/
 vnd gesagt: Die ding alle seind dein/
 O HERR, du hast vns die gegeben/
 du wöllest dise Stadt nit vnderge-
 hen lassen/nach deine Feind die Ma-
 chometaner vber vnser Güter zu
 Herren machen. Darumb ist sich
 nit zuuerwundern / daß die von V-
 late, die mit sollicher hilff bewahret
 l v gewesen

170 Bericht von Befehung
gewesen / ihren Feinden obgelegen
seynd.

Als dieselbigen auff ein zeit im
Streit gewesen / vnnd gähling ein
Regen eingefallen / wellicher das
Büchßenpuluer dermassen genetzt /
daß sie das Geschütz nit brauchen
kündten / vnnd doch von dem Feind
betranget worden / seynd sie darab
erschrocken / vnd ihrer vil / als die /
so an Menschlicher hilff verzweiflet /
ihre Schwert vnnd Schilt auff den
Boden gelegt / nider kniet / ire Händ
gen Himmel gehebt / vnnd gesagt: O
H E R R , sihe an vnns Christen / die
vmb deines Namens willen strei-
ten / komme vns zu hilff / dein Güte-
keit wölle vns nit verlassen. Sol-
lichs ihr Gebett ist ohn Frucht nit
abgangen. Dann beyde Heer als
bald / wider menigliches versehen /
von einander auß dem feld / heim-
gezogen seynd / also daß kein Theil
vom andern einigen schaden em-
pfangen.

pfangen. Man sagt auch / daß das
 selbig Volck nit vnständig vnnnd wi-
 derspennig / sonder einer gar sanffte
 mütigen Art / auch von Natur zur
 Tugend vnd Gehorsam geneigt sey /
 vnd derwegen auch seine Lehrer gar
 treffenlich lieb habe.

In derselbigen Gegend haben an-
 dere Landleuth / vnder denen schon
 etliche getaufft warē / als sie deßhalb
 ein Krieg vnnnd Überzug der Ma-
 chometaner / die sie ihnen darmit zu
 Feinden gemacht / vermercket vnnnd
 besorget / ein Priester auß der So-
 cietet zu sich berufft / auff daß er das
 gang Volck tauffe. Dann sie het-
 ten ihnen gänglich fürgesetzt / sie
 wolten lieber als Christen / freiwil-
 lig ihr Leben verlieren / dann als
 Machometaner dasselbig vnnnd ihr
 Freyheit behalten. Derhalb waren
 innerhalb zweyer Monaten / ihrer
 mehr dann acht hundert / im Cate-
 chismo vnderrichtet / vnnnd getaufft.

Vil

Vil andere Christen in derselbigen Landfart / als die Machometaner (in deren Gebiet sie wohnten) vermeineten sie zu ihrer Gottlosen Sect zutreiben / haben ihre väterliche Häuser vnnnd Güter verlassen / vnnnd mit ihrem ganzen Haußgesind / an Christenliche ort gezogen.

Auch haben die Quilaner / als sie auff einem Gipfeleines Pergs / allein von der Christenlichen Religion wegen / von den Machometanern belägert waren / mit keiner gefahr noch betröwungen / zu ergebung gezwungen werden mögen.

Weniger ist auch nit der Thomasner beständigkeit im Glauben: Welche als sie von des Königs auß Maluco Kriegsuolck bestritten waren / vnnnd etwa lang dapffer widerstand gethan hetten / auch jetzt der Feind gewalt vñmenig ihnen oblige wolt / haben sie sich mit ihnen mit drey hundert Pactolis, das seind guld

dine

dine Struck oder Münzen / die bey tausent Ducaten thün / vertragen / damit sie bey der Christenlichen Religion bleiben möchten. Als auch der Romaner Amptmanns Tochter / von der Feind Hauptman zur Ehe begert ward / der hoffnüg die Stade desto leichter durch sie zueroberer / gab sie jme zu antwort / Es wäre wol möglich / daß sie zu jhme käme / aber lebendig keines wegs.

Die von Recaniue, die ein tausent güter Kriegsleuth vermögen / als etliche der Nachometaner Schiff zu ihnen kamen / vnd eröweten / wañ sie nit widerumb zu Nachomets Glauben umbkehrten / von dem sie erst ein Jar darvor abgestanden waren / so wurde vom Jaanischen König / zu ihrer außtilgung ein starcke Armada kommen / seind sie ab sollicher Verkündigung keins wegs erschrocken / sonder haben ihnen geantwortet / sie wollen durch kein gefahr / weder

174 Bericht von Befehung
wed des Todes / noch des Güts / noch
ihres Vatterlands / von der wahren
Religion IESV CHRISTI nimmermehr
abweichen. Sie wöllen
vil lieber inn diser zeit / Arbeit vnd
Plagen / dann in jener Welt den ewigen
Tod leiden.

In sollichem ist die Jaanisch ihrer
Feinden Armada / vngesährlich
von zweingig Schiffen / ankomen.
Darab zwar die von Recaniue,
dieweil sie die Menschliche Kräfte /
zu ihrem Schirm nit genügsam sein
befanden / anfänglich erschrocken /
aber hernach / fürnemblich durch
der von der Societet ermanungen /
dermassen getröster vnd gestercket
worden / daß sie sich selbst einer vn-
sählbaren hilff GOTTES vergwüst
haben. Es hat sie auch ihr Hoff-
nung gänglich nit betrogen / Dann
als der Feinden Schiff / neben dem
Recaniuëser Land hingefaren / hat
sie ein grausam Vngewitter ange-
fallen /

fallen/vnnd die Schiff verworffen/
vnnd ist bald darauff die Portuga-
lesisch Armada / mit ihr aller gro-
sem Frolocken zu Recaniue ankoms-
men.

Darauff haben die Amboiner /
newe Christen / wie sie gesehen / daß
sie vmb CHRISTI willen / stätige
Verfolgung gelitten / einen gemeis-
nen Landtag aller Glaubigen ge-
halten/vnd sich darauff mit grosser
Frewd vnd Lust der Jesuiter verein-
niget / Auch öffentlich verheissen /
daß sie alle einander/wider der Ma-
chometaner Gewalt / zu hilff kom-
men solten / gänglich als Christen-
leuth ersterben wolten.

Als in Comoriner Landschaft/
ein newer Christ / ein abgestorbenen
vnglaubigen König / dem dasselbig
Land stewart was / nach Heydni-
schẽ brauch zu lagen/auch den Bart
vñ das Haar abzuscheren sich ver-
widert / ist er von den Vnglaubigen
seines Güts beraubet vnnd zu tod
geschlagen worden.

Im

Im Jar nach CHRISTI Geburt
 1566. ist ein Schiff mit Comoriner
 Christen/das gen Cochin fahren wölli-
 len/ von Machometanischẽ Möhr-
 raubern gefangen/ vñ alsbald sechs
 der fürnembsten Männern auß jnen
 gebunden / auch ihnen der Tod ge-
 tröwet worden / wann sie nit vom
 Christenlichen Glauben/zuder Ma-
 chometanischen Sect abfallen. Da-
 rauff haben sie geantwortet/sie wöls-
 len eh leiden/ was man wölle/ dann
 ein sollich laster begehen. Wie aber
 die Machometaner vermerckten dz
 sie darmit nichts schafften/haben sie
 erstlich die gebundne grausam plaget
 vñ darnach zü jnen gesaget: Wolan/
 thünd flugs die Creutz (welche sie am
 Hals hangend trügen) von euch /
 dann wir wollen euch die Köpff ab-
 haben. Da gaben jnen die Christen
 zu antwort: Nemmet wahr/ vnser
 Häupter seind darzū bereit / wöllet
 jhr aber die Creutz von vns haben/
 so ziehet jhr sie vns selbs herab/ dann
 wir

wir wollen eh sterben. Darauß seind sie niderkniert / vnnnd ihrer fünff auß ihnen getödt worden. Ab sollicher grosser beständigkeit / haben sich die Portugaleser vnnnd vil andere / die darbey gewesen / hoch verwundert. Des sechsten haben die Machometaner verschonet / der darnach den von der Societet zu Cochin angezeigt / daß er / wie er inn sollicher gefahr gewesen / ein inwendige Krafft vnnnd Stärcke / die ihme auß Göttlicher Gnad mitgetheilt worden / empfunden hab.

Im Jar nach der Geburt d Junckfrawen Gottes Gebererin 1554. haben die Türcken / vmb daß Persisch Meer / ein Schiff gefangen / darinn neben etlichen Portugalesern / bey sechs vnnnd dreyßig neuen Christen vnd junge Knaben auß Malauar, von neunnen biß in das sibenzehend Jar ihres alters / geführt worden. Als nun sich die Machometaner mit höchstem fleiß / jetzt mit schmeicheln:
m den

den vnnnd dann mit tröworten / doch
 vergebenlich vnderstanden / diesel-
 ben von C H R I S T O zum Nacho-
 met abzuführen / haben sie die mit
 schlagen vnnnd manicherley Peinen
 dahin zubringen vermeinet. Vols-
 gends ihz Wüten vnd Grausamkeit
 darmit gemehret / daß sie haissen
 Spect oder Feiste auff sie geträuf-
 fet / Doch hat der Knaben grosser
 Glaub / Tugend vnnnd Dapffer-
 keit / solliche Marter vnd vil andere
 mehr beleidigungen alle verachtet.
 Letstlich haben sie einen auß ihnen
 erwischet / vnd mit gewalt / wider sein
 willen / beschnitten. Wie aber die
 Türcken ihne darauff geueyrieret /
 geplaget / vnd gesagt / er sey jetzt ein
 Nachometaner / hat ers kecklich ver-
 neint / vnd gesagt / ime sey dardurch
 allein der Leib geschwächt / aber das
 Gemüt keines wegs / vnd sey noch ein
 Christ / weniger nit dann vor.

In denen Insulen / die / wie oben
 gesagt / Mauri genannt werden / ist
 ein

ein grosse Anzahl newer Christen/
von wegen daß sie die angenomme-
ne Religion nit verlassen wöllen/
nit allein ihrer Hab vnnnd Güter bes-
raubet/sonder zum theil sampt dem
Gut / verkaufft vnnnd vergantet/
vnnnd zum theil gewulich vmbge-
bracht worden.

Daß aber / so sich vor wenig Ja-
ren / in der Insel Amboino begeben/
möchte wol mit der vralten Martyr-
er Glauben / Dapffer vnd Bestän-
digkeit verglichen werden / in dem/
daß nit allein vil Dörffer der neuen
Christen / vmb der Euangelischen
Warheit willen geblündert / vnd an
etlichen orten alle Inwohner / daß
nit einer vberblieben / grausam-
lich zu tod geschlagen / sonder auch
von den wilden vñ groben Vnglau-
bigen / mit vnerhörter Pein vnnnd
Gewligkeit vmbgebracht worden.
Dann etlichen haben sie also lebend
Fleisch vnd Stuck von Armen vnnnd
Schencklen abgehawen / dieselben

m ij vnder

vnder ihrem Angesicht bey dem
 Feuer geröst vnnd gefressen / auch
 also die andern Glieder des Leibs/
 allgemach abgeschnitten / so lang biß
 die Christen / durch langsame Mar-
 ter verzert / ihr Seel dem H E R R E N
 auffgegeben / deren etliche / für vnnd
 für biß inen der lest Athem außgan-
 gen / die heilsame wort / I E S U S, M A-
 R I A, außgesprochen vnd wideräfert
 haben. Deren will ich geschweigen/
 die inn schwere Dienstbarkeit / einer
 da / der ander dort hinauß geführt
 worden / vnd das sonderlich auß der
 ursach / daß sie zu der zeit / als sie von
 den Machometanern belägert gewe-
 sen / das Crucifix (welliches in allen
 Gassen vnnd Dörffern der Christen
 auffzurichten bey inen gebräuchig)
 hinweg gethon / auch zu anzeigung
 ihres Leids / in schwarz Tüch einge-
 wickelt / vnnd damit es nit inn die
 schwächlichen Händ der Machome-
 taner käme / vnder das Erdrich ver-
 graben hetten.

Es

Es gehen aber solliche sachen
vnnnd gefährlichkeiten / nit allein vber
die newen Christen auß / sonder
werden ire Lehrer (damit der Jün-
ger nit vber den Meister sey) dersel-
ben auch theilhafftig / vnd haben die
mit ihnen gemein.

Dann als einer auß der Socie-
tet / den Christlichen Kirchen dienst /
in der Insel Ambiono, trewlich ver-
sehen / haben ihme die Nachometas-
ner vil nachgetrachtet / oft vnnnd
dick nach seinem Leben gestellt / vnd
ihme ein mal Feuer ins Hauß ge-
worffen / vnnnd ihne schier lebendig
verbrennet / Auch letztlich / wie man
sagt / mit Gifft gar hingericht. Der
ist in auffpflanzung vnnnd beschir-
mung der newen Christen / auch wi-
der der vnglaubigen Gewalt / so ein
dapfferer vnd vnuerdroßner Man /
daß sich auch die Feind selbs ab sei-
ner Großmütigkeit verwundert / vñ
darneben gegen den Armen so gütig
gewesen / daß er auch sein Hembd /
m iij durch

durch GOTTES willen geben/vnnd in schweren Kranckheiten / als ihme sonst keine andere Kleyder vbrig bliben/mit einer schlechte deckē bedeckt/von einem Dorff zum andern / wie bräuchlich / herum zuziehe/ vnnd die Christen zubesuchen nit vnderlassen.

Ein anderer/als er sein befolhene Kirchen fürtreffentlich wol beschirmet/ist er von den Machometanern etliche mal schwächlich gehandelt/mit Kolben geschlagen/ vnnd als er in ein Stadt der Vnglaubigen/etliche daselbst zutaußen berufft / vber Meer dahin fahren wollten/ sampt dem Schiff versenckt worden. Sein Gefert aber (damit ich das auch vnder andern sage) ist kümmerlich vnd gefährlich schwimend/ an einen Felsen geworffen/vnnd doch letztlich mit zerrissene Leib/durch die Wellen ans Lād entruñen/so schwach/dz er wie ein vierfüßig Thier / auff dē Bo dē Kriechen müssen. Wellicher auch/
nach

nach dem er in sollicher gestalt/weiste Einöden / daß ihme in drey tagen/kein Mensch nie begegnet/durch wandelt/ ist er hindenuach zu einem wilden Mann kommen / auß denen die man Allifuros nennet / derselbig hat ihne auff seine Achßlen genommen vnd biß in das nechst Dorff der Christen getragen. Von wellichen er/wie man sagt/ so freundlich auffgenommen worden / daß sie von allen orten/ihne zubesehen zügeloffen/vñ auß mitleyden deß ellendē Anblicks geweinet/auch Speiß/Kleyder vnd alles anders / was sie vermögt/vnd zu seiner Erquickung vnd Gesundheit dienstlich gewesen/ihme mitgetheilt / vñ in sollichem je eins das ander vberwinden wollen.

Drey andere auß/der Societet/ Hispanier/als sie im Jarnach CHRISTI deß Herzen Geburt 1555. auß Europa in Indiam schifften / vnd das Lastschiff bey fünff hundert Leuten von der Stadt Goa, auß ein

m iij

Sands

Sandhauffen gefahren / auch vil die darinn geführt worden / in kleinen Schiffen / die sie in der eil auß den stucken der gebrochnen Planen gemacht / ans Land entrunnen / seind doch dise drey / damit sie den grössern hauffen / den die Schiffen nit fassen möchten / in der letzten gefahr nit verliessen / bey denselben bliben / vnn hunger gestorben / wiewol sie vorhin den Tod gar nahe gewiß vor Augen gesehen / vnd in den kleinen Schiffen sie zu sich berufft / vnn ihnen platz machen wollen.

Antonius Criminalis zu Parma inn Lombardey geboren / der ein Mann eines bewärten vnschuldigē Lebens vnd eines mächtigen Eysers den Catholischen Glauben zumehren gewesen / als er im Jar 1544. mit etlichen andern Gesellen / zum Francisco Xauier, ime sein Arbeit zuleichtern / in Indiam geschickt ward / hat ihne Franciscus, wie er in andere Länder das Euangelium zuuerkünden gezogen /

gen/der gangen Comoriner Kirchen
fürgesetzt. Welliches Ampt er / inn
gar beschwerlichen zeiten vnd stätig
gen Kriegs empörungen/mehr dann
drey Jar / mit lust vnd freuden ver
richt/vnd zum wenigsten all Monat
einmal / vber die zwey hundert
Meil wegs im Land herum gezo
gen / vast allweg barfuß/ist auch off
termals auff der blossen Erden vber
nacht gelegen/ vnd hat dannoch dar
neben in täglicher Speiß vñ Tranc
gar mäßig gelebt.

Da er nun an dem ort / das man
den Remanandterfurt nennet den
Catechismus lehret/ Komt ein schnel
le Botschafft/daß die Feind/dz Biß
nager Kriegsvolck vorhanden sey.
Nun stunden an nechster Länden/
etliche bereite Schiff/in die er / wann
er gewölt / sicherlich vnnd wol hette
fliehen mögen / sonderlich dieweil ih
ne vil darzu ermanet. Er aber hat
als ein getreuer Hirt / das Heil sei
ner Schäflin / der Sorg seines eige
m v nen

nen Leibs/fürgeſetzt/vnd mit höchſtem fleiß / als ihme möglich geweſen / verſchaffet / das die gemein Schar von Kindern vnd Weibern/ als die für andere / von dem Feind/ ſchmach/ſchaden vnnnd ſchand zugeſwartten hetten/vnd damit ſie nit zu groſſer gefahr vnſerer Religion vnd Glaubens / den Vnglaubigen inn die Händ kämen/ in die Schiff geſetzt wurden. Als er ſich aber in ſollichem Geſchäfte/ waidlich vnd mit groſſem jnnbrunſt ſeines Gemüts/ braucht vnnnd ſein ſelbſt vergift / ſo wirdt er in dem von den Feinden vberfallen. Wie er nun die enſterſt gefahr vor Augen ſihet / fallt er/ als voller Hoffnung deß ewigen Lebens/ von ſtundenan nider auff ſeine Knie / hebt ſeine Händ auff gen Himmel/vnd begibt ſich in das Gebett. In dem iſt ein Rott oder zwodeß vnglaubigen vnnnd wilden Gefinds / für ihne Antoni fürgezogen ohn einige ſein Verlegung/ wiewol
er

er zu sterben begierig was/ damit er die zerfleischung vñnd zertrennung der Herd CHRISTI nit sehen müßte. Wie aber ein anderer Hauß der Badagaer (dann also werden etliche der Bisnager genennet) hernach gefolget/ hat jme einer vnder ihnen/ der ein Binden vmbß Haupt getragen / ein Spieß in die lincke Seiten beim Wiltz gestochē/ Da laufft gleich ein anderer herzu/ jne zublünderen/ vñd wie er jme den beschabnen Rock abzeucht/ ist Antoni jhme darinn nit allein beholffen / sonder / damit er nichts mit jme auß diser Welt brächte / reißt er jhme selbs eilends das Hembd / mit eignen Händen / ab dem Leib / vñnd würffts jhme für. Darnach fallet er widerumb / seines gebrauchß nit vñeingedenck / nider auff seine Knie/bettēd. (dañ das wß sein gemeiner brauch/ daß er also täglich 20. oder 30. mal von Herzen seufzend bettet) Volgēdes wie er an der Brust zwo / vñ letztlich die vierde Wund

Wund auff der Schultern empfangen / ist er sterbend auff ein Seiten gefallen. Die Vnglaubigen hawen ihm sein Haupt ab / vnnnd hendenckenes / sampt dem Hembd / das von Blüttropfnet / in die höhe / den stumpen aber oder den Leib lassen sienackend vnnnd vnuergraben ligen. Ein sollichen Lohn vnd Vergeltung hat Antonius seiner wachenden grossen Mühe vnnnd Arbeit / auß den höchsten Gnaden GOTTES, daruon gebracht. Also ist auch Aloysius Mendelius, als er in derselbigen Landschaft / eben dasselbig Ampt getragen / von den bösen vnnnd Gottlosen Leuthen erwürgt worden.

Dise der Societet Verwandten / nach dem sie sich freywillig vnnnd fürseztlich inn solliche / souil vnnnd so grosse Schrecken vnd Gefährlichkeiten ergeben vnnnd darein setzen / ziehen sie mit sollicher Begierd vnnnd Eyfer / in dise Land / daß ein jeder
vera

vermeinet/er wölle der erst sein. Der-
halben ich gänglich glaube / daß sie
inn Verrichtung ihres Ampts/ vñ
der sollichen täglichen Beschwär-
den/ Schäden vñnd Gefährlichkei-
ten/ gar nahe von allem Weltlichen
vñnd Menschlichen Wollust abge-
sündert / auß sonderlicher Güti-
keit G O T T E S, offtermals lautere
vñnd vnbedrückte Lustbarkei-
ten / die Fleisch vñnd Blut nit ver-
stehet / noch annimmt / vñnd die
Himmelische Freuden / darnach
der fleischlich Mensch nimer trach-
tet / niessen.

Das aber ängstiget vñnd bedrück-
mert sie hefftig/ daß von wegen iha-
rer geringen Anzahl vñnd Mangel
der Personen / gar vil Aecker / die/
wann sie gebawet/sauber vñ frucht-
bar wurden / vñ ein grosse Frucht
aller Tugenden bringen möchten/
einweyers erbärmlich / rauch / öd-
vñ vnfruchtbar ligen bleiben/ oder
ob

ob sie gleich wol etwan lang gebraucht werden / jedoch allgemach / die weil sie von wegen eines sollichen grossen hauffens der Geschäfte / zu ihren zeiten / nit wider gearbeitet vñ erbawet werden mögen / verlassen widerumb zu einem Wald geraten. Dann es hat vnderweilen ein Arbeiter / ob er gleichwol noch nit Priester ist / vil tausent Menschen an manicherley orten / mit dem wort Gottes zuwarten vnd zuregieren / vñd seynd sonst in vilen derselben so weiten vnd grossen Ländern / keine andere Euangelische Diener / dann außdiser Societet. Sie aber künden darumb nit allenthalben sein / das jr zahl durch auß vñd für sich selbst klein / vber das durch gang Europam / vnd biß in die äusserste Länder gegen Auffgang vñd Nidergang der Sonnen / so weit vnd breit zerstrawet / daß sich höchlich zuverwundern ist / wie so vil / auch in sollicher weite mit dem darzwischen liegenden

genden grossen hohen Meer von ein-
ander abgesönderte Länder/ inn so
kurzer zeit / will nit sagen / mit dem
Euangelio erleuchtet / sonder durch-
zogen vnnnd durchgewandelt hetten
werden mögen/sonderlich von Geis-
tlichen Männern/ die von wegen ih-
rer stätigen Gedult vnnnd Leidens/
an Leib vnd am Gemüt/ auch willig
ge Armüt/ schier nimmer wol auff
noch gesund seind. Desto mehr ist
auch ihr Begierd für gerecht vnnnd
Gottselig zuhalten/dass sie zu ihrem
so grossen vnd heilsamen Werck/ vil
Helffer zuhaben wünschen vñ beges-
ren/damit solliche reichliche vnnnd vo-
berflüssige Ernd der Seelen/ die
man vor längest / auß des verflüch-
ten Teufels Händen/gerissen haben
solt/allein mangels halb der Schnit-
ter/ in Angesicht ihrer Augen/
nit verdurbe vnnnd zu
grund gienge.

7